



NAZIONALE

BIBLIOTECA

6  
17  
A  
5

CENTRALE V. E. II

ROMA



LES  
ENTRETIENS  
SPIRITUELS  
D'ANTOINE FAVRE

P. D. G.

Divisés en trois Centuries de Sonets,

*La premiere de l'Amour diuin, & de la Penitence, La  
seconde du tres-sainct Sacrement de l'Autel, La  
troisieme des deux premieres parties du S.  
Rosaire, en attendant la derniere.*

Avec vne Centurie de Quatrains.

DEDIES A MADAME MARGVERITE  
PRINCESSE DE SAVOYE.



A TVRIN, Par Laurens Valin. M D C I.

*Avec permission.*

4

AM



A M A D A M E

M A D A M E M A R G V E R I T E

P R I N C E S S E D E S A V O Y E .



A D A M E ,

C E S Entretiens , qui n'ont rien de grand que leur subiect , rien de nouveau que mon nom , rien d'admirable , que ce courage , qui les porte iusqu'au deuant des yeux de V.A. nepouuoient , ce me semble , rencontrer vne plus heureuse occasion , que ceste cy , pour ofer se promettre le fauorable accueil , lequel sans celà ilz n'auroient peu que trop ambitieusement , & temerairement rechercher , de ses bonnes graces . Car puis qu'ilz ne parlent , que de deuotion , s'il se peut dire qu'en begayant l'on parle , Et qu'entre les subiectz , qui sont comme infinis de ceste sorte , ilz ont choisy pour principaux , apres celuy de l'Amour de Dieu , les misteres du tressaint Sacrement de l'autel , & du Sainct R O S A I R E de la VIERGE , A qui plustost deuoient ilz s'adresser , qu'à

vous, Madame, Vierge, & Princeſſe ſi deuote: Fille  
aiſnee, & tant aimee de ce grand D v c, qui affe-  
ctionne d'vn plus ardent, & particulier zele ces deux  
deuotions, comme marques hereditaires non moins  
de ſa pieté, que de celle de ſes anceſtres, Tous  
grands en tout, mais en rien plus qu'en ce qu'ilz ont  
eſté tous bons, & tous deuots. L'heureuſe naiſſan-  
ce de Monſeigneur le Prince voſtre frere, qui eut  
pour Aſtre fauorable ce grand Soleil de iuſtice, du-  
quel nous ne pouuons iamais dire en terre Le voilà,  
que quand il ſe monſtre voilé du Sacrement, N'eut  
elle pour Embleme, lors de la reiouiffance publi-  
que, ce Sainct Sacrement meſme? Et ce grand col-  
lier de l'Ordre, qui dez ſi long temps honore noz  
Princes, & ceux là ſeuls, deſquelz ilz ne veulent  
honorer la vertu que par l'honneur meſme, d'où  
ha-il ſa grandeur ſinon du R O S A I R E, duquel en-  
cor il a pris ſon nom de l'Annonciade? Auffy ne  
repreſente il autre par les lettres du F E R T, qu'il  
porte, que la memoire des glorieuſes conqueſtes,  
& des victoires gaignees ſur les infidelles par la pie-  
té, non moins que par la valeur de voz Predecef-  
ſeurs ſoubs la protection de ceſte meſme Vierge:  
Digne obiet d'vne deuotion tant ſignalee, Deuo-  
tion la plus douce de toutes, pour ceux là, qui ſca-  
uent qu'on ne peut honorer plus dignement le filz  
d'vne ſi digne mere, qu'en honorât quoy que moins  
dignement ſa mere. Mais en quel temps plus pro-  
pre que ceſtuy cy, temps du grand, & Sainct Iu-  
bilé, euſſe-ie peu offrir ces Entretiens a V. A? Ou

en quel lieu plus conuenable qu'en ce Saint Temple de nostre Dame du Montdeuis l'un des plus deuotz de la Chrestienté: Celebre, pour l'admirable concours de tant de peuples, que la deuotion y porte de toutes parts, Mais beaucoup plus pour l'abondance de tant de graces, que la liberalité de Dieu ne cesse d'y prodiguer miraculeusement, & a veu d'œil, a l'honneur & par les mains de celle qu'on recognoit par là en estre la seule Tresoriere generale. Encor estoit il bienseant, puis qu'ilz ont voulu se rendre plus agreables par l'embellissement, quoy que bien peu curieusement recherché, de la Poésie Francoise, qu'ilz recherchassent aussy quelque faueur, qui fist estat des Muses Francoises. Et où la chercher, si ce n'est en ce grand nom de MARGUERITE? Mais où treuuer ce nom plus heurcux, qu'en la maison de SAVOYE? ou plus a propos, qu'en la petite fille de ceste grande Marguerite, qui fut la mere, pour ne dire poetiquement la Deesse des Muses de son aage, & des estrangeres, autant que de celles, qui par le droit de sa naissance, pour plus s'honorer pouuoient plus iustement se dire siennes. Prenez doncques Madame, & receuez fauorablement non pas l'honneur, que vous offrent ces Entretiens, qui viennent mendier le leur du vostre, mais l'augure, qu'ilz vous apportent les premiers de l'honneur, que ce sera dans peu d'annees a V. Alt. destre recougné de tous, pour nouvelle perle, & Marguerite vniue de ce nouveau siecle. Leur langue, a la verité, n'est pas la vostre maternelle,

Mais

Mais pour celà elle ne peut estre ny plus estrange-  
re, ny moins cougnee a V. A. puis qu'elle luy est  
paternelle. Aussi auoient-ils desseigné de se por-  
ter droit a Monseigneur vostre Pere, comme obli-  
gés de luy rendre pour moy quelque compte non  
seulement de mes actions, mais de mon loisir enco-  
res. Et si maintenant mon deuoir leur derobbe ce  
dessein, en derobbant mon desir a mon deuoir mes-  
me, pour le porter a V. A. C'est a sabonté de discou-  
rir pour moy, a quoy ceste mesme bonté l'oblige  
pour me faire obtenir grace de ce double larcin,  
fait d'vne facon si nouvelle, a vn tel & si grand Prin-  
ce. Car malaisement pourrois-ie iamais en espe-  
rer pardon, tant ie scay qu'il auroit aggréé leur au-  
dace, voire a l'egal mesmes de sa propre clemence,  
si V. A. la premiere ne me fait ceste grace, ie ne di-  
ray pas d'aduouër qu'elle m'aye commandé de faire  
le larcin, mais de tesmoigner seulement qu'elle l'a  
pour de tant plus aggreable. Mais ie suis peu caut,  
& trop indiscret de l'entretenir si longuement, pour  
acquerir a mes Entretiens l'honneur de sa bienue-  
uillance, puis que ceux qui plaisent dauantage, cou-  
stumierement sont ceux là qui sont les plus courts,  
sinon qu'ilz soyent si doux, & reuestus d'vn tel en-  
tre-gent, qu'ilz n'ayent rien d'ennuyeux, que leur  
briefueté mesme. I'espere toutefois, que ceux cy  
feront de la derniere sorte, s'ilz prennent, comme ie  
me prometz, qu'ilz prendront toute leur grace de  
la deuotion de V. A. plustost que de la leur propre:  
Ne se pouuant faire, a mon aduis, que les discours  
deuots

deuots puissent sembler trop longs, pour mal limés  
qu'ils soyent, si ce n'est à ceux desquelz la deuotion  
est encor plus courte, que leur patience. Je prie  
Dieu, qu'il luy plaise en temoignage, & accroisse-  
ment de ceste deuotion de V. A. & pour arres, &  
gaige de sa gloire au Ciel, la combler en Terre de  
toutes les graces, & benedictions, que luy peut, &  
doit souhaiter celuy, qui est, & sera perpetuellement

MADAME;

De V. A.

Treshumble, & tresobeissant seruiteur

Ant. Faure.



## L'Auteur a ses Entretiens.

*Allez, mes Entretiens, & sans adieu me dire,  
Allez, puis qu'il vous plait, quelque autre entretenir,  
Mais voyez bien sur tout de ne point reuenir  
Sans rendre plus deuots ceux, qui voudront vous lire:  
Bien qu'encor vous n'ayez appris l'art de bien-dire,  
Si vous ferois-ie tort de plus vous retenir,  
Que si ces grands Ronsards ne daignent vous tenir,  
Plaisez tant plus, a qui se plaise a vous relire:  
La Muse ne vous a d'un Catulle enfantés,  
Ny d'autre nul de ceux, qui pour les Vanités  
Ont par leurs vers plus beaux diffamé leur memoire:  
Non, non, Vous estes nés beaucoup plus noblement,  
Voſtre Pere eſt le Ciel, moy ſon vil inſtrument,  
Heureux, ſi i'ay par vous moins d'Honneur, plus de  
Gloire.*





Dieu franc de passion sans amour & sans haine  
 Voiant tout clos en soy, se plaisoit à se voir,  
 Quand le desir lui vint & d'aimer, & d'auoir  
 Quelque obiet hors de soy, digne euvre de sa peine:  
 Les Anges il crea, dont la part plus hautaine  
 Pour estre comme dieux forlignant du deuoir,  
 Causa que Dieu dez lors partagea son vouloir,  
 Et de haine & d'amour vid sa iustice pleine.  
 Lors de bouë il pestrit son image viuant,  
 A fin qu'humble il allast iusqu'au ciel s'esleuant,  
 Mais pesant & ingrat de terre il cheut en cendre:  
 La haine fit celà, Mais l'amour l'emporta,  
 Et pour la cendre entor tant vers Dieu contesta,  
 Que pour en faire vn Dieu, il vint homme se rendre.

Vous qui brulez d'amour des vanités mondaines,  
 Hà que mal vous scauez que c'est de bien aimer!  
 Quel pris autre qu'amour peut l'amour estimer?  
 Le monde at-il amour qui n'ha tendons ni veines?  
 Mais qu'a-il de si grand digne de tant de peines?  
 Quoy semblable, qu'il puisse en soy vous transformer?  
 Quoy de doux, s'il vous rend, vostre Dieu mesme amer?  
 Quoy de seur, puis qu'en fin ses promesses sont vaines?  
 Mais de qui portez vous l'image sur le front?  
 Pourquoi ne rampez vous comme les brutaux font,  
 Si comme eux vous voulez de terre vn ciel vous faire?  
 Vous couuez en voz seins cent traistres scorpions,  
 Changez changez de Ciel changeant d'affections,  
 Ranuersez le miroir pour redresser la sphere.

Bien

Bien souuent a-par-moy au souffrir des miseres  
 Que cause en moy l'amas de tant d'horribles feus,  
 Dont ie brule tout vif, i'en accuse mes yeux  
 Qui de l'amour mondain furent les sagittaires,  
 Ha, dis-ie, malheureux, traistres, fols, sanguinaires,  
 Qui visans à ma mort pour l'obiet de mon mieux,  
 Me tenez tant de temps esclaves de vos ieus,  
 Pouuez-vous rire encor de mes larmes ameres ?  
 Pauuret ! respondent-ils, Qu'est-ce en quoi nous pouuions  
 Ficher noz traitz plus vifz qu'en ce que nous voions ?  
 Ton cœur nous deust porter iusqu'ou Dieu tient sa face.  
 Que peux-tu repliquer mon cœur ? Respon pour moy,  
 Il est confus, ô Dieu, s'il ne recourt à toy  
 A fin que sans te voir, il sente au moins ta grace.

C'est par trop estre ingrat à qui si tost oublie  
 Le nom & les bienfaits de l'ami trepassé,  
 L'amour est trop petit, qui se rend compassé  
 Par l'abbregé si brief d'une si courte vie:  
 Ce n'est par le prouffit qu'un saint amour se lie,  
 D'un plus digne ciment il veut estre pressé,  
 Le bien est son obiet, qui iamais n'est passé,  
 Puis que l'honeste seul fait que bien on le die.  
 Ame ingrate qui vois ton Sauueur desia mort,  
 L'oublies-tu pourtant ? Mais te fais-tu ce tort,  
 De perdre tant de fruitz, dont sa Croix courbe toute ?  
 S'il falloit que sa mort te fist viure a tousiour,  
 Si le fruit dure encor d'un si puissant amour,  
 Mais s'il vit immortel, qu'est-ce qui te degousté ?

Amoureux, qui feignez d'auoir vn Dieu pour maistre,  
 Et qui dittes qu'Amour n'est qu'une Deité,  
 Que bien sans y penser vous dittes verité!

Amour n'est-il vray Dieu, si Dieu veut amour estre?

Mais ne me dittes pas que ce Dieu soit vn traistre,  
 C'est faire trop d'outrage à la diuinité,  
 C'est à noz huguenotz bouffis d'impieté  
 De faire Dieu menteur pour ne le faire prestre.

Si l'amour ha celà quand ce n'est du commun,  
 Que de deux s'entr'aimans il n'en fait qu'un tout un,  
 N'es tu Dieu tout amour, qui m'unis à toimesmes?

Quelle feroy-ie donc si te t'aimois autant?

Homme. Mais ia tu l'es. Si ne faut-il pourtant,  
 Que ie t'en aime moins, puis que ia tant tu m'aimes.

Ie veux estre amoureux, mais de si bonne sorte,  
 Qu'il ne me soit permis d'onques m'en departir,  
 Et que nul autre amour ne puisse dementir  
 La sainte affection qui mon ame transporte:

Mais pour y paruenir, puis que mon beur m'y porte,  
 Ie cherche vne beauté qui veuille compatir,  
 Vn regard plein d'esperoir qui ne scache mentir,  
 Vn cœur qui a m'aimer de soy-mesme s'exhorte:

Mais ie veux que sur tout, l'obiet de mon amour  
 Au delà du tombeau m'accompagne tousiour,  
 Que ma felicité se maintienne immortelle:

Monde, si tu le peux, fourny moy le subiet  
 D'une si grande grace, Ou confesse que c'est  
 De Dieu seul, non de toy, qu'il faut l'attendre telle.

Amans

Amans qui n'aimez rien que l'amour perissable,  
 Si pour viure contens, vous n'avez rien de tel,  
 Pourquoi ne rendez vous vostre amour immortel,  
 Dont le fruit à iamais vous deust estre agreable?  
 Si l'esperoir de iouir d'un obiet miserable  
 Vous nourrit d'un soucy, que vous dittes mortel,  
 Quel plaisir auriez vous, si du bien eternal  
 Vous pouuiez sauouurer le desir desirable?  
 Mais d'où vient, dittes moy que tant vous souspirez,  
 Pour auoir ce qu'en fin, & tost, vous quitterez,  
 Et dont le goust se perd, quand en vient l'asseurance!  
 Laissez cet amour qui rien n'aime qu'en vain,  
 Aimez Dieu pour l'auoir, Vous l'aurez tout soudain,  
 Et le goust tant plus doux d'une seure esperance.

Qu'il me plait, grand Platon, que Diuin on t'appelle,  
 Qui as, quoy que payen, cognu tant de secrets,  
 Qu'il semble que par toy, comme Apostre des Grecs,  
 Dieu leur ait reuelé sa doctrine plus belle!  
 N'est ce toy qui peignant, comme un celeste Apelle,  
 De nostre esprit diuin les plus superbes traits,  
 L'images tout rond, pour conclurre en appres,  
 Que de ses mouuemens la forme est toute telle?  
 Qu'enseignes-tu par là, sinon que s'il est tel,  
 Pour peu qu'il ait d'esprit, il se iuge immortel,  
 Aiant Dieu pour principe, & pour fin tout ensemble?  
 Par semblable discours, puis qu'o mon Dieu trescher,  
 Ia tu m'as tant aimé que de prendre ma chair,  
 Quand t'aimeray ie tant, qu'à toy seul ie ressemble?

Hà que ie vous enuie ames saintement belles ;  
 Qui grosses d'un amour diuinement parfait  
 Ne respirez que Dieu , & goustans quel il est ,  
 Vinez en corps mortels ia faites immortelles !  
 Mais las , que ie vous pleins ames à Dieu rebelles ,  
 Dont le goust abesty d'autre rien ne se paist  
 Que du vain de ce monde , & qui pour tout souhait  
 N'aspirez qu'au plus bas des flammes eternelles :  
 Croupirez vous tousiours en ce maudit estat ?  
 N'apprehendez-vous point cet horrible combat  
 De la mort , mais de Dieu l'effroiable sentence ?  
 Releuez ce cœur bas , & le guindant en haut  
 Oiez la voix du ciel , qui crie qu'il vous faut  
 En fin ardre à iamais , ou faire penitence .

Non , ie ne croiray plus que l'absence prouffite  
 Pour enflammer noz cœurs de quelqu' amour plus vif ,  
 Plus ie suis loin de Dieu plus ie me sens retif  
 Si sa grace par fois à son amour m'inuite :  
 De ce monde au rebours l'accointance maudite  
 Plus ie le veux cherir plus me retient captif ,  
 Et n'ay iamais eu moy contre moy plus d'etrif  
 Que s'il faut quelquefois que son amour ie quitte .  
 Peut estre que voiant le monde de si pres  
 Ie ne peux au naif recognoistre ses traits ,  
 De Dieu cest autrement , Qui ne le sent ne l'aime :  
 S'il est ainsin , ô Dieu , de grace approche toy ,  
 Le monde qui m'estraint s'esloignera de moy ,  
 Lors toy seul i'aimeray , le reste pour toy-mesme .  
 Quel-

*Quelle dureté de cœur ! Les rocs plus durs se fendent ,  
 Malgré leur naturel d'insensibilité ,  
 Pour rendre quelque esclair de vaine charité ,  
 Quand de mô Dieu la mort, quoy que sourds ils entendent :  
 Moy qui voy tant de sang, qu'a grans randois respandent  
 Les veines de l'amour, qui brule son costé ,  
 Qui voi que pour moy seul il est si mal traité ,  
 Puis-je veines auoir, qui larmes ne lui rendent ?  
 Donne m'en donc mon cœur, Mais a fin que leur blanc  
 Pour auoir seur credit, prenne couleur de sang ,  
 Ioin-les à ce sang pur, qui de la Croix ne bouge :  
 Que tu es insensible, & vuide d'amitié !  
 Si de luy tu ne peux de toy donc pren pitié ,  
 Per-toy dans ceste mer, puis que c'est la mer rouge .*

*O combien differens sont les biens de ce monde ,  
 De ceux dont nostre Dieu va ses saints benissant !  
 De ceux-là le plaisir, sur la glace glissant  
 Dure autant que l'arrest d'une boule bien ronde :  
 De ceux-ci la douceur, plus large & plus profonde ,  
 Plus on veut en iouir plus encor va croissant ,  
 Et de son possesseur les veus enrichissant ,  
 En vouloir, en pouuoir, également feconde :  
 Si pour riche l'on doit celuy-là seul tenir ,  
 Qui vit content de peu, pourrat-on maintenir ,  
 Riche, de qui la faim par l'engloutir s'augmente ?  
 Mais quel estrange cas ! des biens qui sont vrais maux ,  
 Nous n'auons iamais prou pour nombrer nos travaux ,  
 Des diuins au rebours, qui moins ha s'en contente .*

*Amans, qui vantez-tant en amour la constance,*  
*Est-ce tout le motif, qui vous rend si constans*  
*A n'aimer que le monde, & ses vains passetems,*  
*Qui n'ont rien de constant que leur propre inconstance ?*  
*L'ay plus constant que vous dez ma premiere enfance.*  
*A sa court dedié le meilleur des mes ans,*  
*Et si iamais il n'a mes desirs fait contens,*  
*Ne doy-ie desormais quitter son accointance ?*  
*Vous obstineriez-vous d'aimer vne beauté,*  
*Qui n'eust rien de plus beau que sa legereté ?*  
*Ou qui pour cōtr'amour vous donnaſt vn cœur traistres ?*  
*Changez non point d'humeur mais d'obiet seulement,*  
*Aimez, mais Dieu, qui seul vous aime constamment,*  
*Dittes lors, qu'en amour chascun doit constant estre.*

*Quelles seurs voy-ie icy, dont l'une tant farouche*  
*Ne fait monstre en ses mains que de foudres affreux,*  
*L'autre au rebours, d'un œil plein de traits amoureux,*  
*Semble de mil baisers ia semondre ma bouche :*  
*L'une du seul effroy tuë auant qu'elle touche,*  
*L'autre d'un seul clin d'œil sauue les plus peureux,*  
*Celle-là se repaist du sang des mal-beureux,*  
*Ceste-ci du bon-heur de quiconque l'abouche :*  
*Les croirai-ie estre seurs filles d'un mesme Dieu ?*  
*Mais de si bon accord, qu'en tout temps, en tout lieu*  
*L'une de l'autre soit compagne inseparable ?*  
*Il est vrayment ainsi, Mais l'une va deuant*  
*S'offrir à qui la veut, L'autre apres foudroiant*  
*Quiconque de sa seur n'ha l'amour agreable.*

ne pers au discours de ta toute-puissance ;  
 Mon Dieu, quand ie te voy d'un seul rien faire tout :  
 Quand i'appercoy de plus, que d'un à l'autre bout  
 Tu regis tout si bien, hâ quelle sapience !  
 is plus que tout celà, i'exalte ta clemence,  
 Quand ie voy ta grandeur, qui prompte se resout  
 De s'abaisser si bas, qui toute se dissout  
 Pour souffrir d'une Croix la mort, & la sentence :  
 is plus encor que tout, i'admire iustement,  
 Que pour moy, pour moy seul tu prendrois ce torment,  
 Quand seul ie resteroy de la coupable race,  
 is quand i'oy mes pechés, qui crient que tu n'es  
 Moins iuste que tout-bon, ie meurs, si tu ne fais,  
 Qu'un heureux desespoir me conduise à ta grace.

omme créé de Dieu portrait de son image  
 Eschantillon vivant de la diuinité,  
 Non content d'estre tel osa bien effronté  
 Pour estre comm'un Dieu, au diable rendre homage :  
 là vint ce grand coup, qui tout le deuifage,  
 Dieu, qui voit son chef d'euure indignement gasté,  
 En prend compassion, prenant l'humanité,  
 Dez lors l'homme est fait Dieu, Que veut-il dauantage ?  
 or luy semble-il que celà soit trop peu,  
 Il ne luy suffit pas d'estre homme, puis fait Dieu,  
 Il veut n'estre que Dieu, luy qui voit Dieu estre hōme :  
 en cōme homme, & pour l'homme, à bien voulu mourir,  
 Luy pour soi ne voudroit, moins pour Dieu rien souffrir,  
 Ingrat, comment veux-tu que ton peché te nomme ?

Mourir

Mourir d'un sain regret d'auoir fait tant d'offences,  
 Et viure en esperant de grace en obtenir,  
 C'est viure & mourir bien, & les moiens tenir  
 D'auoir non vn pardon, mais mille recompences:  
 C'est l'holocauste saint, ce sont les assurances,  
 Que Dieu demande à ceux qu'il pretend de benir,  
 C'est par là droitement que l'on peut paruenir  
 A ce bien souuerain qui meut noz esperances.  
 Mais pour viure & mourir en vn seul Iesus-Christ,  
 Il faut matter le corps, & plus encor l'esprit,  
 A fin que contre Dieu nul des deux ne rebelle:  
 Qui vit de la facon meurt heureux tous les iours,  
 Qui scait ainsi mourir vit pour viure tousiours,  
 Vne la mort qui fait la vie estre immortelle.

Qu'indiscret est mon cœur, & ma bouche impudente!  
 Je me dis estre à Dieu, & comme en le flatant  
 Je vay de sa grandeur les merueilles chantant,  
 Et rien que sa bonté ma parolle ne vante:  
 Si par fois il m'aduiet qu'heureux ie me repente  
 D'auoir tant'offencé celuy qui m'aime tant,  
 Je me promets sa grace, & de moy m'inuitant  
 Au banquet de sa chair, hardy ie m'y presente.  
 Mais quand pour seconder les offres de ma voix  
 Il faut qu'auocque luy ie porte vn peu de Croix,  
 Soudain ie pers tout coeur sous le faix qui m'accable:  
 Je veux bien avec luy par sa Croix estre heureux,  
 Mais puis l'accompagner à la Croix ie ne veux,  
 N'est-ce estre amy, qu'on dit, de fortune, & de table?  
 Quels

Quels miracles, ô Dieu, quelle nouvelle chance !

Le ciel iadis si haut sur la terre perché

S'arrose de la terre, & le centre caché

S'vnit visiblement à sa circonference :

Du iuste desespoir naist la iuste esperance,

Le Paradis si cher se donne à tel marché,

Que le salut perdu se retrenue au peché,

Et le naufrage mesme est fait port d'assurance :

Le dueil d'un cœur mourant bastit l'Eternité,

De ses eaux reiaillit le feu de charité,

Feu qui brulant tout l'air, la terre au ciel r'allie :

Mais ce que plus j'admire, & qui plus me ravuit,

C'est que l'ame ia morte en remourant reuit,

Et de sa double mort s'eslance à double vie.

Que tu es impudent œil lascif & volage !

Qui regorgeant encor de tant de vanités,

Dardes contre le ciel tes regards empestés,

Pour demander faueur à qui tu fais outrage :

Que tu es impudent cœur maudit ! dont la rage

Guidant auenglement tes desirs indomptés,

T'a porté tant de fois contre les volontés

Du Dieu, qu'ores tu prends pour phare à ton naufrage.

Et vous mains de péché, maudittes mille fois,

Qui pour monstre n'avez que du sang en voz doigts,

Que vous sert d'estre en l'air tant de tems suspendues ?

Sinon pour protester vostre peu de valeur,

Si ta dextre, ô grand Dieu, ne remoule mon cœur,

Pour rēdre aux yeux, aux mains, leurs puissances pdues.

C'est

C'est par trop longuement croupir en son ordure,  
 C'est par trop abuser de la bonté de Dieu,  
 Il est temps deormais, mon ame, qu'en tout lieu  
 Tu penses à la fin, qui sans fin toujours dure:  
 Miserable, di-moy, qu'elle horrible imposture,  
 Quel enforcelement t'a iusqu'ores deceu?  
 Quel obiet t'a forcé de vendre pour si peu  
 Ains pour le rien d'un rien, ta primogeniture?  
 Hà donc, sus, leue-toy, pauvrette, & puis qu'il faut  
 Que ton Dieu soit ton tout, d'un cœur humblemēt haut  
 Lance-toy iusqu'à luy, Tu verras sa menace  
 Preste à te foudroier, Ne recule pourtant,  
 Mais par pleurs, par sanglots va luy representant  
 Le prix de ton salut ia païé pour ta grace.

Magnifiques mondains, qui de voz mortels peres  
 Apres leur iour venu faites ouvrir les corps,  
 Feignans de ne scauoir d'où procedent leurs morts,  
 Effets du seul peché, source de noz miseres,  
 Eleuez voz esprits à plus diuins misteres,  
 Voiez morte la vie, & dittes quels efforts  
 Meurtrent l'immortel, le plus fort des plus forts,  
 Qui franc de tout peché, souffrit tant d'improperes.  
 L'anatomie est faite, & le coup ia donné  
 Dans le flanc iusqu'au cœur, m'en fait moins estonné,  
 Voiez le cœur ouuert par la lance pointuë,  
 Voiez quel feu d'amour brule encor au dedans,  
 Ne cherchez de sa mort autres motifs plus grands,  
 Ny de la vostre aussi, si ce coup ne vous tue.

Pauvret ! à qui iadis l'estre fils de famille :  
 Au palais plantureux d'un pere si puissant,  
 Donnoit, avec le nom, le credit de l'enfant,  
 Qu'as-tu fait, qui n'as plus ny coque ny coquille ?  
 Que veut dire l'horreur de ce sac qui t'habille,  
 Et la gland que tu prens pour ton mets plus plaisant,  
 Mets que les Pourceaux vont à ta faim refusant,  
 Jaloux qu'en leur moisson ell'ait mis sa faucille.  
 A ton pere iras tu ? quel pere te voudra ?  
 Et s'il te mecognoit, qui te recognoistra ?  
 Qui ne scait estre fils n'ba plus pere ny mere :  
 Seray-ie donc sans pere estant fils ? Non seray  
 Humble à ses pieds plorant, mon Pere, ce diray,  
 Ce n'est qu'à tels enfans qu'on se peut monstrier pere.

Courage, preux soldats, le Roiaume celeste  
 Ne s'acquierit que par force, & les coeurs plus hardis  
 Sont ceux qui de plain saut emportent Paradis,  
 Pourueu que de leur tout en terre rien ne reste.  
 Mais par ou pourriez vous grimper insqu'à ce feste ?  
 Voudriez vous y voler sans aisles, estourdis,  
 Pour epreuuer en vous ce qu'epreuua iadis  
 Du Cocher indiscret l'audace trop funeste ?  
 Sapperez vous le ciel sans y porter le doit ?  
 La mine y sert de peu pour bonne qu'elle soit,  
 Il faut donc en plain iour oser vne escalade :  
 Pour bon coeur, armez vous de la crainte de Dieu,  
 L'humbleste soit l'eschelle ancree en si haut lieu,  
 De tels Geans le ciel endure la brauade.

Quand



Quand ie vai repassant de mes fautes passees  
 Les infames caiers, qu'ell' horreur, quel effroy  
 De mon ame surprend le plus sombre recoy,  
 Estouffant tout à fait ses forces terracees !  
 Soit que leur infini s'oppose à mes pensees,  
 Soit que de tant & tant qui crient contre moy,  
 L'enorme impieté ne me laisse dequoy  
 Esperer que iamais elles soient effacees.  
 Mais par quel desespoir mon ame, te pers-tu ?  
 Plustost va releuant ton salut abbatu,  
 Salut dont le ressort git en l'humble esperance :  
 Voy les bras tout-ouuerts de ton doux Iesus Christ,  
 Ses pieds encor cloués, son cœur pour toy contrit,  
 Applique seulement son sang à ton offence.

Las! que ferai ie, ô Dieu, pour affermir mon ame!  
 Si i'ose apprehender tes iustes iugemens,  
 Ie voi cent mille enfers, & cent mille tormens,  
 Qui me liurent en proie à l'eternelle flamme !  
 Si pour me consoler ta bonté ie reclame,  
 Qui me r'appelle à soy par tant d'allechemens,  
 Ie m'abisme en la mer de si hauts sacremens,  
 Et par trop presumer au peché ie m'enflamme.  
 Guide des Penitens, Magdeleine, dy moy  
 Ce qu'autrefois tu fis, & fay que comme toy,  
 I'oigne de mon Sauueur ces deux pieds venerables :  
 Sa fureur soit le gauche, & sa grace le droit,  
 A fin qu'humble entre deux, & d'un cœur plus adroit  
 Ie craigne, en esperant, l'esperoir des miserables.

Esperer-

Espereray-ie, ô Dieu, en ta misericorde,  
 Quoy que sans fin tu sois misericordieux!  
 Puis que venant à toy ie n'ay ny larme aux yeux,  
 Ny coeur de qui la voix à ma bouche s'accorde!  
 Bien que de quelque endroit qu'à ta merci j'aborde,  
 Ie voy que de là seul depend l'heur de mon mieux,  
 Si ne puis ie pourtant ietter iusques aux cieus,  
 Pour ancrer en ce port, vne si longue corde.  
 Si ton fils vient à moy comment, vuide d'vnguens,  
 Offeriray-ie à ses pieds mes vices si puans?  
 Vn seul remède, belàs! seul mais tresseur me reste:  
 Honteux, ie m'estendray au dernier de sa Croix,  
 A fin que ta iustice abeurtee à ce bois  
 Rouge de tant de sang, ains que me voir, s'arreste.

Pleurez mes yeux, pleurez, mais avec tant de grace  
 Qu'en fin tous mes pechés s'abisment en voz eaux,  
 Pleurez, mais sans cesser, à fin que voz tuyaux  
 Soynt d'vn fleuve le liét, non d'vn torrent qui passe,  
 Pleurez, mais pour porter voz larmes à la face  
 Puissez les dans le coeur source de tous voz maux,  
 Et d'vn ardent desir de venger voz travaux  
 Brulez le de voz feux pour dissoudre sa glace:  
 Mais croy-ie que mes pleurs puissent auoir effet,  
 S'exhalans d'vn borbier si puant & infet?  
 O ciel verse sur moy tes fontaines plus hautes,  
 Donne m'en, ô bon Dieu, par l'eternel canal  
 De ton fils bien aimé, Ou rends moy, liberal,  
 Ces larmes qu'il t'offrit quand il pleura mes fautes.

Ce feu miraculeux, que la loy Mosaique  
 Vouloit ardre sans cesse au deuant de l'autel,  
 Fut dans vn puis sans eau caché comme immortel,  
 Lors que le peuple Hebrieu fut fait Babilonique,  
 Mais voulant au retour le sacrifice antique  
 Reprendre sa vigueur, le feu ne fut plus tel,  
 Le puis ne rend que d'eau, mais aux rais du Soleil  
 L'eau se rechange en feu, miracle magnifique!  
 Ce feu de charité, mon Dieu, que ta grandeur  
 Mit pour luire sans cesse au milieu de mon cœur,  
 Dans l'enfer du peché n'a peu nourrir sa flamme,  
 Ce n'est plus que d'eau froide, encor las! est-ce asses,  
 Ce sont mes pleurs, ô Dieu, pour ce feu remplacés,  
 Fay que ton saint Esprit par son feu les r'enflamme.

Des plus puants marests qui croupissent sur terre,  
 Le Soleil esleuant au plus haut les vapeurs  
 Les dissipe en apres, & de mille douceurs  
 Enyure tous les champs par les eaux qu'il enterre;  
 Mais si par fois il veut nous denonter la guerre,  
 Des nuës il se sert, dont les basses humeurs,  
 Ne seruent qu'à gresler des pastes laboureurs  
 L'espoir à demi né, Compagnes du tonnerre.  
 Grand Soleil de iustice, à qui j'offre vne fois  
 De mon cœur empesté les larmes que tu vois,  
 Ne souffre que d'embas sur mon ame elles pleuuent,  
 Tire les iusqu'à toy, lors il pleura d'enhaut,  
 Car pour basses tenir toutes celles me faut,  
 Qui de tout autre obiet, que de t'aimer, s'emeuuent.

Cessez,

Cessez, pecheurs, cessez de blasphemer sans cesse,  
 Contre la grand' bonté du souverain seigneur,  
 Croians impudemment, que de la puanteur  
 De voz meschancetés ses plaisirs il repaisse:  
 Voiez de quel courroux sa iustice se dresse  
 Contre vn simple forfait de ce premier pecheur,  
 Voiez le propre fils, qui comme seruiteur,  
 Pour son pere appaiser, iusqu'à la mort s'abbaisse.  
 Si au bois verd, Seigneur, ta fureur fit cela,  
 Que ferat-elle au sec? Pecheurs, iugez de là  
 Combien fol est l'esperoir du peché, qui s'apaste!  
 Misericorde, ô Dieu, misericorde helàs!  
 Mais la plus grande soit, que tu ne souffres pas  
 Qu'en ta misericorde, ô Dieu, plus ie me flatte.

Ce monde inferieur à son ouvrier semblable  
 N'ha pour tous elemens que l'amer & le dous,  
 De ces deux qualités par tout il faut que tous  
 Aillent participant, quoy qu'en sort dissemblable:  
 De mesmes du grand Dieu la puissance admirable,  
 Quoy que tousiours egale à compasser ses coups,  
 S'excite en deux facons, par grace, & par courroux,  
 Selon que les obiets luy font estre agreable.  
 Puisse-ie, ô Dieu, puisse-ie en ce monde viuant,  
 Gouster plus de l'amer, que du doux deceuant:  
 Plus en vient d'appetit, plus la salade est aigre:  
 Ainsi d'aller à toy le desir me croistra,  
 Puis ta grace, à ma mort, la douce huile sera,  
 Qui de ton fier courroux mattera le vinaigre.

*Au milieu de mes iours , au plus fort de ma vie  
 Mon ame regretant d'auoir vescu si mal ,  
 Se resoulut d'aller iusqu'au sombre portal  
 Du lieu qui des damnés les blasphemes chastie .*

*Tiray , dis ie , i'iray , où la mort me conuie ,  
 Sans attendre que Dieu m'en donne le signal ,  
 Ou qu'il commande au chef du manoir infernal ,  
 Qu'en son feu tenebreux pieds & mains il me lie .*

*Ainsi disant ie fis que Dieu ne le dit pas ,  
 Dieu qui d'un mot m'eust fait sentir mille trespas ,  
 Me condamnant premier ie trompay sa vengeance :  
 Mais voiant des enfers les approches affreux ,  
 Je reuins à moimesme, & rebroussant aux cieus ,  
 Helas dis- ie , ô mon Dieu! reuoque ma sentence .*

*Souffirs, qui de mon cœur auez rompu la glace ,  
 Si le desir vous poinct de monter iusqu'aux cieus ,  
 Pourquoi ne iettez- vous de larmes dans mes yeux?  
 Puis qu'on n'y peut aller que par eau, quoy qu'on face:  
 Mais pour voguer si loing , puis qu'outre mer on passe ,  
 Pourquoi ne faites- vous vne mer , pour le mieux?  
 Vn monde de pechés , & si grands , & si vieux  
 Veut il moins qu'une mer , & de pleurs , & de grace?  
 Ne dittes , mes amis , que des marines eaux ,  
 On ne laue à prouffir de si sales drapeaux ,  
 Dieu rendra doux l'amer , Espreneuez la lesciue ,  
 Prenez le corps pour cendre, & l'ame pour le bois ,  
 Soufflez incessamment , mais au pied de la Croix ,  
 De la naistra le feu , si le bois y arrive .*

Tref-

Tresgrands , tressaincts esprits, de qui l'essence pure  
 Toujours vnie à Dieu ne voulut trebucher ,  
 Anges, qui scauez tout, fors que vouloir pecher ,  
 Que l'enuie à bon droit l'heur de vostre nature !  
 Mais vous, qui cognoissez de nostre pourriture  
 La sottie infirmité tousiours preste à broncher ,  
 Quelle cause auez vous de vouloir rechercher  
 Les causes de mon dueil, si quelque fois ie pleure !  
 Prenez en bonne part, que ma tremblante vois  
 Die ce que vous dit Magdeleine autrefois ,  
 Hà ne doy-ie pleurer aiant perdu mon maistre !  
 Mais comme à elle aussi , dittes que ie feray  
 Pour tost le recouurer , & où ie le verray ,  
 Ie n'auray plus de quoy vous enuier vostre estre .

L'homme auoit ia forfait , & sa brutale engeance  
 Forgeoit contre soimesme & de feus , & de fers ,  
 Quand Dieu iettant sur luy ses yeux tousiours ouuers  
 Voulut de tel ingrât abismer l'insolence :  
 Ie me repens , dit-il , d'auoir par ma puissance  
 Créé cet animal digne de mille enfers ,  
 De mon cœur affligé la douleur fend les airs ,  
 Souffriray-ie tousiours ceste infame semence ?  
 Quelle fut la douleur , ô Dieu, que tu te fis ,  
 Si ce n'est celle-là qu'endura ton cher fils ,  
 Ton cœur , quand il pleura mes pechés , mes miseres !  
 Si ses douleurs , belàs , me firent tant hay ,  
 Que sera ce d'auoir leurs merites trahy ,  
 Si pour les adoucir ie ne les sens ameres !

Se peut-il faire , ô Dieu , qu'un pecheur tant indigne  
 Recoive de ta main tant de douce faueur ,  
 Et qu'ayant prouoqué tant de fois ta fureur  
 Ie sente sur mon chef ta dextre si benigne!  
 Tout ce que les mondains te demandent pour signe  
 D'estre cheries de toy , de richesses , d'honneur ,  
 D'estats , de paix , d'enfans , tu m'en fais possesseur  
 Autant que tu ferois si i en estois bien digne :  
 Hà qu'a bon droit ie crains , qu'a ma damnation  
 Ne s'estende ta main de benediction !  
 Plustost ta gauche icy m'espreue en fer , en flamme!  
 Ie scay bien qu'on ne peut des deux mondes iouir ,  
 Mais quand il me faudra en fin en fin mourir ,  
 O Dieu croise tes bras pour benir ma pauvre ame .

Pecheurs , qui rougissez de faire penitence ,  
 Tremblez de voir que Dieu fut premier Penitent ,  
 Lors qu'en son grand courroux il se dit repenatnt  
 De vous auoir formés aux traits de sa semblance :  
 Prenez ce repentir pour premiere sentence  
 Qu'il ira sans mercy sur vous executant ,  
 S'il n'aduient , qu'un soupir sa vengeance arrestant  
 Vous force d'appeller à sa propre clemence :  
 Mais si pour appellans voulez estre receus ,  
 Priez-le d'un relief , & pour n'estre recheus  
 Changez & de conseil , & d'Aduocat , de grace :  
 Donnez un repentir pour arre au saint Esprit ,  
 Prenez pour Aduocat le sang de Iesus Christ ,  
 Dieu se repentira de sa iuste menace .

*Ame*

*Ame rouge de sang pour tant d'enormes vices ,  
 Qui t'ont ia tant de fois meurtry cruellement ,  
 Veux-tu suruiure à toy pour mourir seulement ?  
 Meur plusloft par l'horreur de si sanglans supplices :  
 Laue toy par les eaux de tes larmes propices ,  
 A fin que tes pechés soy'nt blanchis promptement ,  
 Auant que de ton Dieu le sanglant iugement  
 Sur ta mort immortelle empourpre ses iustices .  
 Mais pour changer le teint de pechés si sanglans ,  
 Pleure larmes de sang , ils seront faits tous blancs :  
 Hà que dis-ie ? ie faux , de rouge est la liuree !  
 Ton sang n'est plus vermeil , tant il est tout pourry ,  
 Pren donc de celuy là de l'agneau fauory ,  
 Chez le grand Asuer' nul autre n'ha l'entree .*

*O Dieu, quelle bonté ! si ie t'ay fait seruice .  
 Tu l'escriis quant & quant, non en cuiure ou airain,  
 Mais au plus haut des cieux , & de ta propre main ,  
 A fin que mon loier iamais plus ne perisse :  
 Au contraire si l'ay par quelque horrible vice  
 Irrité ta fureur , tu attens le demain ,  
 Ou tu l'escriis en terre , à fin que tout soudain  
 L'effacant par mes pleurs , ie trompe ta iustice .  
 Mais quel est ce peché qui ma langue dement ,  
 D'une plume de fer escrit en diamant ?  
 C'est la presumption d'une bonté si grande :  
 Hà les pleurs n'y font rien , il faut auoir du sang ,  
 Quel Bouc m'en fournira ? Non , il faut que le flanc  
 De l'Agneau ia meurtri , vne goutte y respande .*

Quel extreme regret à l'ame pecheresse  
 D'auoir si lachement tant de graces perdu ,  
 D'auoir pour tant de maux tant de biens despendu ,  
 Et de sa perte, *helas !* couronné sa richesse !  
 Mais quel contentement à l'ame, qui se blesse  
 Par vn si sain regret sanctement éperdu ,  
 De voir que tout à coup son Dieu luy soit rendu  
 Au premier repentir qui pleure de detresse !  
 O regret bien heureux, de qui le doux torment  
 Cause par son amer tant de contentement !  
 O vray contentement, que la douleur enfante !  
 Arriere vis mondains messagers de malheur ,  
 Arriere pleurs aussi qui n'auex que douleur ;  
 Si se mirant en l'eau elle ne rit contente .

Hà que tu dis bien vray, grand & saint personnage ,  
 Que d'vn chascun de nous la propre volonté  
 Va peuplant des enfers l'immense obscurité,  
 Qui sans ce ne seroit qu'vn pur desert sauvage :  
 De noz ames, *helas*, le vouloir trop volage  
 Volant au vol leger de mainte vanité,  
 En lieu de s'affermir sur l'immortalité,  
 Nous porte où le sort veut que nous faisons naufrage.  
 Mon ame, est-ce à vouloir tout cela qu'il te plait,  
 Que tu monstres d'auoir de ton Dieu le pourtrait !  
 Veux-tu pour luy sembler te faire sa semblable ?  
 Fay donc que tu le sois à vouloir ce qu'il veut :  
 Autrement tu seras semblable en ce qu'il peut  
 Remplir le Paradis : toy l'enfer, miserable !

Puis

Puis-je, ô Dieu, sans rougir semondre ma memoire  
 De me ramentenir l'infini de tes biens,  
 Et par quels eschelons de si rares moiens  
 Tu voulois m'esleuer au plus haut de ta gloire?  
 Estre homme, estre Chrestien, auoir par ta victoire  
 De la mort, de l'enfer rompu les fiers liens,  
 Porter dessus le front l'honneur d'estre des tiens,  
 N'est-ce auoir de faueurs plus qu'il ne s'en peut croire?  
 Mais las! hà quel ingrat! tant de graces n'ont fait  
 Que contre toy ie n'aie infiniment forfait,  
 La penitence donc soit dès or'mon estude,  
 Donne moy cœur & temps, ô Dieu, pour dernier don,  
 Que de tous mes pechés ie te quiere pardon,  
 Du moins, si d'un pour tous, de mon ingratitude.

Eschelle de Iacob, que tu es merueilleuse!  
 Qui ioins la terre au ciel par tes extremités,  
 A fin qu'à ta faueur l'ame de tous costés  
 Puisse iusqu'à son Dieu se porter bien heureuse:  
 Par toy de mon Sauueur l'essence glorieuse  
 Descendant iusqu'à moy prend mes infirmités,  
 Par toy desia ie voy tant de peuples montés,  
 Pour voir ce qu'icy bas à tout œil Dieu refuse:  
 Par toy viennent à tour les Anges à milliers  
 Nous annoncer de Dieu les discours familiers,  
 Brief de l'homme & de Dieu tu maintiès le commerce:  
 Mais que ferai-je hélas! mes pechés si pesans  
 M'empeschent de monter, A l'aide Anges puissans,  
 Hausssez moy, Garde, ô Dieu, que le tout ne rauerse.

B 4

Quel

Quel combat sens-je en moy de mes deux plus fidelles !  
 Mon corps pestry de bouë , & de terre viuant  
 Ne cherche rien que terre , & tousiours va fuyant  
 Comme à son premier centre aux enfers plus rebelles :  
 L'ame tout au rebours prenant du ciel ses esles  
 Tousiours contre le ciel va son vol esleuant ,  
 Là son centre elle voit , & plus viste que vent  
 Penetre iusqu'à Dieu par ses flammes isnelles .  
 Qui des deux combatans en fin vainqueur sera ?  
 Puis que iuge j'en suis , l'ame l'emportera :  
 Oste Ame au corps son centre , il viura de ta gloire :  
 Mais helas le peché rend la victoire au corps ,  
 Qui porte quant & soy l'ame au centre des mors ;  
 Pauvre sot qui te pers , per-pluslost ta victoire .

Fille aisnee du ciel , ame iadis si belle  
 Lors que ton front portoit l'image de ton Dieu ,  
 Pour te faire adouër scintille de ce feu  
 De la diuinité , d'ou tu es immortelle ,  
 Voy qu'ont fait tes pechés , Vne mort eternelle  
 La desia t'environne , & ne tient qu'à fort peu  
 Qu'en cendre tu ne sois ia reduite , & en lieu  
 Où ne reste de toy ne marque n'estincelle .  
 Pourquoi ne reprens-tu ta premiere beauté  
 Par ce peu que tu as encores de clarté !  
 Estein ce feu charnel , qui tes flammes consume ,  
 Raviue ce diuin qui te rend les esprits ,  
 Mais pour faire les deux iette d'eaux & de cris ,  
 De si contraires feux l'un mourant l'autre allume .  
 Enseï-

Enseigne moy mon Dieu, qu'est-ce qu'il me faut faire  
 Pour ranger au deuoir, & ceste ame, & ce corps,  
 Qui ia des si long temps maintiennent leurs discords  
 Aux despens de leur Tout, qui ne scait à qui plaire.  
 Je croy bien qu'il faudroit tout à neuf les refaire,  
 Tant ilz sont detraqués de leurs premiers accords,  
 Et que pour me vanger à l'egal de leurs torts  
 Je deurois à tous deux leur volonté soustraire:  
 Mais, ô mal, ie ne scay par quel moien ie peux  
 Reigler ma volonté, reiglant celle des deux,  
 Si ie ne fay d'un peintre, & d'un sculpteur l'office:  
 De l'un, en adioustant à l'ame de beautés,  
 De l'autre, ostant au corps de ses commodités,  
 Mais il faut que ta main l'un, & l'autre accomplisse.

Voiez mondains, voiez l'horreur de vos bestises,  
 Qui faites tant de cas de viure en ces bas lieux,  
 Et si peu, de l'honneur que vous offrent les Cieux,  
 Dignes d'estre l'obiet de tant de conuoitises:  
 Voiez en quel aspect voz Ames sont assises,  
 Voiez où le regard se dresse de voz yeux,  
 Et si vostre bon-heur vous fait ambitieux  
 Volez où le plus grand semond voz entreprises:  
 Hé qu'est-ce que la vie! Est-il rien de si bas?  
 Et quoy plus grand aussi, que ne la priser pas?  
 Mais quel obiet tant haut, qu'un Dieu qui s'humilie?  
 Quoy plus bas, que n'oser pretendre à si grand bien?  
 L'oser seul y suffit: Là où ne sert a rien  
 De vouloir viure plus, qu'a raccourcir sa vie.

Il faut

Il faut ardre en enfer, ou faire penitence,  
 Crie le saint Esprit aux plus simples pecheurs,  
 Pour ne bruler il faut se baigner en ses pleurs,  
 Et des eaux d'amertume yurer sa conscience,  
 Il faut se condamner pour obtenir sentence,  
 Il faut pour ne mourir se plaire en ses douleurs,  
 Il faut en eau du ciel detramper ces chaleurs  
 Qu'excite en nous le feu de la concupiscence.

Pecheurs qu'attendez-vous? Quel espoir vous retient?  
 Bien que le ciel vous rit, la terre vous soustient,  
 N'oyez-vous tant de cris de ce chien de Tobie?  
 Hâ que vous estes froidz! Mais si chaudz & lascifz!  
 Courez au feu du ciel pour y ardre tout-vifz,  
 Du feu, mourant par feu, on sauue ainsi sa vie.

C'est grand cas, mais bien peu, de l'homme, & de sa vie,  
 A peine est-il eclos de son premier berceau,  
 Qu'il court au grand galop à son dernier tombeau  
 Las de viure, ains qu'auoir de mourir nulle enuie:  
 A peine il scait à quoy il faut qu'il s'estudie,  
 Que la mort luy soustrait son liure & son flambeau,  
 Encor de ce peu d'ans faui-il que le plus beau  
 S'escoule aux vanités d'une longue folie:  
 Sa vie n'est que mort, encor ne peut il point  
 Apprendre la leçon de mourir bien à point:  
 Plus il vit, moins il scait l'heur & l'art de bien viure:  
 Par bien viure il faudroit apprendre à bien mourir,  
 Mais pour bien viure, quoy? Auant coup discourir  
 Comme on viuroit ia mort, si l'on pouuoit reuiure.

Hà qu'il me plait de voir, qu'un si grand Alexandre  
 Pleure quand il entend d'autre monde parler,  
 Marri que ne pouvant tout ce monde voler  
 Sur l'autre encore moins sa main il puisse estendre :  
 Pauvret! qu'eusses-tu fait, si l'on t'eust fait entendre,  
 Que pour l'autre ravir il ne faut qu'y aller,  
 Si l'on eust adiousté, qu'il ne faut qu'enfiler  
 De larmes à foison pour Monarque s'en rendre :  
 Hà que de pleurs alors tes yeux eussent ieté!  
 Hà combien t'eussent lors tes larmes prouffité!  
 Vous qui n'avez point d'yeux du moins sechez de hôte,  
 Et vous sots, qui pleurez de n'avoir prou d'acquis,  
 Pleurez de n'avoir ia le ciel mesme conquis,  
 Pleurans de ne l'avoir, vous l'avez à bon compte.

Mondains tant insensés, qui tous à vau-de-route  
 Courez où iā fureur guide voz passions,  
 Pensez vous que la soif de voz affections  
 Qui boiroit vne mer, s'abbreuue d'une goutte?  
 Dites, quand vous auriez le ciel, la terre toute,  
 Et tout ce que l'enfer ha de tentations,  
 Pourriez-vous assouvir de voz ambitions  
 Ceste faim, qui rien tant que sa fin ne redoute?  
 Arpentez l'infini de l'ame, & si son lieu  
 Tant il est spacieux, est capable d'un Dieu,  
 Ce qui est moins que Dieu vous peut-il satisfaire?  
 Hà, puis qu'en vous formant le triangle luy pleut,  
 Croiez qu'un monde rond, pour grand qu'il soit, ne peut  
 De vostre ame remplir tout le triangulaire.

Dans

Dans quel destroit, *helas*, vivons-nous *miserables* !  
 Toujours devant noz yeux, quoy qu'inuisiblement,  
 Le diable tourne, & vire, & insensiblement  
 Fait vainqueur, nous rend morts, aussi tost que coul-  
 Le monde d'autre part suivi de ses semblables (pables :  
 Nous happe, trappe, attrappe, egorge horriblement,  
 Mais pire que les deux, & plus cruellement  
 La chair nous va brulant par ses feus implacables :  
 Contre tels ennemis si proches, si puissants,  
 Pourrai-je avoir en moy remedes suffisants ?  
 O Dieu, contre les trois arme moy de ta grace !  
 Contre l'un, donne moy des yeux toujours ouverts,  
 Contre l'autre, de piedz qui volent sur les airs,  
 Contre tous, un esprit qui de ma chair se passe !

Quelquefois il m'advient de quelques pleurs resspandre,  
 Que mes souspirs voudroient enuoier iusq'aux cieux,  
 Mais trop froides, *helas*, elles glacent mes yeux,  
 Ou s'elles vont dehors, c'est pour neige se rendre :  
 Autrefois mon cœur fait & plus fort, & plus tendre,  
 En iette à grands milliers, non si haut que ie veux,  
 Mais iusq'ou nait la gresle, au pays d'entre deux,  
 Qui viennent sur mon chef en gresle apres descendre :  
 Des vnes la blancheur ne fait rien que couvrir  
 Mes vices, qui dessoubs ne laissent de pourrir,  
 Des autres le torrent rompt tout ce qu'il rencontre :  
 O Dieu, fay les monter iusqu'à ce tien grand feu,  
 Qui les transforme en soy, puis en toy peu à peu :  
 En neige, en gresle ainsi ta main sur moy se monstre !

Je tremble quand i'entens , qu'a Dieu l'on parangonne  
 Les Princes de ce monde en facon de traiter ,  
 Quand ie voy que l'on veut à sa gloire imputer  
 Que, comme eux tous, il soit ialoux de sa couronne :  
 Le parangon est faux : Le Prince ne pardonne  
 Pour peu qu'il ait d'obiet qui puisse l'irriter ,  
 Et sans cause souuent , fors pour se contenter,  
 Il croit d'estre offensé dès lors qu'il le soupconne .  
 Dieu fait tout au rebours , A qui rien ne plait tant  
 Que de plus pardonner , plus on va l'irritant ,  
 Comme s'il ne voyoit quand le diable on adore !  
 Si ne faut-il pourtant , mon ame , que tu sois  
 Moins humble à ses genoux , qu'a ton Roy tu serois ,  
 S'il est plus doux qu'un Roy , il est plus iuste encore :

Pecheurs impenitents , qui forgez à toute heure  
 Contre vn Dieu si clement maint peché tout nouveau,  
 Quel demon uous instruit , mais plustost quel bourreau,  
 D'appredre à bien mourir, quand il faut que lon meure ?  
 De l'un à l'autre iour vostre lente demeure ,  
 Tousiours en dilayant suit le cry du Courbeau ,  
 Et si voulez encor , que d'un Cygne plus beau  
 Le chant plein de douceur à la mort vous r'asseuré ?  
 Mais quel monstre, de voir d'hommes pleins de tant d'ans  
 Ainsi transfigurés en Courbeaux du tout blancs ?  
 Plus vieil est le Courbeau, & plus noir il doit estre :  
 Changez donc non de poil , mais & d'ame, & de corps :  
 Qu'attendez-vous ? La mort : Hâ vous estes ia morts :  
 Voulez-vous mieux mourir ? Il est temps de renaistre.  
 Philo-

Philosophes Payens, de qui la docte escolle  
 Fait encor auiourd'huy tant de graues lecons,  
 Pour instruire le monde en combien de facons  
 Par la seule vertu iusques aux cieux l'on vole,  
 Dittes si vous scauez, de quelle gloire folle  
 Succastes-vous le lait, Superbes enfans,  
 Qui ne sceutes iamais vous rendre nourricons  
 D'humilité, vertu des vertus la buffole ?  
 Non ne te vante plus, Socrate, que tes mains  
 Aient ouuert le ciel au reste des humains,  
 Par les vertus des meurs le ciel ne peut s'acquerre :  
 Autre que mon Sauueur pour maistre ie ne veux,  
 Qui pour humble me rendre est descendu des cieux,  
 C'est la vertu du ciel, les autres de la terre.

Ce n'est pas sans raison, que l'homme on accompare  
 A l'arbre renuersé, dont la racine en haut  
 La cyme tend en bas, puisque tousiours il faut,  
 Qu'il ait son cêtre au ciel, qu'il ayt son Dieu pour phare:  
 Comme de son tresor vit le cœur de l'auare,  
 Et de tous autres biens rien du tout ne luy chaut,  
 Ainsi l'homme Chrestien né pour franchir ce saut  
 Doit tousiours tendre au lieu, où git son bien plus rare :  
 Mais quel ciel voi-ie icy encor plus ranuersé ?  
 Vn Dieu fait homme en terre, vn homme au ciel placé,  
 Vn ciel tout cristallin quint-essencé de marbre :  
 Estre humble par la Croix, & s'en glorifier,  
 Se voir n'estre que terre, & se deifier,  
 N'est ce ranuerser tout pour redresser cet arbre ?  
 Qu'est

Qu'est-ce que tu pouuois ô Dieu faire pour l'homme,  
 Que ta main n'ait ia fait pour le combler de bien ?  
 Il ne te suffit pas de l'auoir fait de rien,  
 S'estant deffait pour rien, tu le refais : Mais comme ?  
 L'ors que pour son peché ta iustice l'assomme,  
 Ta bonté le secourt & le dit estre sien,  
 Pour le porter au ciel tu te fais terrien,  
 Tu te mets en sa place, & le fais Dieu en somme :  
 Grec quiconque fus-tu, qui premier le voulus  
 Appeller petit monde, Ha que mal tu cognus  
 Sa grãdeur, puis qu'il peut son Dieu mesme comprẽdre :  
 Du moins tu le deuois pour grand monde aduouër,  
 Encor est-ce le corps qu'il faut ainsi louer,  
 L'homme entier peut, s'il veut, grãd petit-dieu se rẽdre.

Si ie veux quelquefois mon ame te semondre  
 A pleurer viuement ta mort, & tes pechés  
 Dans ton dur estomac en douleur recherchés,  
 Pourquoi ne me veux-tu par tes larmes respondre ?  
 Chetive tu deurois toute en larmes te fondre  
 Pour fondre quant & toy tes vices plus cachés,  
 Attens-tu de ton Dieu les traitz ia decothés,  
 Non pour te reueiller, mais pour plus te confondre ?  
 Hà tu n'as plus de sang, tes vices l'ont succé,  
 Ou s'il t'en reste encor, ia ta mort l'a glacé,  
 Du moins meur de regret que ta douleur soit vaine :  
 Ce regret, quoy que sec, tes pechés lauera,  
 Et si Dieu promptement ne te consolera,  
 Ry, qu'a tes propres cousts il daigne auoir ta peine.

Meschant, mais heureux coup de l'outrageuse lance,  
 Qui percant le costé de mon Sauueur ia mort,  
 Tuas non plus la vie, aincois la mesme mort,  
 Qui brauoit là dedans fice de sa vaillance!  
 D'un coup si bien guidé l'adresse, & l'insolence  
 Venant d'un bras si roide, & auenglement fort  
 Ne pouuoit faire moins fust a droit où a tort  
 Que de meurtrir l'obiet qui luy fit resistance:  
 Peusses-tu dans ton coeur, mon ame, te blecer  
 D'un coup, qui de ta mort peust la mort auancer,  
 Par la mort du peché, qui vis y regne encore:  
 Mais puis que tu ne peux tant de grace acquerir,  
 Fay qu'un coup si cruel dont tu deusses mourir,  
 Par la mort de la mort de ton Dieu te restaure.

De tant, & tant de biens qu'en terre Dieu nous donne  
 Pour pouuoir à prouffit comme à nous mesnager,  
 Nous n'auons que le temps, qui se laisse ranger  
 Ainsi que du plus fol le bon plaisir ordonne:  
 D'autres commodités que le temps assaisonne,  
 Et le monde, & le sort les veulent partager,  
 Le temps n'est mesme à nous, qu'à vèdre, & eschanger,  
 Par emprunt, par achapt, il ne sert à personne:  
 Malheur doncques à ceux, qui perdent si grand bien,  
 Le vendant, l'eschangeant, pour de choses de rien,  
 S'on pouuoit l'achepter, quel pris pourroit suffire?  
 Dieu qui le fait l'achepte, Et pour qui? pour nous tous:  
 Mais quād? de iour en iour: Commēt? veillāt sur nous:  
 Moy-las, qui pers tant d'ans, qu'auray-ie donc à dire!

Le temps n'est qu'un instant lequel tousiours se change,  
 Le temps n'est qu'un instant lequel dure tousiours,  
 Il dure en se changeant sans auoir ans ny iours,  
 Puis que ce n'est qu'un point, mais un Prothee estrage:  
 Le passé n'est plus rien, que la Mort qui se vange  
 De ne pouuoir du temps entrerompre le cours,  
 L'aduenir n'a point d'estre, & par mille destours  
 Va, finet, deceuant quiconque à luy se range:  
 Que si le temps plus long n'est autre qu'un instant,  
 A quoy vous sert, mortelz, de vouloir viure tant,  
 Sinon pour d'un instant allonger vostre vie?  
 Qu'entreprenez-vous donc par voz si longs apprests?  
 Nature en un instant n'a ses miracles prests,  
 Dieu seul pour vous sauuer d'un seul instât vous prie.

Combien d'iniquités en mon ame s'amassent!  
 Mais combien de malheurs l'un sur l'autre entassés!  
 Que de vices, helàs, sur ma teste placés  
 Qui comme un pesant faix par leurs poids me terracēt:  
 Pauvre sot! ie pensois que plus ilz s'embarassent  
 Par leur nombre, pluſtoſt ilz seroient ranuersés,  
 Mais tant plus ie les sens dans mon ame enchaſés,  
 Si que tombans il faut qu'encor ilz me fracassent:  
 Lairray-ie donc la ſappe ou la mine approcher  
 Ceste tour de Babel, pour la faire broncher?  
 Tant de ruine, helàs, me reduiroit en cendre!  
 Il suffiroit ô Dieu, qu'il pleuſt à ta bonté  
 Ranuerser par le pied ma seule volonté,  
 La tour iroit à bas, Mon ame à toy se rendre.

Douce liberté, qu'a bon droit on te prise !  
 Sans toy nul autre bien ne se peut dire beau,  
 Par toy tout grand malheur n'est qu'un léger fardeau,  
 Sur toy autre que toy n'a point de iuste prise :  
 Chascun te veut auoir, mais chascun a sa guise,  
 Les vns te font de chair subiete a leur cerueau,  
 Qui tousiours va forgeant quelque monstre nouueau,  
 Le te fay toute esprit que la raison maistrise.  
 Est-ce auoir liberté faire tout ce qu'on veut ?  
 C'est vouloir seulement faire tout ce qu'on peut,  
 S'affranchir du peché pour a Dieu seul tout estre :  
 Ainsi cet Elephant qu'une fosse esclauoit  
 Par l'homme secouru, en liberté se voit  
 Quitte de sa prison, esclaué d'un tel maistre.

Grand Prophete de Dieu, qui dis que par sa crainte  
 L'homme doit commencer a sage deuenir,  
 Pourquoi n'adionstas tu, qu'il doit par là finir ?  
 Que vaut bien commencer, si la fin n'est plus sainte ?  
 Entre ces deux garends d'une libre contrainte  
 L'ame plantant ses pas doit ferme se tenir,  
 Et au saint Crucifix si proprement s'unir,  
 Que des mesmes douleurs elle se sente atteinte.  
 Ainsi le Penitent en mesme Croix lié  
 Se treuue avec le monde, & Dieu crucifié,  
 Mais quoy qu'en mesme temps, de bien diuerse sorte :  
 Le monde il ne voit point, la Croix est entre deux,  
 De son Sauueur il presse, & les pieds, & les yeux,  
 L'Elisé desia mort y auine l'ame morte.

De quelz clous mon Sauueur voy-ie ta chair percee !  
 O Dieu qu'ilz sont cruels, mais helas qu'ilz sont doux !  
 Voiez qu'ilz n'entrent point qu'a grand force de coups,  
 Et si sont clous d'amour, non de grace forcee !  
 Mais de quelz clous plus forts fut ton ame blecee  
 Quand le desir te prit de mourir pour nous tous,  
 La hayne du peché qui te mit en courroux,  
 Pouuoit elle d'amour enyurer ta pensee ?  
 Hâ que de mesmes clous ie deusse estre affligé,  
 Pour de mon coeur ingrat te rendre, ô Dieu, vangé !  
 Mais si c'estoient les tiens i'aimerois trop moy mesme :  
 Toy seul ie deusse aimer, & creindre ensemblement,  
 Donne moy donc ces deux, à fin que doublement  
 Clouant ma chair, mon ame, en te creignant, ie t'ayme.

## 69

Je ne puis endurer que le corps on appelle  
 De nostre ame l'estuy, le sepulchre, la mort,  
 Il me semble que c'est luy faire plus de tort,  
 Que ne permet le rang d'un amy si fidelle :  
 Peut-on le dire estuy, puis qu'il vit avec elle ?  
 Sepulchre, si sa chair plait à l'ame si fort ?  
 Mort, puis qu'à luy ne tient qu'on ne signe l'accord  
 De ne mourir iamais, comme elle est immortelle ?  
 Hâ c'est rendre trop peu d'honneur, & d'amitié,  
 A celuy qu'elle tient pour sa chere moitié :  
 A toy mon ame, à toy ceste reproche est deuë :  
 N'est-ce toy qui deurois le garder clair, & net ?  
 N'est-ce toy qui le tiens sale, mort, & infet ?  
 Mais quand meurt-il sinon quand ton peché te tuë ?  
 C 2 Dieu

Dieu tout iuste, & tout bon, qui voit de noz pensées  
 Les cachots plus secrets, & tant de lachetés  
 Qu'ensistent là dedans noz vaines volontés,  
 Hardies de se voir couardement musées,  
 Pour nous faire sentir, que de ses yeux lincees  
 Le regard penetrant nous voit de tous costés,  
 A planté dans noz coeurs tant soit ilz esbontés,  
 Vn fidelle remord des offences passées:  
 Athé qui que tu fus, qui dis que l'inventeur  
 De la crainte de Dieu fut vn legislateur,  
 Pour tenir sans tesmoins les meschans en malaise,  
 Si pour ne voir ton Dieu en luy tu ne croyois,  
 Ne le sentoist-tu point, puis qu'en toy tu portois  
 Pour iuge, & pour tesmoin ta propre synderesse?

Mon ame d'où te vient vne froideur si grande  
 Et que si peu d'amour eschauffe ton vouloir?  
 Quand ie veux qu'a ton Dieu tu rendes le deuoir,  
 A Dieu qui rien de toy que l'amour ne demande!  
 A luy qui t'aime tant, qu'à soimesme il commande  
 De te tirer du rien pour tout te faire auoir,  
 Luy qui fend tous les cieux, pour cà bas venir voir  
 Si pour toy tu voudras qu'il face euvre plus grande?  
 Ou tu n'as point d'amour, ou tu t'aimes trop peu,  
 Pour t'aimer plus que trop, t'aimant plus que ton Dieu,  
 Pourquoi dois-tu t'aimer, sinon parce qu'il t'aime?  
 Aime toy plus que tout, mais pour luy non pour toy,  
 Ainsi que pour toy seule il t'aime non pour soy,  
 Qui s'aime moins que Dieu s'aime plus que soimesme.

*Je ry , quand ie vous voy Stoïques insensibles  
 Au mespris de la mort , contrefaire les grands ,  
 Quand en voz promenoirs ie vous oy discourants  
 Du peu d'effet que font ses assauts inuincibles :  
 Mais ie vous plains beaucoup, & mes yeux trop sensibles  
 Pleurent à grans randons, quand ie vous voy mourās,  
 Mais plus quand ie vous voy a ceste mort courants ,  
 Comme au futur repos de voz ames penibles .  
 Quelle faute de coeur ? Où est ceste raison .  
 Qui vous fait mespriser mort , feu , fer , & prison ,  
 Si la peur d'un de tous vous fait meurtrir vos ames ?  
 Couards , est-ce au mespris de ceste mort qu'on doit  
 Espreuuer sa valeur ? la brauade seroit  
 De craindre non la mort, mais ses morts, & ses flāmes.*

*Platon pardonne moy , si ma voix trop hardie  
 Va foiblette d'esprit la tienne combattant ,  
 Ce n'est pour te brauer que ie vay contestant ,  
 C'est pour philosopher , permets que i'estudie :  
 N'as-tu dit mille fois , que la Philosophie  
 N'est autre qu'un discours de l'ame , s'emportant  
 Comme hors de soy-mesme , & soy-mesme escoutant  
 Sur ce moment dernier, d'où la mort prend sa vie ?  
 Mais qu'apprens-tu, Platon, quand tu te vois mortel ,  
 Sinon à viure en homme , & mourir comme tel ,  
 Ne te prisant non plus qu'une charongne infame ?  
 C'est s'arrester trop court , Pour mieux philosopher  
 Ie veux scauoir comment de la mort triompher ,  
 Et pour ne point mourir , immortalizer l'ame .*

De quel plus rare bien peut nostre ame estre fiere,  
 Que de l'heur qu'ell' acquiert d'une sainte amitié,  
 Qui sans rien diuiser de ce qui fait moitié,  
 Diuise l'ame seule en ses moitiés entiere?  
 A soimesme chascun doit l'amitié premiere,  
 Mais si l'amy prenant de son amy pitié  
 Pour luy sauuer la vie à la sienne employé,  
 L'amitié pour l'amy rend louable la bierre:  
 Si l'amitié fait tant, hà que fera l'amour!  
 L'amour, l'ame de l'ame, & qui brille tousiour!  
 Mon ame, il t'est permis, sois de toimesme amie,  
 Mais amoureuse non, Il faut l'estre de Dieu  
 Pour l'auoir ton amy, Autrement ce saint feu  
 Dont t'aimant il brula, mourra de ialousie.

Homme, qui desireux de gouster la science  
 Et du bien, & du mal, ne voulus respecter  
 Cet arbre dont le fruit te denoit tant couster,  
 Que iuste fut le fleau qui punit ton offence!  
 Ton scauoir ne fut plus qu'une sottise ignorance,  
 D'une pomme il fallut pour tout bien te vanter,  
 Ton mal fut vne mort qui ne peut s'euitter,  
 Reste le seul desir bourreau d'outréuidance!  
 Sache au moins respecter de l'autre arbre opposé  
 Ce fruit pour toy pendu, ton Dieu en Croix posé,  
 Que dis-ie? mange-le, C'est tout ton bien en somme,  
 Charge sa Croix: Au ciel elle t'esleuera,  
 Pren sa mort pour la tienne, elle te sauuera,  
 Mais ren-luy pour acquit, tes pechés, & sa pomme.

Cher-

Cherchez moy, dit mon Dieu, pendant que l'on me treuve,  
 Sans peine en ce faisant vous me retreuverez,  
 En vain appres, en vain, vous me rechercherez,  
 Malheur à qui fera de son malheur la preuve.  
 Mais où est-ce, ô mon Dieu, qu'une ame te retreuve,  
 Quand vne fois ses pas sont des tiens esgarés?  
 Qu'est-ce voir de ta main tant de traits bien tirés,  
 Sinon qu'a m'emouuoir elle mesme s'emueue?  
 Si dans moy ie te cherche, hélas, tant plus ie voy  
 Que tu n'y loges plus, ie n'y treuve que moy,  
 Mais t'y peux-ie trouuer m'estant perdu moimesmes?  
 Mondains, qui gazouillez, qu'il ne faut se fasher  
 D'un diamant perdu s'on scait où le chercher, (mes?  
 Où treuverez-vous Dieu, ne cherchans que vous mes-

Voy le lit de ta mort, ô ame miserable,  
 Voy le piteux estat où t'a mis ton peché,  
 Pourquoi n'as-tu desia, soigneuse, recherché  
 Contre vn si traistre mal, vn secours favorable?  
 Mais quel remede, hélas, te sera prouffitable,  
 Si tu tiens l'ennemi dans toimesme caché?  
 La grace de ton Dieu du seul odeur faché,  
 Veut vn vase tout net pour demeure agreable:  
 Vomy ce vieil poison, & pleure s'il te deult,  
 Que si ton estomac foiblet vomir ne peut,  
 Fay que ce mesme odeur en toy face miracle:  
 C'est le poison qu'il faut en antidot broyer  
 Pour tes pleurs, quant & luy, à Dieu mesme enuoier,  
 Broyant tout en ton sang, fay Dieu le theriacle.

Quelles obscurités, quelz importuns nuages  
 Vont de mon ame, hélas, le iour obscurcissant !  
 Son Soleil n'y luit plus, & le teint pallissant  
 De la Lune n'y rend que frayeurs, & qu'ombrages :  
 Il ne luy suffit pas qu'ell' ait perdu tels gaiges  
 De l'amour de son Dieu qui la va delaisant,  
 De son œil chassieux le traitt s'affoiblissant  
 D'un tel auenglement ne preuoit les dommages :  
 Nuls feus elle ne voit que ces petits brillants  
 Qui des fleuves la nuict vont la riuë emailants,  
 Pour perdre dans les eaux ceux que leur flâme attire :  
 O Dieu ren-luy sa venë, & son Soleil plus clair,  
 Si la nuë te plait, donne luy pour esclair  
 Ta colomme de feu, pour à toy me conduire.

Dieu veut de l'homme entier le cœur en sacrifice,  
 Avec le diable aussi n'ha-il rien d'induis,  
 Non plus qu'avec le monde, & n'offre Paradis  
 Qu'à qui laisse ces deux pour luy rendre service :  
 Mais peut-on l'adorer, & l'idole du vice  
 Tous deux ensemblement ? Non, l'amour, qu'il a mis  
 Comme ame dans nos cœurs, ne souffre deux amis,  
 Qui ne combat pour luy, le chasse de la lice :  
 Ce n'est pas en Egipte où son Moïse le voit,  
 Au milieu du desert à Moïse il apparoit,  
 Si c'est hors du desert, c'est entre les espines :  
 Mon ame qui le scais, pourquoy vas-tu cherchant  
 Les delices du diable, & du monde meschant ?  
 Chasse les ; & pour fleau cherche, & pren les diuines.  
 Pour

Pour aller à ton Dieu, Ame, fors de toymesme,  
 Dans toimesme qu'as-tu sinon ta volonté?  
 C'est elle qui te rend grosse de vanité,  
 Et plus vaine cent fois que la vanité mesme:  
 Cet amour qu'enuers toy tu nourris tant extreme,  
 Comme maistre absoulu de ton coeur indompté,  
 Sur tes affections vole la Royauté,  
 Et à ton propre Dieu ravit son diademe.  
 Peux-tu d'un seul regard voir la terre & le ciel?  
 Encor moins de ton Dieu gousteras-tu le miel,  
 Si la douceur te plait de ne point te cognoistre:  
 La pierre precieuse en soy perd sa vertu,  
 Qui s'accroit aumetal, Aussi sentiras-tu  
 Ton amour fondre en toy, si Dieu ne le fait croistre.

Pasteurs du grand troupeau de qui ie suis ouaille,  
 Qui prechez tant de fois que le peché n'est rien,  
 Rendez moy mieux instruit, & me dittes d'où vien,  
 Que d'une ombre de mort le surnom l'on luy baille:  
 Peut-on mesme en songeant voir ombre, qu'il ne faille  
 Quant & quant aduouër quelque corps qui soit sien?  
 Et si pour ne rien estre il n'est donc mal ny bien,  
 Quel honneur, quel moien de le vaincre en bataille?  
 Hâie le prenoy mal, car vous ne dittes pas  
 Le peché n'estre rien, ie ne l'entendoy pas,  
 Au contraire, que c'est un rien qui tout encombre:  
 Non, il est encor moins s'il est ombre de mort,  
 Car la mort n'est qu'un rien, moins que rien, son effort,  
 L'ombre, ô Dieu, de ta mort me soit mort de ceste ombre.

Que

Que ta faueur, ô Dieu, se fait voir infinie !  
 Quand pour l'homme esleuer iusques à ton costé,  
 Sans forcer tant soit peu sa libre volonté,  
 Tu fais qu'il puisse voir où son mieux le conuie :  
 Quand il n'iroit à toy par la fin de sa vie,  
 Encor pour viure au monde il se void inuité  
 A bien faire, à fuir le vice surmonté,  
 Puis que l'un au bon-heur, l'autre au mal-heur le lie :  
 Le travail que l'on prend à bien faire, se pert,  
 Le laurier qui en sort demeure tousiours vert,  
 Du mal le plaisir peu, le travail tousiours traine :  
 Toutes choses il faut par leur fin balancer,  
 Mais par la fin plustost qui bien veut commencer,  
 La vertu soit le ciel, le vice soit sa peine.

Des iours, comme l'on dit, l'un de l'autre est le maistre,  
 La nuit de l'autre nuit : A vray dire, ces deux  
 Sont des plus grands lourdaus docteurs ingenieux,  
 Qui du Monde pipeur font les ruses paroistre :  
 Ce finet qui ne veut se laisser recognoistre,  
 Pour surprendre des folz les esprits moins soigneux,  
 Va diuersifiant ses cas auantureux,  
 Mais tousiours par sa fin il se fait voir vn traïstre.  
 Hà que desia tant d'ans, tant d'exemples d'autruy  
 Deussent m'auoir instruit, combien fol est celuy  
 Qui le prend par le front, qui l'accolle, & le baise :  
 Je veux comme vn Iacob par les pieds retenir  
 Ce maudit Esau, puis aux miens reuenir,  
 C'est par là que le Paon se desplait qu'il se plaise.

*Mille fois l'ay requis pardon de mes offenses ,  
 Jurant d'estre à Dieu seul s'il me les pardonnoit ,  
 Mille fois il m'a dit que grace il me donnoit ,  
 Acceptant mon deuoir pour mille penitences :  
 Mais maintenant où sont tant de vaines iaſtances ?  
 Où sont ces pleurs de ſang que mon cœur exhaloit ?  
 Où est ce repentir, qui mon Dieu contraignoit  
 D'infirmier pour ſi peu ſes plus iuſtes ſentences ?  
 Quelle inconſtance , hélas , quelle legereté !  
 Qui d'un Dieu ſi conſtant croule la fermeté !  
 Quel miracle , que Dieu pour l'homme ſe demente !  
 O Dieu ren-moy conſtant ſi tel eſtre tu veux ,  
 Mais pour me rendre tel, fay moy rendre mes veus ,  
 Dont le plus conſtant ſoit , que plus ie ne te mente.*

*Adam par ſon peché deceu de l'innocence ,  
 Qui deuant l'œil de Dieu reueſtoit ſa beauté ,  
 Void de ſon corps tout nud la pauvre infirmité ,  
 Reproche bien-ſeant de ſa ſotte impudence :  
 Dieu honteux de ſa honte , & comme en penitence ,  
 Veut que de peau de beſte il ceigne ſon coſté ,  
 A fin que par l'habit luy ſoit représenté  
 De ſon ame plus nuë , & l'eſtat , & l'offente .  
 O Dieu , puis que tu veux qu'ores ie ſoy plus beau ,  
 Fay moy changer & d'ame , & de corps , & de peau ,  
 Ren a l'ame & au corps leur nudité perdue :  
 Ou ſ'il faut que tous deux ſoient encor reueſtus ,  
 Mon corps le ſoit d'un ſac , mon ame de vertus ,  
 Ma peau plus ne ſera d'une beſte veluë .*

Deſpo-

Despouillons ce vieil homme, & pour robbe honorable  
 Reueſtons nous, Pecheurs, de noſtre Ieſus-Chriſt,  
 Qui pour nous reueſtir noſtre chair meſme prit,  
 A ſin que l'habit fuſt à noſtre chair ſortable:  
 Mais pour le reueſtir, aions le coeur capable  
 De le ſcauoir chercher, & de corps, & d'eſprit,  
 Et où ? l'enſeigne y pend, voyez ſon nom eſcrit  
 Sur l'arbre de la Croix: c'eſt là qu'il eſt palpable.  
 Il eſt vrayment au ciel, mais qui peut y voler?  
 L'enfer auſſi le ſent, mais qui veut y aller?  
 En terre il n'y eſt plus, le monde s'en fait croire:  
 Pour donc le reueſtir reueſtons tous ſa Croix,  
 C'eſt pour nous non pour luy qu'il ſe reueſt de bois,  
 Rendons ſon habit noſtre, Il nous dorra ſa gloire.

Quelle ſi ſainte veſue au maintien venerable  
 Voy-ie icy delaiſſee en infame meſpris?  
 N'eſt-ce la Croix, qui fut pour mon ſalut iadis  
 De ſon Dieu mon Sauueur la compagne agreable?  
 Pourrois ie l'eſpouſer, qui luy ſuis tant comptable!  
 Moy, qui de ſon eſpoux me vante eſtre le ſils,  
 Mais ſur quels dignes fonds, & d'aſſes digne pris  
 Pourrois ie aſſeoir ſa dot, moy, qui ſuis inſoluable!  
 O Dieu, Car tu le veux, i'accepte la faueur,  
 Ie l'eſpouſe des or', & luy donne mon coeur,  
 Puis qu'autre rien ie n'ay, qui ne ſoit tien encore:  
 Mondains, qui vous mocquez d'un Hymen ſi parfait,  
 A quoy vaudront voz pleurs, qu'ad pour ce ſeul forfait  
 Dieu vous ingeant un iour, enioindra qu'on l'adore?  
 Vous

Vous qui ne croiez pas , quoy que chante l'histoire ,  
 Que ce grand Mithridat peust viure de poison ,  
 Venez iusques à moy , & prenans pour raison  
 Mon-exemple, aduonez, qu'il se peut & doit croire :  
 Voiez dès combien d'ans me presse la victoire  
 Du peché , qui me tient esclaué en sa prison ,  
 Voiez que sans auoir ny mort ny guerison  
 Je ne vy que de morts , Cest mon pain , cest mon boire :  
 Hà miserable estat , de qui pour ne mourir  
 S'accoustume à se voir de mille morts perir ,  
 Dont le coup moins mortel l'ame immortelle tuë !  
 Mon ame qui le sens , pourquoy ne quittes-tu  
 Ce mets qui te plait tant d'un serpent si tortu ?  
 Peux-tu d'un corps si droit estre ame ainsi tortuë ?

Où fuirai-je, ô grand Dieu, du courroux de ta face !  
 Si ton sceptre estoit tel que de noz potentats ,  
 Je pourrois m'ensuiant loin de tous tes estats  
 : Mespriser de tes mains la plus fieré menace :  
 Mais , làs , en quelque endroit que ma creinte me place ,  
 Soit que ie vise au ciel , ou en terre , ou plus bas ,  
 Je voy ce bras vengeur qui deuançe mes pas ,  
 Pour s'opposer au vol qui me porte à ta grace .  
 Helas, puis qu'il faut donc que ie sois veu de toy ,  
 Permits du moins, permets, que ne monstrât quemoy ,  
 Je cache me pechés dont ta fureur s'irrite :  
 Mais comment à demi pourroi ie estre caché ?  
 N'ayant plus rien en moy qui ne soit tout peché !  
 Voy les , mais teints du sang, qui ta mercy merite .  
 Quand

Quand ie voy ce sac noir qui me pechés honore,  
 Ie me treuve de honte, & de crainte confus,  
 En me representant quel ie suis, quel ie fus,  
 Quel ie seray vinant, appres ma mort encore:  
 Ie voy que mon peché ma forme decolore,  
 Dieu mesme qui me fit ne me recognoit plus,  
 Et ce peu qui me reste est encor tout perclus,  
 Digne d'estre voué au diable que i'adore:  
 O Dieu, dont la fureur ia me va pourchassant,  
 Permetz que dans ce sac ie m'aille encor mussant,  
 Iusqu'a tant que ton oeil ia plus ne me menace:  
 Ou si tu veux me voir, voy que ie ne suis rien  
 Qu'une matiere informe, à qui tu peux du tien  
 Rendre (ren-la luy dont) pour sa forme ta grace.

A peine ay ie peché que mon Dieu qui s'en fache  
 Me formant mon proces me demande, où es tu ?  
 Ie pense me cacher, mais ce monstre testu  
 Se montre en quelque endroit que sa laidour ie cache:  
 Destors mon ame n'ha n'y trefue ny relache  
 Iusqu'a tant que Dieu l'ait de nouveau reuestu,  
 Ainsi que d'un habit, d'une sainte vertu,  
 Qui ses pechés à elle, à Dieu ses fleaux arrache:  
 Mais, las ! si tost ie n'ay à Dieu le mot donné,  
 Que ie suis derechef au diable abandonné:  
 Courray-ie donc encor à sa misericorde?  
 Hâ, Dieu, ia trop tu m'as pour traistre recognu,  
 Du moins reuests ma peau, puis qu'or tu me vois nu,  
 (Ie suis digne des deux) & de sac, & de corde.

Ce n'est d'un sac mouillé visages hypocrites,  
 Qu'il faut masquer son front aux pieds du Dieu viuant,  
 Dites-moy, fins lordants, si son œil clair voiant  
 Perce tous les Enfers, ne voit il voz garites?  
 Non, non, ne pensez point que de voz mains maudittes  
 Il aille seulement les euures costoiant,  
 De voz ames il va les secrets espiant  
 Jusqu'aux moindres pensers des choses plus petites.  
 Mais contre qui parle-ie? Hé ne suis-ie celuy  
 Qui feignant d'aimer Dieu, me mocque plus de luy?  
 Si sens-ie bien, hélas, que son œil me descouure!  
 D'un sac noir desormais ie m'enuelopperay,  
 Mais par pleurs, par sanglots, ce sac ie mouilleray,  
 D'un sac ainsi mouillé, Dieu veut bien qu'on se couure.

Penitens, qui portez la couleur enfumee,  
 Qu'est ce que par celà conclurre vous voulez?  
 Croirai-ie qu'en voz cœurs sans cesse vous brulez?  
 C'est du feu voirement que monte la fumee,  
 Mais ce n'est pas le tout: Si la flamme allumee,  
 Qui iadis nous noircit, ne nous tient plus halés,  
 Que nous auront serui tant de feus exhalés,  
 La flamme n'est plus rien des qu'elle est consumee:  
 Mais que seroit ce encor, si ce feu qui nous ard  
 Des charnels appetits prenoit sa meilleur part?  
 De feus bien differents la fumee est semblable!  
 Mieux vaudroit ressembler au citron froid dedans,  
 Mais en l'escorce chaud: Fay Dieu noz coeurs ardans,  
 Ou qu'ils fument sans feu, si le feu vient du diable!

Herissez mes cheueux d'une frayeur non feinte,  
 Trêblez-mes pieds pesants, fend toy mon traistre cœur,  
 Apprehendez pour moy d'un si iuste Seigneur  
 L'horrible iugement qui me pisme de crainte :  
 N'apportez quant & vous excuse, pleurs, ny plainte,  
 Sa iustice n'a plus la pitié pour sa soeur,  
 Rien, rien plus que ma mort n'assouit sa rigueur,  
 Tant ell'ha sur son front la fureur mesme empreinte :  
 O Dieu, si contre moy tu viens en iugement  
 Balancer mes forfaits, quand seras-tu clement ?  
 Du moins pour balancier pren ta propre clemence !  
 Mais par quel contrepoids les peux-tu mesurer ?  
 Par leur vanité mesme ? Hâ quoy donc esperer,  
 Quand bien leur vain fera trebucher la balance !

Quelz fauorables doits boucheront mes oreilles,  
 Pour n'entendre l'arrest de ma damnation,  
 Lors que mon Dieu dardant sa malediction  
 Gesnera mes fraieurs de peines nompareillés !  
 Que d'espouuentements, que d'horribles merueilles,  
 Combien d'accusateurs, quelle accusation !  
 Tout ce que i'y peux voir de consolation,  
 C'est de mes compagnons les souffrances pareilles !  
 Sur ma teste ie voy mon Sauueur foudroyant,  
 A-dextre mes pechés, qui me vont effroiant,  
 Les diables a la gauche, & l'enfer sous ma plante,  
 Ma propre conscience au dedans me remord,  
 Tout le monde hors de moy, n'est que feu, n'est que mort,  
 Heureux qui void ces maux, de peur qu'il ne les sente.

Il est vrayment ainsi, l'honneur du Capitaine  
 Honore maintefois la valeur du soldart,  
 Pour peu que seulement il veuille y prendre part,  
 Acheptant cet honneur aux despens de sa peine:  
 De mesme, & mieux, ô Dieu, ta victoire si pleine  
 Qu'en la Croix tu t'asquis du diable, & de son dard,  
 Sera toute pour nous, si sous ton estendart  
 Hardis nous combatons la puissance mondaine:  
 Aussi ne veux-tu pas que ta Croix face tout,  
 Mais que chascun de nous ioigne la sienne au bout,  
 Il faut que sous la croix, non qu'aupres d'elle on pleu-  
 Mon ame pourquoy donc si fort t'estonnes-tu? (re:  
 Si l'air est plein de traits qui pressent ta vertu,  
 Combats en cet abril, ou ton Soleil demeure.

Le Phenix ia chargé de chair, & de vieillesse  
 Amoureux d'une mort, qui meure de plaisir,  
 Vole aux môtz les plus hauts pour mille odeurs choisir,  
 Dont en appres son liêt, du liêt sa tombe il dresse:  
 Là de douceur il meurt, ains que sa mort le presse,  
 Et faisant de sa cendre vn vermisseau iaillir,  
 Ses plumes il reprend, & son premier desir  
 D'estendre a cinq cens ans sa nouvelle ieunesse:  
 Hà que ma chair me put! Que vieil est mon peché!  
 Je me meurs, mais, ô Dieu, que ne suis-ie couché  
 Sur Caluaire, où ta Croix tant d'odeurs me presente!  
 Pour vermisseau bien tost ie me recognoisroy,  
 M'estant tel recougnu homme ie deuiendroy,  
 Ma mort en fin seroit de la mort triomphante.

Mon

Mon aage ainsi que vent d'heure en heure s'enuole,  
 Ou comme la fumé qui se dissipe au vent,  
 Ou comme d'un oyseau, qui gaigne le deuant,  
 L'ombre sans yeux, sans pieds, sans air, sans aisles vole,  
 Ou comme un trait, qui fend la campagne d'Eole,  
 Ou comme l'eau, qui va la mer mesme brauant,  
 Ou comme vne vapeur sur les eaux s'eleuant,  
 Ou d'un songe friuol l'ombre encor plus friuole:  
 Arreste le, ô bon Dieu, qu'il ne s'eschappe ainsy,  
 Pour me donner le temps d'impetrer ta mercy,  
 Non, ne l'arreste pas, Vn instant peut suffire:  
 Mais auancé l'instant, qui tant d'heur me dorra,  
 Puis l'autre instant soudain, qui mes iours finira,  
 Le reste n'est que mort, Fol est qui la desire.



# CENTVRIE SECONDE

## DE SONETZ SPIRITVELZ

*En l'honneur du tressainct Sacrement  
de l'Autel.*



### SONET PREMIER.



*L'E chante de mon Dieu les grandeurs nom-pa-  
reilles,  
Qui soubz le vil manteau de nostre huma-  
nité*

*Voilant tous les tresors de sa diuinité  
Monstre au saint Sacremēt ses plus hautes merueilles :  
Merueilles , que iadis a voix toutes-pareilles ,  
Noz peres ont si haut , & tant de fois chanté ,  
Pour porter la douceur de ceste verité ,  
Dez la bouche de Dieu iusques a noz oreilles :  
Puisse ie seulement , quoy que d'un ton plus bas ,  
Suiure leurs sanicts accordz , & iamais n'estre las  
D'entonner si beaux airs , que le ciel mesme honore :  
Mais quel grand Apollon mon ame eschauffera ?  
Quel Dieu , autre que toy , ma langue guidera ?  
Toy , qui seul es mon Tout , Soy donc ma Muse encore.*  
*Abis-*

Abismes merueilleux damour, & de puissance,  
 Qui de vostre grandeur les cercles compassez,  
 Ains de vostre infiny les centres vnissez  
 Dans ce grand-petit-rond, qui soffre a ma creance,  
 De quelle humilité, de quelle reuerence,  
 Prendray ie tant de dons, l'un sur l'autre versés,  
 Dons qui tiennent les cieux, & la terre embrasés,  
 Ains de mon Dieu viuant l'vne & l'autre excellence.  
 N'estoit ce trop, ô Dieu, qu'il t'eust pleu reuestir  
 De nos infirmités, & tant & tant patir,  
 Pour porter ceste chair où ton Pere ha sa dextre?  
 Encor la nous rends tu, telle que tu la pris,  
 La mesme, mais bien aultre, & de bien plus grand pris,  
 Veu qu'elle nous faict Dieux, qui te fit vn Rien estre.

## 3

Sur toutes les grandeurs, qui te font admirable,  
 L'admire, ô mon sauueur, ta liberalité,  
 Voyant que sans l'auoir tant soit peu merité,  
 De tes biens infinis le seul nombre m'accable:  
 Que puis-ie auoir de bon si tu n'es fauorable?  
 Voyre si de t'aymer iay quelque volonté,  
 Bien que mon coeur soit mien en pleine liberté,  
 N'est ce toy, qui le fais d'vn si grand bien capable?  
 Tu m'en fais don, a fin que i'aye a te donner,  
 Tu le reprens de moy pour me le redonner,  
 Quoy plus? pour nous auoir, toy mesme tu te donnes:  
 Pour nous donner encor plus que du tien tu n'as,  
 Tu prens de nostre race vne chair de trepas,  
 Et par la mesme chair le viure tu redonnes.

Venerable vieillard, le dernier des Prophetes  
 Du premier testament, le premier du dernier,  
 A qui Dieu fit la grace, ains l'honneur singulier  
 Des promesses, qu'a nul il n'auoit iamais faictes,  
 Qu'heureux te fut le iour, quand de tes mains foibles  
 Tu fis d'un si grand Dieu l'offrande le premier!  
 Qu'a bon droit tu trouuois ce dur assaut legier  
 De la mort, qui forçoit tes dernieres retraites!  
 Qui tient la vie en main, peut il creindre la mort?  
 Et a qui ne la creint, peut elle faire tort?  
 Mais si tu fus heureux, ie le suis d'autre sorte,  
 Ie le tiens au dedans, tu ne l'ens qu'au dehors,  
 Tu le tins en tes bras, il habite en mon corps,  
 Pourueu que, comme toy, dans mon cœur ie le porte.

Si Dieu ne l'auoit dit, seroit il bien croyable,  
 Que la manne des Iuifz miraculeusement  
 Du ciel mandee en terre en forme d'aliment,  
 Fust l'ombre de la chair, que Dieu donne en sa table?  
 De moy, ie n'y voy rien qui ne soit dissemblable,  
 L'une tombe du ciel au desert seulement,  
 L'autre vient de la terre, & monte au firmament,  
 L'une ennuye bien tost, l'autre est tant plus aymable,  
 L'une ne plait qu'au corps, l'autre plus a l'esprit,  
 L'une pour vn seul iour, l'autre a iamais nourrit,  
 Brief ceste est le vray corps, l'autre est moins qu'un om-  
 Puis-ie donc estre, ô Dieu, sinon par ta bonté (brage.  
 Digne d'auoir ce corps pour viande appresté,  
 Moy, qui suis ombre, terre, & desert tant sauuage!  
 Anges

Anges, qui vous vantiez d'auoir cet auantage  
 Sur nous, pauures mortelz, de manger meilleur pain,  
 Ne vous en vantez plus, il faut changer de train,  
 Et tenir desormais vn bien autre langage :  
 La terre ha maintenant le ciel pour appanage,  
 Ce pain qui vous estoit heritage certain  
 Nous est ores commun, & s'il est plus qu'humain,  
 Aduonez que le ciel n'ha de soy tel ouurage :  
 Nous l'eusmes les premiers, Car la diuinité  
 Pour nous, & pour nous seuls, vestit l'humanité,  
 Si ores vous l'auiez, Ausy nous en personne :  
 Ne dittes par mespris que ce soit peu de fait  
 De ceste humaine peau, puis que Dieu tant s'y-plait  
 Qu'a elle non a vous il acquiert sa couronne.

## 7

Admire qui voudra la puissance infinie ;  
 Qui scent d'un si grand Rien vn si grand Tout bastir,  
 Qui scait si proprement sans peine maintenir  
 De tant de corps distinctz la masse toute vnie :  
 T'admire qui voudra bonté cent fois benie  
 De ce Dieu, qui voulant a soy nous reuuir,  
 Deigna descendre en terre, & le supposi fournir  
 E'n qui deux Estres telz se tinsent compagnie :  
 T'admire quant a moy, que mon Dieu me paissant  
 Change la terre en ciel, l'homme en Ange puissant :  
 Anges pardonnez moy, le deuant n'est plus vostre :  
 Dieu vous ayme, il est vray, Mais il est Dieu de tous :  
 Il est or' Dieu & homme, & ne l'est que pour nous,  
 Reprochez vous le pain ? Hé vous mangez le nostre.

Rien ne vit icy bas que la mere nature  
 Ne luy donne de quoy largement se nourrir,  
 L'ame seule qui doit plus craindre de mourir,  
 N'aura elle de Dieu sa propre nourriture?  
 S'elle n'ha que du pain pour plus noble pasture,  
 Formé d'un grain appris en terre de pourrir,  
 Pourroit elle par là si bien se secourir,  
 Que tost elle ne cheust en mesme pourriture?  
 Si luy faut-il du pain pour solide aliment,  
 Mais il faut que le ciel fournisse le froment,  
 Afin qu'a tout i jamais elle estende sa vie:  
 Mais quel pain te peut plus mon ame restaurer?  
 Veux-tu ia morte encor en la manne esperer?  
 Hà courage, En voycy, qui les morts vivifie.

Sacré memorial de tant de benefices,  
 Dont iadis mon Sauveur capable me rendit,  
 Lors que pour mes pechés ce sang il respendit  
 En satisfaction a ses propres iustices:  
 Si, las, pour l'infini de tant de malefices  
 Miserable ie pers l'honneur de ton credit,  
 A quoy plus recourra mon ame qui perdit  
 Pour t'auoir, la faueur des autres sacrifices?  
 Mais si pour les pecheurs tant de sang fut offert,  
 Pour qui plus que pour moy sera le ciel ouuert,  
 Puis qu'entre les pecheurs i ay la place premiere?  
 Ce courage me plait, pourueu que de formais  
 Mon ame, à ton escien tu ne peches i jamais,  
 L'hostie peut bien tout, mais, mais c'est la derniere.  
 Pain

Pain descendu du ciel, quoy que peftry de terre,  
 Pain de vie, & viuant, mais veritable corps,  
 De celuy qui se dit le premier né des morts,  
 Qui contiens en ton peu plus que le Tout n'enferre :  
 Pain qui scais enyurer, & sans vin, & sans verre,  
 Quiconque va baisant de ton cerle les bords,  
 Qui tiens du paradis les portes, & les ports,  
 Qui transformes en toy quiconque en soy t'enterre,  
 Quel gouſt est celuy là, qu'en te mangeant ie sens,  
 Sinon tel que le font de mon ame les sens?  
 Quelle manne pourroit a mon gouſt plus complaire?  
 Si mes pechés, hélas ! ne l'auoient tant foulé,  
 Qu'à ma mort i'ay pluſtoſt ceſte vie auallé,  
 Sans que leur gouſt maudit m'ayt oncques ſceu deſplaire,

## 11

Que tu es ignorant, & aueugle, & volage,  
 Toy, qui par tes raisons ſans raiſon veux preuuer,  
 Qu'en ce ſainct Sacrement Dieu ne ſe peut treuuer  
 Pour eſtablir l'effeſt de ſon dernier langage :  
 Eſt ce la nouueauté d'un ſi diuin ouurage,  
 Qui fait, qu'à yeux ouuerts il te faille reuer?  
 Quand veux tu ſoubs la foy ton eſprit eſclauer,  
 Sinon lors que tes ſens conteſtent dauantage ?  
 Dieu l'a dit, ne peut il faire tout ce qu'il veut ?  
 S'il le peut, ne veut il faire tout ce qu'il peut  
 Pour a ſoy le premier, puis a toy ſatisfaire ?  
 Eſtonne toy pluſtoſt, qu'un Dieu iuſte, & ſi grand,  
 Qui ia deuſt t'abifmer, a ſa mercy te prend,  
 Si le prenant tu croys qu'il peut, & veut le faire.

Faire

Faire qu'en mesme instant vn mesme corps se place  
 En mille, & mille endroits, qu'il loge sur les cieux,  
 Et que sans s'en bouger, il s'expose a noz yeux  
 Quoy qu'inuisiblement, visible à qui l'embrasse,  
 Faire qu'un corps reel ne tienne point d'espace,  
 Qu'il uiue estant mangé, Que ce corps glorieux  
 Soit pain de vie aux bons, de mort aux vicieux,  
 Qu'au gré de quatre motz tel miracle se face,  
 N'est ce euure, qu'on ne peut admirer dignement,  
 Sinon qu'en la voyant par la foy seulement?  
 Tay toy meschant Athé, tay toy sot heretique,  
 Qui veux par la nature où nature n'ha lieu,  
 Esplucher lourdement les merueilles de Dieu,  
 Dieu n'est il plus puisant, que ta sottise physique?

Qui pourroit sans trembler, mais sans que tout a l'heure  
 Il pisme de respect, vn regard soustenir  
 De ce grand Dieu viuant? qui ferme se tenir  
 Le sentant approcher, quoy qu'un Ange l'asseure!  
 Mais qui tant impudent, qui d'une audace seure  
 Puisse armer ses fraieurs, s'il veut se souuenir  
 De ses moindres pechés, oyant ce Dieu venir  
 Qui doit iuger vn iour s'il faut qu'il viue ou meure!  
 Suis ie donc plus que tous ou iuste, ou effronté  
 Qui de ce mesme Dieu recoy la maiesté?  
 Non, c'est mon redempteur, comme tel ie l'embrasse:  
 Si sera il mon inge, Et c'est ce qui fera  
 Mon ame, qu'a bon droit il te condamnera,  
 Si l'heure du rachapt par ta faute se passe.

Hereti-

Heretique impudent, qui sans foy, sans cervelle  
 Blasphemes contre Dieu niant son tout-pouvoir  
 Pour nier que ce pain, qu'ores tu viens de voir  
 Soit maintenant fait corps plein de vie immortelle,  
 Croi tu pas, respon moy, qu'une mere pucelle  
 Dans son ventre l'ayt peu sans pere concevoir ?  
 Mais qu'elle l'ait conceu, seulement pour auoir  
 D'un mot obeissant fait offre digne d'elle ?  
 Quatre motz de ce Dieu qui de rien te crea,  
 Qui la terre, & le ciel du mesme rien tira,  
 Pourquoi ne feront ilz d'une, vne autre substance ?  
 Mais puis que tu ne crois sans gage a sa vertu,  
 Moins a son grand amour, hé pourquoi ne prens tu  
 Ce gage de tous deux, qui t'en donne assurance !

Meschant, qui ne crois pas que la toute-puissance  
 Qui de rien te crea sur son propre portraict,  
 Qui te soustient sans toy, puisse quand il luy plait  
 Separer l'accident de sa propre substance,  
 S'il change l'eau en vin, si sans changer l'essence  
 Des plus ameres eaux, plus douces il les fait,  
 Si le Diable consent, que le pouuoir il ayt  
 De faire non de pierre, ains la pierre pitance,  
 Qu'est ce qui peut encor te faire contester  
 Qu'il ne puisse du corps l'accident escarter ?  
 Mais las ! ou fuyras tu, si le champ te demeure !  
 Si de l'ame il ne peut separer le peché,  
 Où pourras tu (pauuret) si bien estre caché  
 Que sauf son accident ta substance ne meure !

Ioyeuſement pecheurs, Bonne, bonne nouvelle,  
 La la paix toute eſt faiçte, & non plus a demy,  
 On prend merci de nous, ceſt aſſes ia gemy,  
 Voyez qu'a ſon banquet le vainqueur nous appelle:  
 Traitres Phariſiens, qui luy faiçtes querelle,  
 Si chez quelqu'un de nous il banquette en amy,  
 Si vous n'auetz encor tout ce poiſon vomy  
 Mourez, que nous viuions de ſa chair immortelle:  
 Il mangeoit avec nous, ores nous le mangeons,  
 Ores il nous recoit quand nous le receuons,  
 Si lors vous murmuriez, l'heretique en tempeſte:  
 Mais de gronder ainſy quelle cauſe auetz vous?  
 Venez, venez, venez au banquet comme nous:  
 C'eſt pour vous, ſil vous plait, que ſon amour l'appreſte.

Mais pourquoy trembles tu, pauvre ame pechereſſe,  
 Si ton Dieu, ton Sauueur t'ordonne d'approcher  
 De ce ſacré banquet, ou l'on vit de ſa chair,  
 Puis que dez ſi long temps la famine te preſſe!  
 Crains tu que de ſa main la fureur vengereſſe  
 En lieu de tel reſpect te ueuille rechercher?  
 Ou que ſur ſa parole il t'oſe ſupercher,  
 Lors qu'il voit que ta foy a ſa mercy te laiſſe?  
 Tu te meurs, ou peux tu ton ſalut retreuuere?  
 Tu n'es que ſalete! hé qui te peut lauer?  
 Si nuë tu te vois, qui peut veſtir ta honte?  
 Si tu ne vois plus rien, qui te peut rendre lœil?  
 S'il te veut obliger, d'où te vient cet orgueil?  
 Dois tu plus que tu n'as? c'eſt lac quit de ton compte.  
 Mais

Mais qui ne trembleroit d'une frayeur constante,  
 De voir un si grand Dieu, qui venant de si haut  
 S'eslance à coup si bas, & du premier assaut  
 Penetre au plus profond des cœurs quil espouante !  
 Mais qui ne trembleroit de voir sa main puissante  
 A qui lon doit deia cent fois plus qu'on ne vaut,  
 A qui de tout le deu rendre compte il nous faut,  
 Qui pour plus nous charger son secours nous presente !  
 Mais puis que par la mort d'un si grand creancier  
 Le plus pauvre debteur se rend iuste heritier,  
 Mon ame que crains tu ? accepte l'heritage,  
 C'est pour toy qu'il est mort, afin que l'union  
 Fist la deebte perir par la confusion,  
 Le testament y est, mais pren son corps pour gaige.

L'admire, ô mon Sauueur, l'humilité si grande  
 Qui fait courber ton chef, & tes mains esclauer  
 Pour de tes seruiteurs les pieds mesmes lauer  
 Acceptant leur souffrir pour agreable offrande,  
 e loue le respect, qui au plus grand commande  
 Quand tu viens de vers luy de soudain se leuer,  
 Indigne qu'il se voit de tel bien esprouuer  
 Sinon queforcement ta main digne l'en rende :  
 Où vient donc qu'estant ia par ta mort tout laué,  
 Non d'eau, mais de ton sang, pour estre en-fin sauué,  
 Le me veautre en pourceau dans ma premiere ordure !  
 Mais qu'ore ayant ma chair vnice a celle là,  
 Qui iadis sans peché ma nature accolla,  
 Mon cœur charnel pourtant ne change de nature !  
 Quel

Quel moyen merueilleux d'appointer ceste guerre ;  
 Qu'entre l'homme , & son Dieu le peché nourrissoit !  
 Faire qu'un Dieu si grand , qui tant nous menacoit ,  
 Sur soy-mesme dardast lesclat de son tonnerre !  
 Dieu n'estant rien que Dieu , l'homme rien plus que terre ,  
 Quel accord , quelle paix entre eux estre deuoit ?  
 Mais quel amy commun entreprendre pouuoit  
 De les faire appointés boire en vn mesme verre ?  
 L'homme , ô Dieu , t'eust tenu pour suspect iustement  
 Comme ton ennemy , Toy luy semblablement :  
 Pour faire sans soupçon tous deux iuge & partie ,  
 Il falloit qu'un suppost les tint vnis tous deux :  
 Mais que me vaut celà , bon Dieu , si tu ne veux  
 A toy mesmes vnir mon ame en mesme hostie !

Vous qui desireriez d'auoir veu viure au monde  
 La chair du mesme corps , qui pour vostre salut  
 Appres trente troys ans dessus la Croix mourut ,  
 Dittes sur quel motif vostre desir se fonde :  
 Pensez vous que l'obiet , dont la figure ronde  
 Decoit voz yeux grossiers , soit autre que ne fut  
 Le vray corps de ce Dieu , en qui l'Apostre crut ,  
 Et la playe , & sa foy sondant de mesme fonde !  
 Voudriez vous tel qu'en croix le renoir tout perclus ?  
 Ses plus proches amis ne l'y cognurent plus ,  
 Comment donc a voz yeux pourroit il Dieu paroistre ?  
 A peine pourriez vous pour homme l'entreuoir !  
 Pour voir les deux en vn , prenez ce grand miroir ,  
 S'il n'estoit le vray Dieu , pourroit il tel homme estre ?  
 Voir

Voir la face de Dieu en ceste chair mortelle  
 N'est pas vne faueur que l'on puisse esperer,  
 Si la fant il desia tant qu'on peut desirer,  
 Puis qu'au voir git tout l'heur de la vie eternelle:  
 Mais noz yeux pourroient ilz opposer leur prunelle  
 Aux rays dun tel soleil, voire pour l'adorer,  
 Qu'un iuste feu du ciel ne vinst a deuorer  
 De leurs traitz impudentz la plus viue estincelle?  
 Quel moien donc, hélas, de iamais estre heureux!  
 Ou comment sans le voir en serois-ie amoureux!  
 En te voyant, vray Dieu, sans encor voir ta face!  
 S'on ne peut la voyant rien que la vie auoir,  
 S'on ne peut sans mourir visiblement la voir,  
 L'ayme mieux te voyant voir ma vie, & ta grace.

Quel miracle! que Dieu pour decouurer la gloire  
 De sa diuinité, la couure du manteau  
 De nostre humanité, Et ceste humaine peau  
 Du voile de ce pain qui vit au saint ciboire!  
 Meschant, qui ne crois pas ce que la foy fait croire  
 Quel vent va bour-soufflant a ton vuide cerueau  
 Qu'il faille rechercher vn miracle nouveau  
 Pour preuuer de cestuy la verité notoire?  
 Plustost demande a Dieu, qu'il retire sa main,  
 Qu'aucun plus il n'en face, & tu verras soudain  
 Combien peut son pouuoir, quand il veut se soubstraire:  
 Ainsi quand sur Tabor il fut transfiguré,  
 Quand le pere en rendit tesmoignage assure,  
 Tout le miracle fut, qu'il cessa lors d'en faire.

Ce grand Dieu qui n'est qu'un, qui i jamais ne se change,  
 Qui se dit, comme il est, commun pere de tous,  
 Voyez de quel amour il traite avecque nous  
 Luy, qui au peuple Hebrieu fut iadis tant estrange!  
 Il ne nous parle plus, comme a eux, par un Ange,  
 Ny en nuë de feu, signe de son courroux,  
 Il nous baise en personne, & estrangement doux,  
 Au lieu de se venger il permet qu'on le mange!  
 Demandez vous encor, qu'il ne vous parle pas,  
 De peur que son parler ne soit vostre trespas?  
 Luy, de qui les propos ne sont autre que vie!  
 Peut estre voudriez vous ia le voir glorieux,  
 Ie louë voz desirs, Mais qui est plus heureux  
 Que qui les erres tient de sa gloire infinie!

Qu'est cecy! qu'est cecy! Disoyent noz premiers Peres,  
 Voyant tomber d'en haut ce celeste manger,  
 Mais plus encor voyans qu'ilz pouuoient le changer  
 En tel goust que vouloyent leurs appetitz contraires!  
 Hà combien sont plus hautz, plus profonds les misteres  
 De la nouvelle manne, a qui pour en iuger  
 Pourroit sans s'abismer leurs abismes iauger,  
 Dison donc qu'est cecy! qu'est ce de ces affaires!  
 Mais ne demandons pas comment celà se fait:  
 Demandons, & pour qui, & pourquoy Dieu se plait  
 D'ouurir ia non le ciel, mais la mer de sa grace:  
 Admirons que ce soit pour nous tant seulement,  
 Ainsy nous scaurons tout, A quoy vaut le Comment,  
 Pouruen qu'a mon salut ie sente qu'il se face?

Si dun

Si d'un parfait ouvrier l'art se fait mieux cognoistre,  
 Quand il peut mettre en moins ce que de grand il ha,  
 Quel fut l'euure de Dieu quand ce monde il crea,  
 En vn si petit Tout se faisant tout paroistre!  
 Mais quand pour de ce Tout les merueilles accroistre,  
 Au seul indiuidu d'un homme il les lia!  
 Et tant heureusement les luy apropria,  
 Que tout ce monde on peut en luy seul recognoistre!  
 Mais si celà fut peu au pris de ce qu'on uit,  
 Quand ce grand Verbe a soy nostre nature vnit,  
 Comblant ce vermissseau de grandeurs nom-pareilles,  
 Ce corps qu'ores tu vois, ia fait Dieu nourricier,  
 Qui dans si peu de rond se cache tout entier,  
 N'est ce vn autre abbrege de bien autres merueilles?

C'eust-esté peu de cas que l'homme eust vne vie,  
 Subiecte a mille morts, dez que pour son peché  
 Le paradis luy fut a tout iamais bouché,  
 Luy restant l'enfer seul pour derniere patrie,  
 Si la fureur de Dieu iustement assouie  
 Par la mer de ce sang sur la Croix espanché,  
 N'eust en fin consenty, qu'a si mauvais marché  
 On r'appellast d'exil ceste race bannie!  
 Bien peu seroit ce aussy qu'un salut achepté  
 A pris d'un sang sans pris, nous fustor' presenté,  
 Pour n'estre enfans qu'a fin de perdre l'heritage:  
 Le rachapt nous sert bien pour n'estre ia perdus,  
 Mais pour monter au ciel il faut auoir de plus  
 Ce corps de Dieu pour pain, & son sang pour breuuage.

Centenier, qui sentant de la terre tremblante  
 Les horribles fraieurs, quand son soleil volé  
 Fut à coup en plain iour de tenebres voilé,  
 Prehas le filz de Dieu d'une vois si constante,  
 Qu'est ce qui pouuoit lors faire ta foy viuante,  
 Quand tu le regardois, non ia plus desolé,  
 Tel que peu parauant, mais mort & estalé  
 Scandale voire à ceux que la mort n'espouuante ?  
 Pouuoit il iamais moins sembler vn Dieu viuant,  
 Que quand la mort estoit dans son vuide brauant ?  
 Le tremblement t'asseure, & la nuit t'illumine ?  
 Sots, de qui la foy tremble, auengles en plein iour,  
 Le nians, quoy qu'icy plein de vie, & d'amour,  
 Qu'eussiez vous creu, si lors uous eussiez veu sa mine ?

Je me meurs te voyant heretique execrable  
 Quand plus il t'est aduis de bien philosopher,  
 Tant plus faire le sot, & pour mieux piasser,  
 Contre ton propre Dieu contester en sa table:  
 N'es tu trop insensé de nier veritable  
 Ce, de quoy, gros lourdaut, tu deusses triompher ?  
 Mais a qui plus qu'a toy fais tu tort de biffer  
 De ses propos plus clairs le sens plus fauorable ?  
 Tu ne peux aduouër qu'un corps si grand, & gros,  
 Puisse en lieu si petit estre en chair, & en os,  
 Toy, qui crois beaucoup plus croyant l'estre du monde ?  
 Respon moy, ce grand corps si large que tu vois,  
 Ne fut il dans le Rien tout assis autre fois ?  
 Dy donc sur quoy son poids, ou ton dire se fonde.

Où est

Où est le peuple , où est la nation si grande ,  
 Qui doive tant au Dieu, quelle veut adorer ?  
 Mais qui iustement puisse à nous s'accomparrer ,  
 En ce qui est d'auoir vn Dieu tel qu'on demande ?  
 L'idolatre peut bien l'auoir tel que commande  
 La main de l'artisan, qui vient a le dorer ,  
 Mais son Dieu pour celà le peut il bien heurer ,  
 Si le besoin suruient, qui le luy recommande ?  
 Nous l'auons tel qu'il est, Dieu de tous les humains,  
 Et si l'homme le fait , non de ses propres mains ,  
 Mais proferant les motz qui ont droit de le faire:  
 Ainsy fait homme , & Dieu luy, qui hommes nous fit ,  
 Nous fait Dieux sil nous plait , Quel enfer donc suffit  
 A qui ose en appres par ses mains le deffaire ?

Seul filz de l'Eternel, qui as pour fille aisnee  
 La mesme eternité, des le commencement  
 Assis au lieu sans lieu du plus haut firmament ,  
 A la dextre du pere en gloire interminée ,  
 D'où te vint le desir qui hasta la iournee  
 En laquelle tu fus fait homme en vn moment ?  
 Ne fut ce pour nous faire approcher promptement  
 De ta face, iadis tant de nous esloignée ?  
 Mais comment pour celà puis- ie approcher de toy ,  
 Si le monde toniours m'esclaeue soubz sa loy ?  
 Peut on sans quitter l'vn courir à l'autre extreme ?  
 Las, puis que tu fais tant pour a toy m'allecher ,  
 Que sans partir d'en haut tu daignes m'approcher,  
 Fay plus que tout celà, M'approchant a toy mesme .

Né mortel quant au corps, mais d'une ame immortelle  
 Pour être fait vn iour immortel doublement,  
 Je vy tout au rebours, Comme si seurement  
 L'ame mourant donnoit au corps vie eternelle:  
 L'ame, qui par le corps se deust faire plus belle  
 Pour tant plus embellir le corps semblablement,  
 Mourant par le peché traine en son monument  
 Et la chair, & les os qui ne viuoient que d'elle.  
 Si par ma propre chair mon ame a peu mourir,  
 Quelle autre chair, hélas, la pourra secourir?  
 La tienne, ô Dieu, pour moy iadis mais non plus morte:  
 Si de ton Elisé les seulz os peurent tant,  
 Du mort, qui les toucha, le corps ressuscitant,  
 La chair dun Dieu vivant n'est elle encor plus forte?

Helie languissant de la faim qui le presse  
 Desireux d'acheuer le voyage entrepris,  
 Pour se rendre bourgeois d'un plus digne pais  
 Où la voix de son Dieu luy fait prendre l'adresse:  
 Cherchant decà delà de quoy mieux il se païsse,  
 Treuve vn pain que la cendre encolore de gris,  
 Il en prend a l'instant, A peine en a il pris,  
 Que iusqu'au mont Oreb il monte en allegresse:  
 Qui fut oncques, hélas, plus que moy souffrereux?  
 Comment doncques iamais iroyz-ie iusqu'aux cieus,  
 Païs tant loing de moy, mais où mon Dieu m'appelle,  
 Si ce pain plus exquis de cendre sursemé,  
 Que ton Verbe, ô grand Dieu, daigne rendre animé,  
 Ne m'enleue avec soy a ta gloire eternelle!

Espritz

**E**spritz lourds, & charnelz qui ne pouuez comprendre  
 La verité d'un Dieu, si le corps ne le voit,  
 Adions tant plus de foy a l'œil, qui vous decoit  
 Qu'à la foy, qui voit plus, qu'on ne scauroit entendre,  
**A**direz ce bon Dieu, qui daignant condescendre  
 A voz plus sots desirs en vray homme apparoit,  
 Conuersé avecque vous, chemine, mange & boit,  
 Pour de sa verité plus capables vous rendre:  
**Q**ue vouliez vous de plus? Sinon que l'immortel,  
 Qui pour vous faire Dieux s'estoit ia fait mortel,  
 Donnast sa chair en pain a voz ames charnelles?  
**E**ncor ne pouuez vous comprendre vn si grand cas,  
 Tant vous estes charnelz, Ausy ne peut on pas  
 De la chair, ny du sang ouyr lecons si belles.

**V**ieille sterilité, qui faite en fin feconde,  
 Fus digne d'enfanter cet Ange, preparant  
 La voye a son Seigneur, & comme reparant  
 L'age vieil, & caduc d'un si sterile monde,  
**Q**uelle langue pourroit exprimer la faconde  
 Dont tu sceus bien-veigner la Vierge, qui courant  
 Seiouir de ton heur, t'escouta discourant  
 Des graces, que le ciel sur son ame debonde:  
**D**ans ton ventre l'enfant de ioye tressaillit  
 Sentant veur son maistre, & hautement te fit  
 Ecrier, D'où me vient vne faueur si grande?  
**M**oy, qui voy non la mere, ains l'enfant desia né,  
 Non a moy, mais dans moy tel qu'il fut incarné,  
 Combien plus de respect faut il que ie lui rende!

*Je suis avecque vous Philosophes Ethniques,  
 Qui voulez par raison contre nous maintenir,  
 Qu'on ne peut du non estre a l'estre reuenir,  
 Si la nature ha lieu contre les Catholiques:  
 Mais si vous presidez aux chaires heretiques,  
 Patriarches de ceux, que l'enfer deust tenir,  
 Accordez comme ils font, que Dieu peut bien bannir  
 Du moins quant a ce point, voz plus seures Phisiques:  
 Non, ne l'accordez pas, Mais par necessité  
 Confessez, qu'il faut donc que nostre eternité  
 Commence en nous, auant que nostre mort arriue:  
 Et comment? en viuant de ce celeste pain,  
 Que Dieu mesme anima de sa voix, de sa main,  
 Pain des vifz non des morts, a fin que l'ame en- uiue.*

*Peut on s'imaginer charité plus louable,  
 Que de qui perd sa vie en faueur de l'amy?  
 Mais qui la donneroit a son propre ennemy,  
 Ne seroit il encor beaucoup plus charitable?  
 Mais qui pourroit treuuer vn moyen conuenable  
 De se donner souuent, & non point a demy  
 A chascune des foys, mais entier, & parmy  
 Mille necessités, Combien plus admirable?  
 Ainsy bon Dieu tu v'as a l'homme te donnant  
 Ores en seruiteur pour luy seul t'incarnant,  
 Ores en pris d'achapt, quand ton sang le rachepte,  
 Ores en pain viuant pour son ame nourrir,  
 Iusqu'a tant que son corps mourant pour-ne mourir,  
 Tu sois d'vn tel ingrat la recompence preste.*

*Belle*

Belle estoille du ciel, des belles la premiere,  
 Qui guidas autrefois la sainte intention  
 De ces Roys tant zelés, a l'adoration  
 Du grand-petit enfant, qui crea ta lumiere,  
 Quel secret mouuement arresta ta carriere,  
 Pour arrester la leur, quand l'inspiration  
 Les rendit assurez que le Roy de Sion  
 Ornoit de telz drapeaux sa couronne emperiere?  
 Eclairie te pry l'obscur de mon esprit,  
 A fin qu'aperceuant ce mesme Iesus Christ,  
 Le l'adore present soubz le pain, qui le voile:  
 Si ces incirconcis virent tant aysement  
 Vne diuinité soubz vn tel vestement,  
 Pour voir le pain fait chair, faut il vne autre estoile?

Quand ce grand Dieu viuant tout incomprehensible  
 A nul autre qu'a soy ne se communiquoit,  
 L'homme presumptueux sans cesse se pleignoit  
 D'auoir vn Dieu, qui fust tant de temps inuisible:  
 Dieu voyant ce desir plus hardy, que loysible  
 De l'homme qui brutal soy mesme ne cognoit,  
 Veut encor luy complaire, & faire tant qu'il soit  
 En terre comme au ciel, familier, & visible:  
 Tel est il quand la Vierge en son ventre le tient,  
 Tel ausy, quand la Croix vis, & mort le soustient,  
 Mais plus, quand il se donne, a qui le veut, pour vie:  
 Vous qui pour ne le croire ignorez tous que c'est,  
 N'attendez de le voir tel que là haut il est,  
 Si vous souffrez cà bas que vostre œil le renie.

Peu prouffite la chair si l'esprit ne l'anime,  
 Le sang encores moins si l'ame ne l'emeut,  
 Mais beaucoup l'un, & l'autre, a quiconque se meut  
 De se seruir des deux sans abus, & sans crime:  
 Vous, qui de vostre chair faites si grande estime,  
 Que vostre esprit luy sert comme esclau, & ne peut  
 Comprendre autres secretz, que ceux là qu'elle veut,  
 Que peu vous vaut la chair, où vostre esprit s'abisme!  
 Mais si la chair de soy vne autre chair produit,  
 Lesang, aussi le sang, l'esprit, encor l'esprit,  
 La chair d'un Dieu viuant peut elle estre inutile?  
 Las, s'il estoit ainsy que la chair ne fust rien,  
 A quoy nous seruiroit ce rare, & si grand bien  
 Que le Verbe eust pour nous prins ceste chair si vile!

Quand ie voy de mon Dieu l'humanité tressaincte  
 Sur la croix endurer tant de peines pour moy,  
 Bien que son sang le couure, aysement ie cognoy  
 Sa face dans le sang par l'amour mesme empreinte:  
 Je ne laisse pourtant de me pasmer de creinte,  
 Lors que de mes pechés tel supplice ie voy,  
 Quand parmy tant d'amour, encore i'appercoy  
 La iustice de Dieu si viuement depeinte:  
 Mais quand ce mesme amour lors qu'il semble egonté  
 Offre encor a mon goust la mesme humanité  
 Toute de pain-sans-pain non plus de sang conuerte,  
 Hâ de quel contr'amour la doy ie receuoir,  
 Puisque ce sang y est, qui pour mon ame auoir  
 A payé mon salut du tresor de sa perte.

Soye

Soit en l'ame ou au corps nul ne recoit dommage  
 Qu'ayant du vuide plus, ou du plein qu'il ne faut,  
 Le trop de l'un & l'autre a rien autre ne vaut  
 Qu'a perdre le subiet qui en prend dauantage:  
 Helas s'il est ainsy, mon ame, quel bon gage  
 As-tu de ton salut s'il ne tombe d'en-haut?  
 Puisque ce double Trop, qui d'un double deffaut  
 Charge ton double Peu, doublement t'endommage!  
 Pleine trop pleine, hélas ! de vices monstrueux !  
 Vuide, trop vuide, hélas ! de pensers vertueux !  
 Dieu te peut il sauuer que miracle il ne face ?  
 Luy seul te deust remplir : Vuide la donc deuant  
 O Dieu, & pour soudain la remplir de ton vent,  
 Fay, si mon corps y nuit, qu'il quitte au tien la place.

Le Pasteur, qui soignex du bien de ses ouailles  
 Ne se plaint qu'au soucy de les bien conseruer,  
 Si quelqu'une se perd qu'il ne puisse treuuer,  
 De quel dueil perce-il ses plus viues entrailles ?  
 S'il faut garder le parc, ses bras sont les murailles,  
 Sa voix le chien iappeur pour le loup rabrouer,  
 S'il faut que par sa mort il ose les sauuer  
 Il repute a faueur si belles funerailles:  
 Si la moindre par foys s'egare du troupeau,  
 Pour n'en perdre le corps d'une autre il prend la peau:  
 Tel enuers nous aussy nostre Dieu veut bien estre,  
 Mais quoy plus ? si de faim la pauuette se deult,  
 En herbe le berger transformer ne se peut,  
 Nostre Dieu se fait pain pour noz ames repaistre.

Sera

Sera ce en ces bas lieux, où la grandeur de l'aise  
 Me face confesser, que l'estre y soyt si bon ?  
 Hé parmy tant de maux quel ayse auoir sinon  
 Qu'au malheur des malheurs nostre malheur se plaise !  
 Si d'un heur passager le zephire nous baise ,  
 Quel message plus seur de proche affliction ?  
 Ou s'il dure tousiours, quel autre heur en peut on  
 Attendre, que le vent de l'ardente fornaise ?  
 Où donc seray ie bien, sinon où mon Sauueur ,  
 Non plus transfiguré, mais tel qu'il est plein d'heur,  
 Me transfigurera en vaisseau de sa gloire ?  
 Fay m'en la grace, ô Dieu, & puis qu'icy du tout  
 Ie ne peux estre emply, fay que pour auant-goust  
 Ie viue de ta chair, ton sang soit tout mon boire .

Apostres plus chers à vn si doux, & bon maistre,  
 Qui vous eut compagnons de son humanité,  
 Qui vous eut pour tesmoins de sa diuinité,  
 Quand sur le mont Tabor il se fit Dieu cognoistre,  
 Quel effroy vous surprit, quand vous vistes paroistre  
 La nuë, qui sur vous esilatoit sa clarté,  
 Prononca ceste voix plaine de maiesté,  
 Qui vous fit par le filz le pere recognoistre !  
 D'où vint que si soudain vous cheutes comme morts ?  
 Et que ie ne meurs point mangeant ce mesme corps !  
 Ay-ie plus que tous vous de cœur, ou de courage ?  
 Que ne tremble ie au moins, iusqu'à tant que ta main  
 Auec ta voix, ô Dieu, m'asseure que ce pain  
 Sera de mon salut, & la cause, & le gaige.

Dieu

Dieu qui habite au ciel, cherche en nous sa retraite,  
 Comme s'il ne pouvoit s'en passer bonnement,  
 Lui mesme la bastit, & si superbement  
 Qu'à la voir on cognoit pour qui c'est qu'on l'appreste,  
 Mais, las; à peine ell'est pour le loger my-preste  
 Que l'ennemy survient, qui clandestinement  
 Par le plus foible endroit forçant le bastiment  
 Soudain maistre s'en rend, & là vainqueur s'arreste.  
 O Dieu voy ton palais iadis plein de tes dons  
 Par le Diable ores fait retraite des larrons,  
 De maint, et mai-t peché qui foule aux piedz ta grace:  
 Si en personne hélas tu n'y daignes venir,  
 Hé quel Ange pourroit telz hostes en bannir!  
 Hâ le voicy venu, Meschants quittez la place.

Mais comment Seigneur Dieu, mais pour ta residence  
 Voudrois tu bien choisir vn si sale palais,  
 Plus destruit, plus infect, que si ton corps iamais  
 Ne l'auoit honoré de sa sainte presence!  
 Hé n'est ce le deuoir qu'une pure innocence  
 Honorant ta maison, s'en honore a iamais?  
 Est ce en lieu si puant que d'estre tu te plais,  
 Pour bastir dans mon cœur ta maison de plaisance!  
 Je suis ce publiquin, indigne de te voir  
 Et plus indigne encor d'oser te receuoir  
 Si par toy le salut à la maison n'arriue!  
 Recoy donques premier en ta grace mon cœur,  
 Loge le tout en toy, Lors il pourra sans peur  
 Mourant en toy, loger en sa mort ta chair viue.

Le Turc plein du respect, qu'un esclaue fidelle  
 Doit a la maiesté d'un si cruel seigneur,  
 Si par rencontre il faut qu'il luy presente honneur  
 A peine pour le voir hausse-il la prunelle,  
 L'œil, & le corps il baisse, & d'une facon telle  
 S'aduouant sans parler indigne de tel heur,  
 Il n'est ambuieux de plus haute faueur  
 Que d'estre uen n'oser en vouloir de plus belle !  
 Nous qui du grand seigneur, & seul Roy souuerain  
 Auons deuant les yeux le corps bien plus certain,  
 Osons nous esplucher, si nostre œil nous est traistre ?  
 Mais quelle grace, ô Dieu ! t'oyant, nous te voyons,  
 Te voyant, nous goustons, te goustant nous scauons  
 Qu'autre, qu'un si grand Dieu ne pourroit si doux estre.

Tout va, tout vient, tout passe, & Dieu mesme immuable  
 Hoste de l'infiny, passe encor bien souuent,  
 Mais ainsy qu'en Avril un fauorable vent,  
 Qui plus on l'a iouy, plus il est desirable :  
 Soy m'en riche tesmoin, Apostre venerable,  
 Qui de pauure vsurier que tu fus parauant,  
 Pour auoir sceu a poinct te rendre son suyuant,  
 Te vis fait a iamaïs compaignon de sa table :  
 Combien de fois helas, helas combien de fois  
 Ay-ie du mesme Dieu ony la mesme vois,  
 Qui me dit, Quitte tout pour desormais me suyre !  
 Il passe cependant, ou si comme pour toy  
 Il s'arreste par fois, & banquette chez moy,  
 Ce n'est qu'en passager, & si fournit le viure.

**Dieu fait nopces en terre, alors que l'influence**  
 De sa grace, tombant comme manne des cieux,  
 Il s'accouple par foy aux ames de tous ceux,  
 Que le baptesme vnit en son obeissance !  
**Il fait nopces au ciel, quand sa toute-puissance**  
 Tirant l'ame d'un corps hôte de ces bas lieux,  
 Pour la placer au chœur des espritz glorieux  
 L'vnit par charité a sa diuine essence :  
**Mais bien plus admirable autres nopces il fait,**  
 Quand pour vnir a soy noz ames, il se plait  
 D'vnir en se donnant la foy, l'amour encore :  
**O Dieu la foy y est, Mais quelle charité**  
 Pourra m'unir a toy, si ta diuinité  
 Quand ie mange ce corps, mes pechés ne deuore !

**O fauorable Hymen, ô heureux Hymenee,**  
 Qui marias iadis la terre au firmament  
 Quand ce Verbe diuin tant ineffablement  
 Grossit les flancz sacrés de la vierge ordonnee !  
**Mais plus heureuse encor l'ame sainte, & bien nee,**  
 Qui voit vn mesme Dieu, & homme ensemblement  
 Tout prest a l'espouser tant amoureuxment,  
 Qu'il la transforme en foy par la bague donnee !  
**Bague d'amour, de foy, qui par compassion**  
 De si grands ennemys fais si grande vnion,  
 Peux-ie ayant ta faueur creindre encor sa disgrace ?  
**Pourquoy non: puis que ia tant de fois honoré**  
 Iay, ingrat, coup sur coup, tant plus adulteré !  
 Vn pardon n'y vaut rien, aussi cours-ie a la grace.  
 Venez

*Venez a moy tous vous , que la soif importune ,  
 Venez a moy vous tous qui courbez sous le faix ,  
 Je vous derray d'eau viue , & feray que iamais  
 Vous ne succomberez soubz les Croix de fortune :  
 C'est ta voix , ô bon Dieu , voix qui sans cesse aucune  
 Va sommant mon deuoir de t'aimer desormais ,  
 Pour meriter l'honneur des graces , que tu fais  
 A qui te veut seruir d'une ardeur non commune :  
 Mais où sera ceste eau , qui ha tant de pouuoir ?  
 Bien que tu soys partout , si ne puis-je la voir ,  
 Si ce n'est celle là que ton sang mort m'apporte :  
 Mais tu prometz d'eau viue , He n'en auray-je pas ?  
 Ouy , mangeant ce vray corps vis , & franc de trespas ,  
 Qui m'offre avec ton sang la mesme eau , nō plus morte.*

*Amour est passion , qui plus qu'autre puissante ,  
 De ioye & de douleur scait noz coeurs enyurer ,  
 La ioye va deuant pour mieux nous attirer ,  
 Mais a la fin il faut que la douleur se sente :  
 Le plaisir naist de voir ce qui se represente  
 Digne que d'yeux , de cœur on doine l'honorer ,  
 C'est ce qui fait aussi d'yeux , & de cœur pleurer ,  
 Quand il faut mal-gré nous que tel obiet s'absente .  
 Bon Dieu , qui maymes tant , que pour loin que ie soy  
 Tu daignes m'approcher , pour m'unir tout a toy ,  
 T'ayant icy present te puis-je estre encor traistre ?  
 Helas si tant de fois te perdant i'en ay ry ,  
 Si mon malheur ne veut que i'en viue marry ,  
 Pourquoy ne meurs-je au moins de ne le pouuoir estre !*

O mer-

O merueilles de Dieu ! par tout on le rencontre ,  
 Pouruen-que d'un saint cœur on le veuille chercher ,  
 Et rien n'est soubz le ciel, de ce qu'on peut toucher ,  
 Où Dieu comme l'auteur , & premier ne se monstre :  
 Mais en quel lieu qu'il soit , il se bande a l'encontre  
 De tous ceux qui meschans , & gloutons de pecher ,  
 Recherchent, que sur eux il vienne a décocher  
 Les foudres plus aigus dont sa main face montre :  
 S'il va iusqu' aux enfers en fureur les punir ,  
 Croiray-ie donc ô Dieu que tu puisses venir  
 Si bas sauuer ma chair , en me donnant la tienne ?  
 Le miracle est ia grand , que l'on puisse te voir  
 Dieu, & homme en tel corps , & tel te receuoir ,  
 Mais bien plus, qu'a salut vn tel pecheur te prenne .

Descens, ô Dieu , descens , & uistement de grace ,  
 Mon ame ia desia commence de mourir ,  
 Si ta prompte bonté ne la vient secourir  
 La voy-là morte au-gré de qui ia l'en menace ,  
 Ne me reproche pas que ie soy de la race  
 De ceux, qu'un vain espoir fait a toy recourir ,  
 Non tant pour leur salut par ta grace acquerir ,  
 Qu'a fin qu'en eux ta main quelque miracle face :  
 Tu le scais, o grand Dieu , Tu le vois , me voy-cy  
 Importun a tes pieds pour forcer ta mercy ,  
 A fin qu'en me sauuant i'epreuue tes merueilles :  
 Non, ce n'est pour mon filz que ie crie au secours ,  
 C'est ta fille , ô bon Dieu , qui pour dernier recours  
 Voyant ton corps present , se porte a tes oreilles .

Port'en

Porï' enseigne de Dieu, Esprit tout angelique,  
 Qui iadis embrasé d'un si celeste feu  
 Meritas d'attirer les flammes de ton Dieu,  
 Pour changer ton amour en ame Seraphique,  
 Quelle fut ceste ardeur qui te fit exstatiue,  
 Quand ton ame glissant hors de soy peu a peu,  
 S'abisma dans la mer de l'amour, qui a sceu  
 Faire qu'un Dieu soit mort, & de mort tant inique!  
 Quelle deust estre l'ame auedans, si le corps  
 Eut par reflexion telle atteinte au dehors!  
 Qui t'eust veu lors a nud, t'auroit pris pour ton maistre!  
 Helas, a quoy tient il, qu'ayant ce mesme obiet  
 Et dehors, & dedans, ie ne suis tel subiet,  
 Quel'ame au moins en fist quelques traces paroistre!

Discourant quelque fois sur l'estre de mon ame,  
 Il me semble a peu pres, ou que plus ie n'en ay,  
 Ou s'elle vit encor, qu'helas, telle ie l'ay,  
 Qu'elle deust ia mourir de se voir tant infame!  
 Si l'ame n'est que feu, Pourquoy suis-ie sans flamme?  
 Si l'ame n'est que vent, quel souffle est ce que i'ay?  
 S'elle n'est que sang chaud, d'où vient donc que ie n'ay  
 Ny chaleur, ny bon sang, & qu'a tout coup ie pasme!  
 Mais ne suis ie tout feu, si ie brule viuant?  
 Si le vain me remplit, que suis-ie autre que vent?  
 Que sang, si mes pechés rougissent de la sorte?  
 O Dieu tout feu, tout vent, mais tout sang, & pour moy,  
 Fay que par la vertu du sang que ie recoy,  
 Ton feu brule mon ame, & que ton vent l'emporte!  
 Si dun

*l'importune mon Dieu, que sa paix il me donne,  
 Grace, qu'autre que luy ne me peut accorder,  
 Si ne laisse ie pas de bruire, & de gronder  
 Au moindre ressentir, qui mon ame epoinconne:  
 Je demande tousiours que sa main me pardonne,  
 Main de foudres ia pleine, & preste a les darder,  
 Et si ie ne scaurois si bien me commander  
 Qu'auant le coup donné du danger ie m'estonne:  
 Quel miserable estat ! mon desir est chrestien,  
 Mon parler tout d'amour, & mon viure paien !  
 En demandant le pain ie denonce la guerre !  
 Au contraire, ô bon Dieu, a qui guerre te fait,  
 Tu te donnes pour paix: Soy moy donc, s'il te plait,  
 Et la paix que ie cherche, & le neud qui la serre.*

*O qu'il est bien ainsy, sapience infinie,  
 Qu'en ta force tu scais atteindre viuement  
 De l'un a l'autre bout, & fort souefnement  
 Disposer a ton gré ce que ta main manie:  
 Qui iamais eut pensé, qu'une telle harmonie  
 Eust deu remplir, & cieux, & terre ensemblement,  
 Quand iadis descendant du plus haut firmament  
 Tu vins prendre la chair d'une race bannie !  
 De quelle extremité plus haute pouuois tu  
 Descendre en lieu plus bas, pour preuuer ta vertu,  
 Sinon en te monstrant soubz ce rond qui te couure !  
 Cest trop, qu'il fust trop peu a ton humilité  
 D'auoir neuf mois entiers dans vn ventre habité,  
 Plus tu vas te cachant, plus elle te deconure !*

Les promesses de Dieu, quoy que tresueritables,  
 Ayans pour fondement la mesme verité,  
 Pour subiet, & pour fin la mesme eternité,  
 Semblent a noz espritz ou point, ou peu croyables :  
 Le discours, qui ne veut que choses vray-semblables,  
 Nous tient tousiours suspens, si la diuinité  
 Prenant compassion de nostre infirmité  
 Ne donne a nostre foy gaiges bons, & sortables :  
 Tel nous l'eusmes, quand Dieu nostre chair mesme prit,  
 Tel nous l'auons mangeans ce mesme Iesus Christ,  
 Quel gaige, autre que Dieu, pourroit pour Dieu suffire ?  
 Sotz, qui vous contentez d'un pur morceau de pain,  
 Hé qu'on voit bien par là que vostre croire est uain,  
 Quoy donc, si Dieu iamais son gaige ne retire ?

## 61

Qu'il me plait quand ieluy, que ce grand Elisee,  
 Disciple bien aymé du grand mignon de Dieu,  
 Ne pouuant qu'a regret dire a son maistre adieu  
 Voulut l'accompagner iusqu'au champ elisee :  
 Du chemin non fraié la traite malaisée  
 Ne le peut detourner, Mais venu sur le lieu,  
 Où les eaux du Iordain entrecouperent son veu,  
 Il voit en deux partis son ame diuisee :  
 Son maistre en prend pitié, & comme pour bateau,  
 A fin qu'il passe a sec luy donne son manteau,  
 Il passe, & le suit tant qu'il gaigne un esprit double :  
 Pour passer ceste mer, & me rendre là haut,  
 Quel manteau m'aidera, si cestuy me deffaut,  
 Qui du Verbe fait chair les natures accomplir !  
 L'homme

L'homme malaysément peut forcer son courage  
 D'honorer celuy là, lequel il n'aime point,  
 Ou d'estre par amour d'ame, & de coeur conioint,  
 A qui ne peut iamais luy promettre auantage:  
 Mais entre les amis nous aimons dauantage  
 Celuy dont les faueurs nous viennent plus a point,  
 Qui ne scait rien donner, que soy mesme il ne doint,  
 Et qui de nostre bien console son dommage.  
 Tel enuers nous fut Dieu se donnant sur la Croix,  
 Tel est il maintenant, toutes & quantes foys  
 Il se donne en manger a la faim de nostre ame:  
 Mais au lieu de t'aymer, & de t'en rendre honneur,  
 O Dieu, noz Huguenotz blasfement ta grandeur,  
 Combien te doy-ie aymer, si pour moy l'on te blasme!

Estrange voix de Dieu, mais horrible sentence,  
 Qui fait au seul ouyr herisser mes cheueux,  
 Qu'à ceux qui t'ont, ô Dieu, redonner tu te veux,  
 Et a qui ne t'aura soubstaire ta presence:  
 Que sera ce de moy, hélas, si ta clemence  
 Ne fait pour mon salut quelque chose de mieux!  
 Est il donc resoulu, que iamais ie ne peux,  
 Si ores ie ne l'ay, auoir ton assistance?  
 Non, le ciel s'ouure ia pour m'ouurrir le moyen  
 De t'auoir si ie veux (hé ne le veux-ie bien?)  
 Puisque ton propre corps a mon ame se donne!  
 Mais a fin que ie t'aye, ô bon Dieu, doublement,  
 Aye moy, s'il te plait, a toy premierement,  
 Tu feras que tant plus a toy ie me redonne.

Quelle fut la fureur David, quelle manie,  
 Celle qui tant a coup te surprit autrefois,  
 Quand present tout le peuple au son de mille auboyz  
 L'arche te vit dansant accusé de folie ?  
 Quelle cause auois tu d'allegresse infinie,  
 Pour ainsy trepigner ? L'arche que tu voyois,  
 Qu'auoit elle de Dieu que l'escrit de ses doits,  
 Et la manne du ciel, pour tes ayeuls pestrie ?  
 Combien plus de rayson auois-ie maintenant  
 D aller yure de ioye, et d'amour forcenant,  
 Si l'arche ou mesme est Dieu, dans mon ame ie porte ?  
 L'autre fut de bois mort, viuante est ceste cy,  
 L'alliance d'alors qu'estoit ce qu'ombre aussy,  
 De la viue vniou, qu'avec soy ceste apporte ?

J'aime l'auenglement du bien heureux Tobie ;  
 Qui merite, que Dieu face descendre en bas  
 Vn Ange, & des premiers, pour conduire ses pas,  
 Et guider a salut l'incertain de sa vie :  
 Mais quand l'auenglement vient de l'ame abestie,  
 Qui de soy mesme veut se porter au trepas,  
 Je plein bien son malheur, Mais ie ne trenue pas  
 Qu'il faille que le ciel eclaire a sa folie :  
 Miserable Calvin, Mais sot outrecuidé,  
 De quel esprit du ciel fus tu iadis guidé,  
 Quand pour Ange tu pris l'erreur Capharnaite !  
 Ilz furent auenglés, Tu l'es encores plus,  
 Ilz te meinent en main, Que vous reste il plus,  
 Sinon qu'au fen d'enfer l'vn l'autre precipitez

*Vn enfant nous est né, si enfant se peut dire  
 Celuy qui porte en main le rond de l'vniuers,  
 Qui fait qu'en mesme corps, & dans vn mesme bers,  
 Par vne mesme bouche, vn homme, vn Dieu respire:  
 C'est cet enfant de paix, qui pour les enfans d'ire  
 Vint prendre nostre chair mere, & bierre de vers,  
 Qui comme mal-faicteur par supplices diuers  
 Mourant en Croix, nous fit dignes de son empire:  
 Caluin plaide avec nous a qui l'enfant sera,  
 Enfant non plus enfant: Mais qui en iugera?  
 Si Salomon est creu, nous payons les espices!  
 Nous le voulons vinant, Caluin le tient pour mort,  
 Il y met le cousteau, N'a il donc tout le tort?  
 O Dieu qui sens le coup, Où sont plus tes iustices!*

*Pauvre condition de l'humaine impudence,  
 Qui comme pour garends de tes infirmités  
 Tiens ordinairement assis a tes costés  
 Le peché d'une part, de l'autre l'ignorance!  
 P.arry deux telz brouillas, peux tu en assurance  
 Trauerser a tatons tant de difficultés,  
 Mais sur quoy, si ce n'est sur mille vanités,  
 Assseoir le fondement d'une iuste arrogance?  
 Ton scauoir n'est plus rien, qu'un pur aueuglement,  
 Et si tu veux tousiours entendre le Comment,  
 Mesme, ô malheur, où Dieu par la foy nous eclaire!  
 Pour le moins deuriez vous, heretiq's arrogans,  
 Pour ne point blasfemer, vous nommer ignorans,  
 Quand vous oyez sa voix a voz discours contraire.*

Ce vicil amy de Dieu, grand pere des fidelles ;  
 Qui premier merita les benedictions  
 Verseees en appres sur tant de nations  
 Heritieres par luy de promesses si belles,  
 Pouuoit il, dy Calvin, par raysons naturelles  
 Conclurre discourant en ses tentations,  
 Que pour multiplier ses generations  
 Il deust sur son Isac ietter ses mains bourrelles ?  
 Mais quand il vit ces troys en pelerins venus,  
 Et iusqu'a ce iour là non encores cougnus  
 Comment n'adora il qu'un seul en trois personnes ?  
 S'il eut si grande foy n'ayant oncques rien veu,  
 Toy, qui as veu viuant celuy qui tout a peu,  
 Pour n'adorer son corps, qu'est ce que tu raisonnes ?

Depuis trente, & tant d'ans mon ame languissante  
 D'un flux continuel de sang, & de peché,  
 Du monde ayant en vain son salut recherché  
 N'attendoit que le coup de la mort ia presente.  
 Quand en fin ne treuuant rien qui plus la contente,  
 Elle recourt a Dieu, & l'ayant approché,  
 Promet a mon espoir que le seul bord touché  
 De sa robbe pourra consoler mon attente :  
 De ta robbe, ô mon Dieu, ne touche ie les bords,  
 Soubs le voile du pain prenant ton propre corps ?  
 D'où vient qu'encor ie n'ay ma santé toute preste !  
 Helas, ie ne creins pas ce premier flus de sang,  
 Mais bien celuy pluſtoſt, qui sortit de ton flanc  
 Pour arrester le mien, si tost il ne l'arreste.

Dieu

Dieu qui te plais sur tout d'estre dit debonnaire,  
 Qui detestes le sang, & la mort du pecheur,  
 D'où vient que tu ne peux te semondre a douceur,  
 Si le sang respandu n'appaise ta cholere?  
 Est ce pour n'estre dit iustement sanguinaire,  
 Que sur ton filz pour tous tu dardes ta fureur?  
 Mais peut on te donner d'un Dieu iuste l'honneur,  
 Si du sang innocent tu te veux satisfaire?  
 O iustice, ô bonté, Que celuy là soit mort,  
 Pour peine du peché, a qui fut ifait le tort,  
 Hé qu'eust fait vne mer de mon sang detestable!  
 Mais, liberalite! Non content de mourir,  
 Tu fais, m'offrant ton sang, que ie puisse t'offrir  
 Le sang de mes pechés en hostie agreable.

Tobie tout rauy d'auoir en son vieil aage  
 Receu tant de faueurs de son hoste incongnu,  
 Quand son filz sain, & sauf, de si loing reuenu  
 Luy compte le succes d'un si doubteux voyage,  
 Pour ne sembler ingrat luy presente en partage  
 Tout ce qu'il ha de biens, Mais l'ayant recognu  
 Pour Ange, qui d'en-haut estoit a luy venu,  
 Il tombe de respect pasmé sur son visage:  
 Y a il parangon des biens que ie recoy  
 De la main de mon Dieu, en quel lieu que ie soy?  
 Si ie n'estois ingrat, n'auroit il ia mon ame?  
 Mais quand sa voix me dit, qu'il est ce mesme Dieu,  
 Qui pour s'offrir a moy descend iusqu'en ce lieu,  
 Puis-ie auoir ame, ou corps, qui ne s'exhale en flâme?

Le miracle premier qui fit reluire au monde  
 Du Messie venu l'obscur verité,  
 Fut celui, qu'il fit lors qu'aux nopces inuité  
 Pour l'honneur de l'espoux en vin il changea l'onde :  
 Le premier, qui preuua sa bassesse profonde  
 Tesmoignage certain de son humanité,  
 Fut lors que sur la Croix sortit de son costé  
 Ce grand torrent de sang qui noz ames inonde :  
 Mais quel miracle, ô Dieu, qu'il te faille epreuuer  
 De miracles plus grands pour mon ame sauuer !  
 Il faut, qu'en ton pur sang ce vin encor tu changes,  
 Il faut que de ta mort ce sang sorte viuant,  
 Que ia tout respandu il m'aille encor lauant,  
 Sur tout, que par ton sang tant de sang tu ne vanges.

Je marche en pelerin sur ceste terre basse,  
 Desireux d'abborder où desia Dieu m'attend,  
 Je le treuue en chemin, Mais le voile qu'il prend  
 Mempeche de le voir, soit quil parle, ou qu'il passe:  
 J'ay pour guide la foy, i'ay pour baston sa grace,  
 Ainsin a son parler mon ame, qui l'entend  
 Cognoit bien que c'est luy, qui pelerin se rend,  
 Pour me r'accourager quand le marcher me lasse :  
 Mais au froisser du pain bien mieux ie le cognoy,  
 Las, pourquoy non ausy au bruler, quand ie l'oy  
 Discourir sur l'ardeur de l'amour, qui l'enyure !  
 Mais puis qu'il me faut rendre en lieu tant esloigné,  
 Et que de son vray corps ie suis accompagné,  
 De quoy plus me peiner, sinon que de le suyure?

Il estoit bien seant que ce corps veritable,  
 Qui fut le vestement du grand Verbe incarné  
 Fust conceu d'un pur sang saintement faconné  
 D'une qui ne se vist d'aucun peché coupable :  
 Il estoit bien seant, qu'a ce saint corps mourable  
 Mort en fin pour ceux là pour lesquelz il fut né  
 Par un iuste, & saint homme un tombeau fust donné,  
 Neuf & net, qui ne fust qu'a la mort effroyable :  
 C'est aux diuins honneurs de ceste humanité,  
 Qu'appertient le respect de toute sainteté,  
 Si le sang, si la chair, si le tombeau l'aduouë,  
 Que sera ce de moy, miserable pecheur,  
 Qui l'ose receuoir sans epurer ce coeur,  
 Vieil sepulcre blanchy, plein de vers, et de bouë.

Qui ne s'eblouiroit opposant sa lumiere,  
 Sur le point du midy aux rays dun pur soleil ?  
 Mais que meriteroyt l'audace de cet œil  
 Sinon que ce iour là fust sa clarté derniere ?  
 Combien sont ceux plus sotz dont l'ignorance fiere  
 Pleine d'obscurités dignes de son orgueil,  
 Se porte a contester comme en combat pareil,  
 Contre ceste clarté qui crea la premiere ?  
 Et quoy ? ce grand soleil qui enflamme les cieux  
 Pourroit il tel quil est paroistre a voz beaux yeux  
 Sans esteindre ce peu, qui vous reste de venü ?  
 Scachez que bien qu'il soit du clair midy venu,  
 Si vient il de Pharan, pour se rendre incognu  
 A qui ne veut le voir au trauers de la nuë.

Si lar-

Si l'arche, qui ne fut qu'un symbole visible  
 De l'accord immortel, qu'il pleut a ce grand Dieu  
 De conclurre, & iurer avec le peuple Hebrien,  
 Fut bastie a dessein de bois incorruptible,  
 Mon ame, qui te veux rendre l'arche invisible,  
 Où ton Dieu pour loger daigne en corps prendre lieu,  
 Quel oser est le tien, si, las, au moindre feu,  
 Qui sorte de ma chair, tu te rends corruptible !  
 Philosophe, qui tiens, que la corruption  
 Comme mere produit la generation,  
 Croiras tu, qu'en la mort la vie ayt sa demeure ?  
 O Dieu pardonne moy, Tu peux bien faire tout,  
 Mais non pas demeurer dans vn si sale egout,  
 Si premier tu ne fais, que dans toy ie demeure !

Ce ne fut pas d'un mot, que ceste voix diuine  
 Qui du Rien dans vn Rien tout ce monde forma,  
 Pour chef-demure apres tout l'homme encor animé  
 Du souffle, qu'exhala le feu de sa poitrine :  
 Ce ne fut pas d'un mot, qu'apres tant de ruine,  
 Qui d'Adam fait pecheur les grandeurs abisma,  
 Il le remit sur pieds, & digne l'estima,  
 Qu'il eust pour dernier fin sa premiere origine :  
 L'un fut fait par conseil au preallable pris,  
 L'autre par tant de sang d'ineestimable pris,  
 Tant il fut malaisé de faire vn tel ouirage !  
 Mais, ô Dieu merueilleux, pour me deifier,  
 Tu ne veux qu'un souffrir, qui scache confier  
 Mon salut a ce sang, qui ia m'en sert de gaigne.

Les yeux, ô Dieu puissant, de toute ame viuante,  
 Ne visent qu'à tes mains pour auoir ton secours,  
 Scachantz que ta bonté leur prodigue tousiours  
 De quoy paistre leur faim, quand le temps s'en presète!  
 Les pouffins du courbeau, qui a gueule beante  
 Crient a ta mercy, lors qu'en leurs premiers iours  
 Ils sentent a leurs cris, & pere, & mere sourds,  
 Ne font ilz de cecy preuue plus qu'euidente?  
 Et toy, saint Daniel, en tes afflictions  
 Esclau de la fosse, & proye aux fiers lyons,  
 De qui, sinon de luy, attens tu nourriture?  
 O Dieu voy mon besoing, mes parentz m'ont quitté,  
 Et le monde, & la chair m'ont en captiuité,  
 Qui donc, si ce n'est toy, sera plus ma pasture?

Iuifz de la neuue toy, qui suiuez la figure,  
 Quittans a vostre escien la mesme verité,  
 Quel fruit esperez vous de ceste nouueauté? (Sûre?  
 L'ombre qui vous plait tant, qu'est ce autre, qu'impo-  
 Vous allez au banquet, Mais il n'est qu'en peinture,  
 Peut il de vostre faim souler l'auidité?  
 Quelz Mides estes vous, dont l'infidelité  
 Change tout, non en or, mais l'or mesme en ordure?  
 Ne ressemblez vous pas a ce chien ombrageux,  
 Qui donnant à ses dentz moins de foy, qu'à ses yeux,  
 Change la chair qu'il mord au Rien qu'il voit soubz  
 O pauures aueuglés, Si le vray corps de Dieu (l'onde:  
 N'est qu'ombrage a voz sens, quād plus, ou en quel lieu  
 Attendez-vous de voir la lumiere du monde?

Grande

Grande fut, ô Thomas, pour ne dire incroyable  
 Ton incredulité, qui te fit autrefois  
 Dans le flanc de ton Dieu oser mettre tes doigts  
 Pour sonder s'il estoit en ses ditz veritable:  
 Mais bien plus grande fut, & tant plus admirable  
 Ta foy, lors que l'oyant tu cognus a sa vois  
 Que c'estoit son vray corps. & dis que tu voyois  
 Ton Seigneur, & ton Dieu doublement adorable:  
 Vous, qui au Sacrement niez ce mesme corps  
 Quoy que vous ayent dict les Apostres des lors,  
 Oyez sa propre voix, de quoy plus faire doubte?  
 Acheuez d'imiter ce grand Saint, & croyez  
 Plus que n'auiez mescreu, Rendez vous, Aduonez  
 Que c'est luy, non luy seul, ains la Trinité toute.

O que d'estranges cas, que de merueilles grandes  
 Sainte Eglise de Dieu nous sont dittes de toy!  
 De toy, qui n'as qu'un Dieu pour espoux, & pour Roy,  
 Qui veut que de sa part a son Tout tu commandes!  
 Tu n'es qu'une, & si faut que tu sois en deux bandes,  
 Dont l'une soubz le ciel prend, & donne la loy,  
 L'autre sans loy, sans crainte, esperance, ny foy,  
 Ia iouit en son Dieu, de toutes ses demandes:  
 Ainsy, quoy que tu sois en deux lieux si distans,  
 Tu n'as qu'un mesme chef, de qui les Saints contans  
 Ont claire vision, nous la sombre presence:  
 Mais si le Roy masqué veut tant plus de respect,  
 Pourueu qu'a son parler on cognoisse qui c'est (rence!  
 Luy deurons nous moins qu'eux, d'amour, de reue-  
 Mon

Mon Dieu que tu es doux , a quiconque te gouste !  
 Que ton metz est exquis a l'ame du Chrestien ,  
 Qui pour te sauouuer d'un goust non terrien ,  
 S'esleue a discourir combien cher il te couste !  
 Là sans yeux elle voit, pourueu qu'elle t'escoute ,  
 L'obiet, qui doit vn iour estre son plus grand bien,  
 Puis que c'est ton vray corps , seul , & rare moyen  
 D'absouuir auant coup son esperance toute !  
 Angelique banquet , combien sont abrutis  
 De nos vieux degoutés les nouueaux appetits  
 Qui dedaignent ingratz , ta despence plus belle !  
 Tu leur offres le sang, ilz le prennent pour vin ,  
 Tu leur offres la chair, ilz la prennent pour pain,  
 Ilz y cherchent les os : Hé ce n'est que moüelle !

Bien est vray ce qu'on dit , L'esperance qui traine  
 Afflige extremement, soit qu'un trop long desir  
 Du bien tant attendu s'ennuye en son plaisir,  
 Soit de la peur qu'on ha, que l'attente en soit vaine :  
 Qui de nous peut scauoir, s'il est digne de hayne ,  
 ( De hayne, hélas, trestous ) mais qui peut sans rougir  
 De honte, & de frayeur si seurement mentir  
 Qu'il ayt de son salut assurance certaine ?  
 Et quand nous l'aurions tous , quoy plus facheux aussy  
 Que de languir hélas, si longuement icy,  
 Si loing, ô Dieu trop bon, de ta face attendue !  
 Mais de quoy m'attrister quand present ie te voy ,  
 Sinon de ne te voir ? Mais si ie te voyoy,  
 Où la foy, où l'esperoir pour meriter ta veue ?

Qui

Qui me deliurera de si cruelles chaines ,  
 Dont ce corps outrageux va mon ame pressant !  
 Mais quand viendra ce iour, qui me tient languissant  
 Pour a coup m'enleuer de tant , & tant de peines !  
 Tant d'attentes, ô Dieu , seront elles donc vaines !  
 Seray-ie à tout iamais ta face pourchassant !  
 Et en lieu d'estre au ciel d'un tel bien iouissant  
 Porteray-ie toujours mon enfer dans mes veines !  
 Ce pendant de pechés vne effroyable mer  
 Sur mon ame inondant vient ia pour l'abismer :  
 Quelle arche auray-ie, hélas, pour fidelle retraite !  
 Mais toy , Dieu, qui voulus , que le fleuve Iordain  
 Sentant l'arche approcher luy fist place soudain ,  
 Veux tu, si i'ay ton corps, que ceste mer m'arreste ?

De quelle ioye, ô Dieu, sens-ie mon ame emeuë  
 Quand ell'oyt que tu veux du ciel la venir voir !  
 Mais se recognoissant indigne de t'auoir  
 De quel regret, hélas, la sens ie-combatuë !  
 L'infinité d'un Dieu , qui en son estenduë  
 D'autre sinon de soy ne se peut receuoir ,  
 Qui n'ha où se tenir qu'en son mesme pouuoir ,  
 Pourra elle estre en moy prou dignement receuë !  
 Philosophe ayde moy, L'infini priuatif  
 Pourquoi ne tiendra il l'infiny positif ?  
 N'est ce de là, grād Dieu, qu'encor tu peux homme estre  
 En t'aneantissant : fay donc, ô maiesté ,  
 Si tu veux me remplir, que par l'humilité  
 Aneanty, ie soys capable d'un tel estre.

Chrestien, qui du seul nom en vain te glorifies,  
 Hà qu'a droit tu pourrois en paroistre orgueilleux!  
 Mais pourquoy n'es tu pas tout outre ambitieux,  
 Puisque Dieu mesme veut que tu te deifies!  
 Voy comme il te crea, Voy tes veines bouffies  
 De ce souffle diuin, t'aduouër sang des cieux!  
 Voy la mer rouge encor de ce sang precieux  
 Seul port de ton salut, si trop tu ne t'y fies!  
 Le Pere t'ayme tant, qu'il te donne son Filz,  
 Pour payer par sa mort de ta grace le pris,  
 Le Filz resuscité t'abreuue, & te reloue,  
 Quoy plus le Sainct esprit s'offre plus prompt tousiours  
 De te donner, que toy, de vouloir son secours,  
 Sainct orgueil souffres tu, que le peché m'escloue!

C'est ouurage de Dieu, autre ne le peut faire,  
 Tirer du mal le bien, pour grand que le mal soit,  
 Mais le Diable au rebours plus grand le bien il voit  
 Plus il en fait de mal, Tant il nous est contraire!  
 Quel bien! que Dieu pour nous ayt daigné satisfaire  
 A sa iuste fureur qui desia nous forcoyt!  
 Quel mal, que tant de sang, qui tant d'ames decoit  
 Les face contre Dieu plus hardiment forfaire!  
 Hà que tu dis bien vray, bon vielliard, qu'a plusieurs  
 Ce Sauueur seroit fait comble de tous malheurs!  
 Et signe au quel meschans ilz voudroient contredire!  
 De qui mieux que de vous, Huguenotz, eust il peu  
 Ainsy profetiser, qui de ce mesme Dieu  
 Osez, pour le nier, la parole desdire?

Mais

Mais quand ie viens amoy, quelle frayeur nouvelle  
 Se glisse dans mes os, & me glace le sang !  
 Hé ne suis- ie de ceux qu'on doit mettre en ce rang,  
 Qui font de leur salui vne mort eternelle !  
 De quoy me seruira ce grand nom de fidelle ,  
 Mais ce torrent, ô Dieu, qui sortit de ton flanc ,  
 Si tousiours mon peche noircit ce premier blanc  
 Qui mon ame l'onoroit quand tu la fis si belle !  
 Mais qui m'asseurera , que ce corps que ie voy ,  
 Qui deust nourrir mon ame, & guerdonner ma foy  
 Ne soyt de mon salut la totale ruïne ?  
 Si sur tel gage, hélas , mon salut n'est certain  
 Quand plus le fera il ? soy donc , celeste pain ,  
 Ruïne a mes pechés, mais a moy medicine !

Vous qui, du filz de Dieu voyans ce grand ouurage  
 N'estre qu'humilité, me cognoissez sa chair ,  
 Voyez plus il est bas, que tant plus haut, et clair  
 De sa diuinité tout luy rend temoignage :  
 Si vn ventre l'enclot, c'est d'une Vierge sage ,  
 Si la creche le tient, les Anges sont en l'air ,  
 Si l'estable est obscur, la nuit est toute eclair,  
 Si le beuf l'auilit, les Roys luy font homage :  
 S'il semble estre pecheur, quand le baptesme il prend ,  
 Oyez la voix du ciel qui sur son chef descend ,  
 Meurt il ? voyez le dueil de la terre, & du pole !  
 Mais quand au Sacrement il se raualle ainsy ,  
 Quoy de grand, dittes vous huguenotz, en cecy ?  
 Quoy ? qu'il veut estre creu a sa simple parole .

O penser

O penser tout diuin, Penser plein de mistere !  
 En la mort de celuy , qui pour me r'auier  
 Voulut a ses despens la mort mesme esclauer ,  
 Et vestir sur son dos tous mes pechés pour haire !  
 Si de ma propre mort le preuoir salutaire ,  
 Peut de mille malheurs mon ame preseruer ,  
 Combien plus iustement me deura donc sauuer  
 De la tienne , ô Sauueur, la memoire ordinaire !  
 Te voyant en la Croix traité comme pecheur ,  
 Pourray-ie encor , *belas* , d'vn hypocrite cœur  
 Contrefaire le iuste , ou en nourrir l'enuie ?  
 Mais quel moyen nouueau ! Pour grauer viuement  
 Dans mon ame ta mort , Tu viens au sacrement  
 La mettre auant mes yeux, t'y-donnant plein de vie !

Roy, digne destre Roy, puisque sages vous estes ,  
 Que vostre exemple m'est vne estrange leçon !  
 Qui venez voir mon Dieu de si digne façon  
 N'ayans beu de sa chair ny tesmoins, ny profetes !  
 Est ce vn bruit encor sourd des merueilles ia faites ,  
 Qui vous fait chercher Dieu au bers d'un enfanton ?  
 Mais pour quoy porter d'or, si de vostre rançon  
 Vous auez en son sang les assurances prestes ?  
 L'estoile ne vous peut enseigner , que le lieu ,  
 Luy, qui ne parle encor , se dit il estre Dieu ?  
 Quelle foy , quel amour , quel espoir vous emporte ?  
 Moy , qui vois non l'estoile , ains le mesme Soleil ,  
 Qui ay ce Dieu present a l'ouye , & a l'oeil,  
 Où est la myrthe , où l'or , où l'encens , que j'apporte !

Est ce vn Verbe muët , qui comme aux Roys me preche,  
 Qu'il est né , mais ia mort , mais reuiuant pour moy !  
 S'il est ainsin , hélas , a quoy tient il , a quoy  
 Que ie ne vole a luy , l'adorer en sa creche !  
 En ce rond si petit , où l'huguenot reuefche  
 Ne veut croire, orgueilleux, que loge vn si grand Roy !  
 Est ce donc vn deffant , ou d'amour , ou de foy ,  
 Ou d'esperance encor , qui mes aïles empeche ?  
 Puisque ton propre corps, ô Dieu, s'offre a mes yeux ,  
 Si pour t'offrir ie n'ay rien digne de tes yeux ,  
 Fay que mon coeur au moins vne larme t'enuoye !  
 Mais si par le peché ores a toy ie vien ,  
 Fay que tournant chez moy pour estre a iamais tien,  
 Je prenne desormais vne plus seure voye !

Ie ry , quand ie vous voy tant de larmes respandre  
 Pecheurs , si de voz biens vous perdez tant soit peu ,  
 Ie pleure , quand ie voy que perdans vostre Dieu ,  
 Vous ne laissez pourtant de rire a-gorge fendre :  
 Sainct Pierre donc pourquoy d vn œil , d vn cœur si tendre ,  
 Pleures tu si long temps vn honteux desaduen ?  
 Magdeleine, pourquoy treuuant vuide le lieu ,  
 Où ton Dieu mort fut mis, veux tu viue y descendre ?  
 Hà que plus iustement deuroys-ïe estre esperdu ,  
 Qui par tant de pechés l'ay tant de foys perdu !  
 Vierge , car tu le scais, dy moy Où il se treuve :  
 Si c'est au Temple saint, ou tant de vains Docteurs  
 Disputent contre luy , Arriere ameres pleurs ,  
 Je tiens le sacrement, où son corps m'en fait preuue .  
 Quels

*Quels propos d'amitié tendrement paternelle*

*Furent ceux, ô bon Dieu, dont tu nous consolas,  
Ains, que monter au ciel, quand ainsy tu parlas  
Au troupeau, ia de dueil, & d'amour my-rebelle:  
Si vous m'aimiez, dis tu, Vous qu'ore amis i'appelle,  
Vous vous reiouriez, que pour vostre soulas  
I'aille où mon pere veut, le monte, & viens a bas,  
Scachez que ie seray en mes propos fidelle.*

*Quel mot! Si vous m'aymiez, Hé qui ne t'aymeroit?  
Mais qui tant, que ce mot, ce, SI meriteroit!*

*Mais si quand tu t'en vas il faut t'aymer, & rire,  
Combien plus maintenant deurois-ie estre ioyeux,  
Mais combien plus t'aimer, puisque deuant mes yeux  
Sans fayre tort au ciel, tu viens present te dire!*

*Que tu as bien rayson, Centenier admirable,  
Admirable vray'ment, puis que Dieu t'admira,  
De croire, que d'un mot sa langue guerira  
De ton serf alitté la langueur incurable!*

*Si tes soldatz oyans ta voix moins redoubtable  
Combatent a qui mieux ta volonté fera,  
Quelle sieure tant fiere a Dieu contredira?  
Nest ce luy, qui la fait mortelle, ou gueriffable?*

*Mais si tu meritas par ta foy tant d'honneur,  
L'ay-ie moindre que toy, Moy, qui plus grand pecheur  
Priant ce mesme Dieu luy parle en ceste sorte:*

*Ie scay que le peché, ô Dieu, n'est point des tiens,  
Il t'obeit pourtant, Dyle mot, Non, mais viens,  
Où le mot peut seruir, la presence est plus forte.*

*Les Cherubins placés sur l'arche d'alliance*

*Estoient s'entr'oelladans tant attentiuement ,  
 Qu'ilz monstroyent d'estre pleins d'un saint estonne-  
 Qu'en vn lieu si petit Dieu fist sa demeure ance ! (mēt,  
 Esprouz qui possedez l'entiere iouissance  
 Du Verbe, & de la chair qui vit au Sacrement,  
 Admirez beaucoup plus , qu'en vn mesme moment  
 Vous là haut, nous cà bas adorions sa presence !  
 Mais faittes sil vous plait , qu'a vostre exemple aussy  
 Nostre admirer soit saint , non tel que de ceux-cy  
 Qui nient, gens sans foy, tout ce qui les estonne :  
 C'est ainsy que l'enfant qui se voit au miroir  
 Ne pouuant discourir comme il puisse se voir ,  
 Se cherchant hors de là , le vuide en vain tatonne.*

*S'il te plait, ô Seigneur, ta volonté seulette*

*Me peut bien nettoyer pour ladre que ie soy ,  
 Ie scay que tu le veux, mais, las, quand ie me voy,  
 Si i'ose te prier, mon troposer m'arreste :  
 Telle fut, ô bon Dieu, la toute-humble requeste  
 De ce pauvre lepreux , qui panché deuant toy  
 Merita d'obtenir pour guerdon de sa foy ,  
 Que ta main le touchant fist sa chair toute nette !  
 Sa foy voulut auoir ta seule volonté ,  
 Tu voulus que ta main luy donnast la santé ,  
 Quoy plus ? ta langue encor, & d'un seul mot l'epure !  
 Comment donc desormais cherrois-ie en desespoir,  
 Pour pecheur que ie sois ? puis que ton saint vouloir,  
 Ta voix, tes mains, quoy plus ? to corps étier m'asseure.*

*Qui*

Qui suis-je, ô Seigneur Dieu, mais qui fus ie auant qu'estre  
 En l'abisme infini de ton eternité,  
 Pour qui tu deusses ia se mondre ta bonté  
 D'apprester les tresors d'un si digne, & grand Estre !  
 O amour ! ô amour ! Un tel Dieu se soubmetre  
 A patir, a mourir pour ma meschanceté,  
 Et par sa mort m'ayant de la mort rachepté  
 Se donner vif en pain, pour de sa chair me paistre !  
 Me faysant tant de biens ne veux tu rien de moy ?  
 Et que puis-je t'offrir si ie ne l'ay de toy ?  
 Que veux tu d'ocmō cœur, Riē plus ? qu'encor il t'ayme :  
 Las, quant au cœur ie l'ay : mais si froid, qu'il n'est point  
 Capable d'un tel feu, si tu ne fais que ioint  
 Au tien, ton sang bouillant l'echauffe tout-de-mesme .

J'ay vescu iusqu'icy plein d'une outrecuidance  
 Sotte, mais propre a ceux, qui viuent comme moy,  
 Sans creinte d'offencer ce bon Dieu, que ie voy  
 Reuestu de ma chair, honorer ma semblance :  
 Pourroit il aduenir, disoit mon impudence,  
 Que mon frere, ains ma chair ne m'ayme autant que  
 Luy, qui de mon salut pour loyer de ma foy (foy,  
 M'a voulu par sa mort donner toute assurance !  
 Mais las, quoy que bien tard, Pardon ô Dieu viuant,  
 Je voy combien alors ie m'alloy deceuant,  
 Puis qu'un iour en ta chair tu iugeras la mienne !  
 Mais si nul de sa chair ne scait estre ennemy,  
 Ne doy ie estre assure de t'auoir pour amy  
 Quād medonāt ton corps tu prēs ma chair pour tienne.

*Je scay bien Seigneur Dieu, que ie suis trop indigne  
 S'il faut de ta bonté discourir par raison,  
 Que tu daignes venir iusques en ma maison  
 Pour m'accabler honteux de faueur tant insigne :  
 Bien que mon cœur de ioye, & de desir trepigne  
 De t'en faire a ce coup importune oraison,  
 Si est ce te voyant, que par comparaison  
 Plus humble tu te rens, moins ie m'en treuue digne :  
 Pauvre maison, qui n'as ny muraille, ny toit,  
 Où le logeras tu, puis qu'il veul qu'ainsy soit !  
 Contente toy mon Dieu, La base y reste entiere :  
 Basty sur ceste Foy, l'Espoir, la Charité,  
 Ta mort soyt l'instrument, la bourse ton costé,  
 Le ciment ton pur sang, Ton corps vif, la matiere .*



MEDI-



# MEDITATIONS

## PREPARATOIRES

a la Sainte Communion.



*L'ayde, mon Sauueur, mon ame toute pâle  
S'approchât du bāquet qui la deusse nourrir,  
Meurt ia d'un iuste effroy qu'elle prend de  
mourir,*

*N' aiant pour t'aggreer sa robe nuptiale:  
Plus tu luy vas offrant de ta main liberale  
Tant de biens, qui la font a ta grace courir,  
Plus elle craint de tost les peines encourir  
Que merite l'orgueil d'une tant desloyale:  
Oses-tu, impudente, entrer en si saint lieu,  
Digne, où les Anges soiñt, quoy qu'indignes de Dieu,  
Toy, qui n'es que peché, que puanteur, qu'ordure!  
Mais quelle robe encor pourrois ie desirer?  
Puis qu'il te plait, ô Dieu, de celle m'honorer,  
Qu'en tes nopces tu pris, effousant ma nature!*

Que doy ie faire, ô Dieu ! donne moy la science  
 Que de ces deux partis, dont tu m'offres le choix,  
 Je preenne le meilleur, Et fay que tes saints doits  
 Me monſtrants quel il eſt guident mon ignorance :  
 La creinte d'une part, de l'autre l'eſperance,  
 Me vont tyranniſant par leurs contraires loix,  
 Et s'armants toutes deux du credit de ta voix  
 Me-font l'une trembler, l'autre prendre aſſurance.  
 Tu m'ordonnes, ô Dieu, que j'oſe m'approcher  
 De ce divin banquet pour viure de ta chair,  
 Si ueux-tu ſur mon front uoir la peur meſme empreinte:  
 Irai-ie ? m'enfuirai-ie ? Hâ j'oy la verité,  
 Qui dit, que craindre Dieu ceſt aymer ſa bonté,  
 J'y vay donc par amour, ſans plus fuyr de creinte.

Parleray-ie a mon Dieu, moy, qui ne ſuis que cendre !  
 Oſerai-ie du ciel les voûtes œillader,  
 Moy, qui ne ſuis que terre, & qui ne ſcay darder  
 Mes yeux que contre bas, pour aux enfers deſcendre ?  
 S'il ne te plait, ô Dieu, quand ie me t'ay m'entendre,  
 Mais venir iuſqu'a moy ſans plus guieres tarder,  
 Quell'eſchelle pourroit mes aiſles ſeconder  
 Afin que iuſqu'a toy ie puiſſe un iour me rendre ?  
 Hâ, ie ſuis exaucé, Tu deſcens, ie te voy,  
 Non point pour me parler, mais pour m'vnir à toy,  
 S'i'oſe m'approcher, ſi ie ne meurs de honte !  
 Mais que me ſeruiroit de te uoir deſcendu,  
 Pour ma nature vnir t'eſtant homme rendu,  
 Si ma perſonne a toy par toy meſme ne monte ?

Qu'eſt

Qu'est-ce de l'homme, ô Dieu, qu'il puisse mériter,  
 Que d'un si bas objet encor tu te souviennes,  
 Mais que t'en souvenant sa nature tu prennes,  
 Pour venir de là haut en chair le visiter !  
 N'estoit ce assez, bon Dieu, pour ta course arrêter,  
 D'auoir iadis moulé ses beautés sur les tiennes,  
 Beautés, que l'Ange auroit presq; aduoüé pour siennes,  
 Si cet ingrat eust sceu du Trop se contenter !  
 Du moins s'il estoit tel, que quand tes mains le firent !  
 Mais, las, dès qu'il pécha tes graces s'enfuyrent,  
 Dès lors qu'ha il pourquoy sa chair te plaise tant ?  
 De Rien tu le fis Roy de ceste basse sphere :  
 De Roy il tourne en Rien : Que restoit il ? de faire  
 D'un grād Rien un grand Dieu pour te rendre content !



CON-

CONTRE  
LES SACRAMENTAIRES  
DE CE TEMPS.



**B** Enir le Seigneur Dieu, & nier sa Puissance,  
Toujours PERE ÉTERNEL, & i jamais  
IESV-CHRIST,  
Iurer, pour mieux mentir, d'auoir le SAINCT  
ESPRIT,

Feindre l'humble-scauant, & bouffir d'Ignorance,  
Changer l'Amour en Foy, l'Espoir en Impudence,  
A peine scauoir lire, & brauer de l'Escrit,  
Ne vouloir point d'Autels, non plus que l'Antichrist,  
Viure mal, pour bannir des Oeuures l'arrogance,  
Ne croire, qu'à Calvin pour se Predestiner,  
Vouloir Beze pour Pape, & Rome abominer,  
Reieter, comme Abus, les plus deuots Mistères,  
Bannir, ô Dieu, ton Corps de ces terrestres lieux,  
Te donner pour prison, non pour Thrône les cieux,  
Ce sont les hauts Secrets de noz Sacramentaires.

# CENTVRIE TROISIEME

*Sur les deux premieres Parties des admirables misteres du Sainct ROSAIRE.*

SUR LE PREMIER  
MISTERE IOYEVX

DE L'INCARNATION

SONET I.



*DES enfers affamés les gouffres pleins de rage  
N'auoient encor saoulé leurs anides gousters,  
Tant de siecles passés, Tant de mille milliers  
D'hommes ia deuorés leur enflouët le courage,*

*Quand Dieu prenant horreur d'un si cruel carnage,  
Ce iour vint, qui fut le premier des derniers,  
Resolut de venger sur ces traistres meurtriers  
L'insolente fureur d'un si sanglant outrage :*

*Ne pouuois tu, grand Dieu, s'il t'eust pleu d'un clin d'œil  
Sans foudre, ou d'un seul mot foudroyer leur orgueil ?  
Mais tu veux te rendre homme, Et pourqui ? Pour des  
Quels hommes ? Ennemis de ta diuinité, (hommes :  
Dignes de mille enfers a toute eternité !*

*Que ne peut faire Amour, O ingrats, que nous sommes !*

le

Je comprends aisement, quoy qu'*Aristote* nie,  
 Que ce *Tout* fut d'un *Rien* autrefois maconné,  
 Du limon filz du *Rien* un *Adam* faconné,  
 De la coste d'*Adam* vne femme bastie :  
 Mais ie ne compren point, quoy qu'un *Ange* me die,  
 Comment puisse estre fait, qu'un *Dieu* soit incarné,  
 Qu'il soit sans pere encor d'une pucelle né,  
 Que pour en fin mourir il veuille auoir la vie :  
*Ange*, qui viens du ciel annoncer ceste foy,  
 Si tes instructions le souffrent, monstre moy  
 Comment se faißt cecy, a fin que ie t'admire :  
 Hà tu t'y treuues court, ie n'en doubte donc plus,  
 Ton silence m'instruit, Car c'est a *Dieu* sans plus  
 Le faire, A moy le croire, A toy n'en plus rien dire.

D'un *Dieu* desia conceu dans les flancs d'une *Dame*  
 Ie ne puis en apres la naissance admirer,  
 D'un homme né mortel pour sans cesse endurer  
 L'admire encore moins vne mort tant infame :  
 Qu'un *Dieu* fait homme, et mort, soit gisant sous la lame  
 Ne m'estonne point tant, qu'il m'emeut a pleurer,  
 Qu'il soit resuscité pour du ciel s'emparer,  
 Console beaucoup plus qu'il n'estonne mon ame :  
 Puis qu'il estoit conceu, il falloit qu'il nasquit,  
 Puis qu'il estoit vray *Dieu*, il fallloit qu'il vainquist,  
 Et qu'il mourust aussy, puis qu'il auoit a viure :  
 Qu'aura donc d'admirable, un tel homme, un tel *Dieu* ?  
 Qu'au ventre virginal il deigne estre conceu,  
 Pour naistre, pour souffrir, pour mourir, pour reuiure.  
 O bon

O bon Dieu qu'est cecy ? Quand tes iustes choleres  
 Menacent nostre orgueil d'un digne chastiment,  
 Tu ne pars point du ciel, Un regard seulement,  
 Ysu de tes dedains nous emporte aux miseres:  
 Mais quand en noz malheurs tes faueurs singulieres  
 Nous veullent bien-heurer de quelque allegement,  
 Bien qu'il nous suffiroit d'un seul commandement,  
 En personne tu viens accomplir tes misteres:  
 Ainsy vins-tu iadis au buisson tout ardent,  
 Ainsin ores tu viens, quand homme te rendant  
 Tu fais grossir les flancs d'une pucelle sainte:  
 Pour nous bien faire donc, as tu moins de pouuoir,  
 Que pour nous mal traiter ? Non, c'est pour faire voir  
 Que tu as plus d'amour, que nous n'auons de creinte.

## 5

Hé que ne puis-ie voir de cet Ange la face !  
 Hé que ne puis-ie ouyr ses doux, & saints propos,  
 Quand de la part du ciel, comme ayant chair, & os,  
 De la Vierge il poursuit, & merite la grace !  
 Hé que ne puis-ie voir ceste tant humble audace,  
 Qui la fait contester, & si bien a propos !  
 Hé que ne puis-ie ouyr tant, & tant de beaux mots  
 Faits par l'humilité de si grande efficace !  
 Quels saluts, quels regards, quels furent les discours  
 De si rares beautés, de si dignes amours !  
 Quel mariage en fin ? Du ciel avec la terre :  
 Mais s'il faut souhaiter, Hé que ne voy ie encor  
 Ce Dieu, qui en nasquit ! Puis que c'est le tresor  
 Où la terre, où le ciel tous les autres enferre !

Qu'il

Qu'il soit fait , disoit Dieu , quand il crea le monde ,  
 Il fut dit , Il fut fait , Le monde fut formé ,  
 L'homme ne fut si tost fait de terre animé ,  
 Il faut que par conseil la main de Dieu le fonde :  
 Mais quand Dieu treuva bon , qu'une forme seconde  
 Fist que l'homme second fust en mieux reformé ,  
 Il aduint autrement , Vn seul mot exprimé  
 Le forme dans les flancs d'une Vierge seconde :  
 Et quel mot ? Qu'il soit fait , Mais par qui prononcé ?  
 Par la Vierge . Et comment ? D'un cœur humble , &  
 Pour ne desobeir , d'en faire l'ordonnance : (forcé  
 O Dieu , Qu'elle t'ayt fait homme plus promptement ,  
 Que tu ne fis Adam ! Dison donc hardiment ,  
 L'humilité fait plus que la toute-puissance !

## 7

Mais quelle humilité fut la tienne , ô Marie ,  
 D'oser en fin vouloir estre mere de Dieu ?  
 Quel orgueil plus hautain pourroit en plus haut lieu  
 Porter de ses desirs l'insatiable enuie ?  
 O mistere trop haut pour ma philosophie !  
 De ta virginité l'inviolable veu  
 Te fait apprehender , s'il faut luy dire adieu ,  
 Pour grand que soit le bien où ton Dieu te conuie :  
 Hé ne scauois tu pas , que sans crime l'on peut  
 Quitter ses veux pour Dieu , quand Dieu mesme le veut ?  
 Mais ta Virginité demeure incorruptible !  
 En quoy donc humble ? En quoy ? C'est , que scachât cōbien  
 Peu digne tu te sens d'un si grand , & grand bien ,  
 Tu fais en le croyant , l'incroyable possible .

Ange,

*Ange, de qui le nom entre tous venerable,*  
*De la force de Dieu te fit ambassadeur,*  
*Pour annoncer cà bas a la Vierge l'honneur*  
*De la nouvelle a tous sur toutes desirable,*  
*Dy moy, si tu le scais, combien fut admirable*  
*Ce conseil tenu lors, quand d'une mesme ardeur*  
*Les trois n'estants qu'un Dieu, conclurent la grandeur*  
*De l'homme ia preueu mort, & vis miserable:*  
*Hà non, Tu n'y fus pas, Car dez l'eternité*  
*Ia l'Eternel auoit ce miracle arresté*  
*D'eleuer puisamment l'homme au parsus des Anges:*  
*Mais puis qu'or tu le vois sans en estre ialous,*  
*Dy moy, Ne fut ce Amour, qui lors plaida pour nous?*  
*O puissance, O Amour, A qui plus de louanges!*

## 9

*Estant mere de Dieu son esclave se dire,*  
*Est ce auoir plus de foy, ou plus d'humilite?*  
*Si c'est auoir les deux en souueraineté*  
*Fay Dieu, qu'egalement l'une, & l'autre i'admire:*  
*O Vierge quelle foy! Croire, qu'un Dieu respire*  
*Conceu du trespur sang de ta virginite!*  
*Combien humble ce cœur, qui d'un Dieu merité*  
*Ne peut s'enorgueillir, bien que d'aise il sousspire!*  
*Sousspirs d'amour, de foy, qu'est ce que vous voulez?*  
*Si c'est contre le ciel, que si drus vous volez,*  
*Pourquoy partir du lieu, d'ou le ciel vous fait naistre?*  
*Si vous n'allez qu'a Dieu, reuenez hardiment,*  
*R'entrez dans ce palais, où est le firmament,*  
*Où est le paradis, où Dieu mesme veut estre.*

Je ne

Je ne m'ebay point, qu'un des premiers Archanges  
 Vienne du plus haut ciel la Vierge saluer,  
 Je ne m'ebay point que pour s'injurer  
 Il trame vn beau discours du fil de ses louanges :  
 Mais ie m'estonne bien, ô Vierge, que tu changes  
 De maintien, de couleur, t'oyant ainsi louer,  
 Est ce vn esprit suspect appris d'amadouër,  
 Et de qui les faueurs te doiuent estre estranges ?  
 Ta honte se dement, quand il dit, que tu es  
 Toute pleine de grace : Hé comment donc appres  
 Croirois tu que dans toy ton Dieu vinst prendre place ?  
 Si de la part de Dieu il te parle, & pour luy,  
 De quoy rougis tu plus ? Laisse rougir celuy  
 Qui n'ha pour te louer tant qu'il vouldroit de grace.





SVR LE SECOND  
MISTERE IOYEVX

DE LA VISITATION.



SONET I.



*E fut au point du iour, que l'aurore celeste,  
Se leua pour porter quant, & soy le Soleil  
A Sainte Elisabeth, son soing fut nompareil,  
Son pas prompt, & leger, Son equippage leste:*

*Mais, ô Vierge, pourquoy grimpes tu iusqu'au feste  
D'un mont si raboteux? Est ce a fin que ton œil  
Se plaise d'auoir part en l'humble, & saint orgueil  
De celle; a qui ton fils vn si grand fils appreste?  
Ton veu fut tout d'amour, d'honneur, d'humilité,  
Procession premiere, où mon Dieu fut porté:  
O sainte Humilité combien donc es tu forte!  
Celle que ia le ciel, auoit pour Reyne eleu,  
Porte les maiestés d'une Reyne, & d'un Dieu,  
Mais c'est l'Humilité, qui l'une, & l'autre porte.*

H

Heu-

*Heureuse Elisabeth, cent, & cent fois heureuse ,  
 Si femme onc merita de ce tiltre l'honneur ,  
 Que tu as bien raison d'admirer vn tel heur  
 De voir entrer chez toy la Vierge glorieuse !  
 D'vn Ange ce n'est pas la voix, ou forme affreuse  
 Qui de la part du ciel te vienne ambassadeur ,  
 C'est la Royne des cieux , a qui pour sa grandeur  
 Les Anges font la court, Tant elle est gracieuse :  
 Encor seroit ce moins si seule elle venoit  
 Suyuie d'vn tel train, Mais Dieu s'y recognoit  
 Bien qu'il vienne a couuert, de tant plus admirable :  
 Vierge pardonne moy , Quand l'Ange vint te voir ,  
 Tu n'eus point tant d'honneur, Eusses tu peu l'auoir,  
 Si femme oncques ne fut , ny Ange a toy semblable ?*

*De cent mille beautés qui te font, Vierge, aymable ,  
 L'honneur premier est deu a ta Virginité ,  
 Ce n'est elle pourtant , qui plus a merité  
 De te rendre de Dieu mere tant admirable :  
 Qu'as tu peu donc auoir plus grand, plus agreable ,  
 Plus digne d'vn tel Dieu? La seule Humilité,  
 Qui fait qu'entre ses mains ta libre volonté  
 Resigne ce qu'ell'ha de plus recommandable:  
 Mais puis que ia tu as tel pris de ta vertu,  
 Pourquoi d'Elisabeth encor te peines tu?  
 Peux tu la visitant plus humble encor paroistre ?  
 Ou ne le faisant pas perdre l'honneur receu ?  
 Non , Mais parce que c'est estre mere de Dieu ,  
 Faire ce, qu'on feroit pour meriter de l'estre.*

O combien sont beureux tes amis, sainte Dame!  
 Combien te sont amis tes humbles seruiteurs!  
 Qu'est ce que tu ne fais pour combler de faueurs  
 Quiconque en son besoin ta charité reclame!  
 Quelle fut ceste ardeur, combien viue la flamme  
 Qui te fit autrefois oubliant tes grandeurs,  
 A Sainte Elizabeth faire si grands honneurs,  
 Et ia mere d'un Dieu, prendre soing d'une femme?  
 Si sans necessité tu luy fis tant de bien,  
 Quand moins ell'y pensoit, Ah combien plus, combien  
 De grace feras tu a l'ame penitente,  
 Qui, chetive, se porte a tes pieds en esprit,  
 Pour meriter par toy l'amour de IESVS CHRIST!  
 Croiray ie, que mes pleurs te rendent moins ardente?

Où est ce que tu nas d'un si masle courage,  
 Sainte Vierge, di moy, où est ce que tu cours?  
 Pour voir Elisabeth, faut il que tant de iours  
 Chargent ton corps douillet d'un si peneux voyage?  
 Si c'est pour honorer ce diuin personnage,  
 Qu'elle porte en ses flancz, N'est ce tout au rebours  
 Des reigles du deuoir? puis que ses hauts discours  
 A ton filz, son vray Dieu, feront vn iour homage?  
 Si c'est pour admirer que-la sterilité  
 Soit faite en fin feconde, H à ta Virginité  
 Te fournit vn subiet beaucoup plus admirable!  
 Mais va, puis qu'il te plait, Hé leur doy-ie enuier  
 L'honneur que tu leur fais, si i'ay a les prier  
 Qu'enuers ton filz, & toy ils me soy'nt fauorables?

O foy que ne fais tu ! Combien es-tu puissante ,  
 Si tu fais, que pour croire a l' Ange de mon Dieu  
 Dieu mesme en vn instant se treuve estre conceu  
 Dans le ventre fecond d'vne Vierge innocente !  
 Ce fut Elisabeth ta harangue eloquente,  
 Quand par la mere ayant chez toy le filz receu ,  
 Tu la dis bien heureuse , en ce qu'elle auoit creu  
 Ce dont la preuue encor n'estoit lors apparante :  
 Mais qui te l'auoit dit ? Et si tu le croyois  
 Sans mesme auoir ouy de cet Ange la vois ,  
 Ta foy fut elle moins que la sienne admirable ?  
 Ouy vrayment, Car tu crois la mesme verité ,  
 Elle ce qui n'est pas, & qui n'eust onc esté  
 Si sa foy n'eust rendu Dieu mesme veritable ,

Enfant sanctifié dans les flancs de ta mere ,  
 Qui seras quelque iour des plus grands le plus grand ,  
 Plus que Prophete encor de ton Dieu, qui se rend  
 Plus ieune que tu n'es , pour se rendre ton frere ,  
 D'ou vient que ne pouuant cognoistre encor ton pere ,  
 Tu cognois ia ce Dieu, qui te doit faire grand ?  
 Est ce l'ambition, de qui ton ame apprend  
 D'un Dieu homme incarné l'humble , & tant haut  
 Sacree ambition, qui brules de desir (misteres ?  
 De voir l'homme , qui est des Anges le plaisir ,  
 O vray Ange de Dieu , qu'un ventre tel enferme !  
 Saintes mains, Saints genouils, Sainte adoration !  
 Combien deust estre en moy grande l'affection  
 De voir au ciel celuy, qui vient voir l'homme en terre !

Que

Que ta grandeur, ô Dieu est incomprehensible !  
 Tes titres incognus, Tes mysteres secrets !  
 Plus l'homme curieux te recherche de pres,  
 Plus de te decouvrir il treuve estre impossible :  
 Tout ce que des humains l'ignorance penible,  
 Pour grands doctes qu'ils soy'nt, peut dire que tu es,  
 Tu n'es rien de celà, Et plus clairs sont les rais  
 Qui partent de ton œil, plus tu es inuisible :  
 L'art dont de te scauoir, c'est ne te scauoir pas,  
 L'art de te bien louer, c'est ne te parler pas,  
 Tesmoin ce saint enfant, l'un de tes plus chers Anges :  
 O cas trop merueilleux ! Celuy qui n'est que voix,  
 Ains qu'il puisse parler de la langue, ou des doigts,  
 Offre au Verbe muët d'indicibles louanges !

## 9

Miracles infinis, dont ta seule presence,  
 O Vierge, emplit deia ceste heureuse maison,  
 Où tu daignes entrer : Hé n'est ce la raison,  
 Que portant Dieu dans toy, tu portes sa puissance ?  
 Icy le Saint Esprit orne de bienséance  
 De Sainte Elisabeth la toute-humble oraison,  
 Icy du saint enfant, qui saute en sa prison,  
 Il fait voir le respect plein de reionissance :  
 Et la mere, & le filz profetisent tous deux,  
 De la Vierge, & du fruit, qui naistra des ses yeux :  
 Vierge, vië donc ches moy, Vien ches moy qui t'honore,  
 Puis qu'avec toy tousiours, & dans toy ton filz est,  
 Y pourrois tu venir, que mon Dieu, mon souhait,  
 Pour sa mere honorer n'y vinst luy mesme encore ?

Je ne puis endurer l'impudence heretique  
 De noz sots reformés, qui faignants de vouloir  
 Honorer vn seul Dieu, enragent de nous voir,  
 Sainte Vierge, t'offrir le salut Angelique :  
 Ignorants dittes moy, qu'est ce qui tant vous picque,  
 Si Dieu l'a tant chery, que nostre humble deuoir  
 Luy doit nostre Dieu mesme, Hé pourrions nous auoir  
 Pour louer sa grandeur, titre assez magnifique?  
 Permettez pour le moins, qu'en tout tems, en tout lieu,  
 Je puisse l'appeller la mere de mon Dieu,  
 Ainsin Elisabeth, Ainsin l'Ange la nomme :  
 Si ce titre d'honneur vous semble si petit,  
 Qu'il ne soit le plus haut, Hâ qu'a vostre appetit  
 Estre Dieu n'est pas dôc, gueres plus, que destre homme !



## SVR LE TROISIEME

MISTERE IOYEVX

DE LA NATIVITE.



## SONET I.

**M**ondains, qui souspirez soubz les croix de fortune,  
 Pour peu que vostre chair ayt d'incōmodité,  
 Et malgré l'esperon de la nécessité  
 Refuyez de courir en la lice commune,  
 Venez avecque moy en pleine nuit voir vne,  
 Qui ia Reine du ciel, pompeuse en maiesté,  
 Ne laisse de sentir, combien la pauureté  
 Aux grāds plus, qu'aux petits tousiours est importune:  
 Vous verrez, ô douleur ! la mere de mon Dieu  
 Souffrir tous les trauaux, dont le temps, & le lieu  
 Peuvent incommoder vn saint pelerinage :  
 Peut estre la voyans direz-vous avec moy,  
 Puisque tu souffres tant, sainte Vierge, pourquoy  
 Si ie suis de ta court, n'ay ie part au voyage ?

H 4

O nuit,

O nuit, heureuse nuit, plus blanche que l'aurore,  
 Plus belle que le iour par son astre éclairé,  
 Qui pour nous faire voir ce Christ tant désiré  
 Ouvres en mesme temps le ciel, la terre encore,  
 Chasse loin de mon coeur ce froid, qui le deuore,  
 Et ces obscurs brouillas dont il est entouré,  
 A fin qu'a ceste fois par tes feus epuré,  
 Il coure voir son Dieu, & le voyant l'adore:  
 Ia des Anges i'entens les languages nouveaux,  
 Qui m'enseignent le beuf, & l'asne, & les drapeaux,  
 O quelle humilité, quel amour, quelle grace!  
 Mais que me vaut, bon Dieu, de te voir tel obiet,  
 Si ton oeil ne me rend plus capable subiet  
 Pour qui ta chair cà bas ayt daigné prendre place!

Vous auez bien raison grands, & glorieux Anges,  
 D'abandonner le ciel, & venir iusqu'à nous,  
 Pour precher l'enfant né, le Monarque de tous,  
 Si d'un subiet tant haut dignes sont voz louanges:  
 Mais en nous l'annoncant, combien de cas estranges  
 Au ciel mesme inouys en terre voyez vous?  
 Dittes, voyans l'enfant, l'accouchee, & l'espous,  
 Quand vistes vous iamais de si rares meslanges?  
 Mais croiray ie aysément, Anges, que vous chantiez,  
 Quand le Verbe Eternel or muët vous voyez?  
 Hé n'estes vous muëts au voir de ces merueilles!  
 Mais chantez bienheureux, Et puis qu'il est muët, (c'est,  
 Tesmoignez par voz chants, quel Dieu, quel homme  
 Homme qu'à nos yeux, plus qu'Ange a nos oreilles!

Il estoit autrefois malaisé de comprendre,  
 En quoy l'homme pouuoit estre image de Dieu,  
 Tant ilz sont estoignés de nature, & de lieu,  
 Et n'y a parangon, d'ou qu'on veuille le prendre:  
 Le doubte ore est leué, puis que Dieu veut descendre,  
 Et s'abaisser de tant, que sans aultre milieu  
 Dans le ventre sacré il daigne estre conceu,  
 Et demeurant vray Dieu, homme encore se rendre:  
 Quelle metamorphose! Autrefois l'homme estoit  
 Image de son Dieu, Ore au rebours l'on voit  
 Dieu fait semblable a l'homme, & d'ame, & de visage:  
 Mais si des vifs, des morts il est le premier né,  
 Comme en l'esprit diuin dez tout temps incarné,  
 Pourquoi ne croyrons nous, qu'Adam fust son image?

## 5

Vn aultre admirera la grandeur souueraine  
 De ce Dieu, qu'on ne peut admirer dignement:  
 Je cherche quant a moy, vn plus haut argument  
 Pour porter iusqu au ciel, & ma voix, & ma peine:  
 J'admire cent fois plus sa petiteſſe humaine,  
 Quand, ô Vierge, ie voy ton pauvre enfantement,  
 Le beuf, l'asne, & la creche, & si quelque ornement  
 Plus vil peut honorer la couche de ma Reyne:  
 O Dieu grand, & trop grand, quand tu veux estre tel!  
 Trop bas, trop raccourcy, quand tu te rends mortel!  
 Mais quand es tu plus grand, que quand moins tu le  
 Que sera ce, ô grand Dieu, lors qu'en ta maiesté, (sembles?  
 Tu viendras me iuger, si ton humilité  
 Ia ia me fait trembler, quand ie voy que tu trembles!  
 Que

Que

Que Dieu est merueilleux, de quel endroit qu'il sorte !  
 Soit que, Verbe Eternel, par le Pere enfanté  
 Au Pere il soit egal en toute eternité,  
 Soit que venant du ciel iusqu'à nous il se porte :  
 S'il n'est plus merueilleux, ne l'est il d'autre sorte,  
 Lors qu'ayant par neuf mois dans vn ventre habité,  
 Sans forcer les honneurs de la Virginité,  
 Il commande en sortant, qu'ilz deffendent la porte ?  
 Si ie fus autrefois de l'entrer tout rauy.  
 Combien plus du sortir dont ie le voy suiuy !  
 Il entra simple Dieu, il sort homme en substance :  
 La seule Humilité le fit entrer alors,  
 C'est par son Tout pouuoir qu'ores il vient dehors,  
 Pour estre homme de plus, ha-il plus de puissance ?

Quels signes sont ceux cy, que ton Ange me baille,  
 Pour m'instruire, ô grand Dieu, où pouuoir t'adorer ?  
 En la creche, où l'enfant maillotté i'oy pleurer,  
 Entre l'asne, & le beuf, il m'ordonne que i'aille :  
 Cherche-ie vn enfanon a qui le cœur defaille ?  
 Qui n'ayt point d'autre court pour se faire honorer ?  
 Je cherche mon Sauueur, qui pour me deliurer,  
 D'Angez accompagné, puisse vaincre en bataille :  
 Misteres pleins d'effroy, pour n'estre que trop dous !  
 Quel peuple iamais eut tel Dieu, tel Roy que nous !  
 Enfant, qui, dez tout tems tousiours vn, ne te changes,  
 Si ta creche est le Ciel, le Monde tes drapeaux,  
 Les pecheurs Penitens si pauures animaux, (Ange !  
 Quel homme ? quel palais ? quels tresors, & quels  
 L'Astro-

**L' Astrologue a menty, qui des moindres lumieres**  
 Ne souffre estre produits les plus dignes flambeaux,  
 Si Nature est pour luy, les miracles nouveaux,  
 Qu'en terre nous voyons font preuues bien contrères,  
 Qu'il vienne en Bethleem deffiller ses paupieres,  
 Voir la mere, & le filz, deux vrais Astres iumeaux:  
 N'est ce le grand Soleil le plus beau des plus beaux,  
 Qui de l'Estoile a pris ses naissances dernieres?  
 Mais ce n'est pas le tout, O miracle plus grand,  
 De ce mesme Soleil la mesme Estoile prend  
 Son lustre, sa beauté, sa grandeur, & son estre:  
 La Vierge au mesme instant, que mere elle se voit,  
 Ha pour pere son filz, qui pour fille l'auoit:  
 S'il n'estoit, que son filz, eust il peu d'elle naistre?

## 9

**Quels combats ? quels guerriers ? le ciel contre la terre,**  
 L'homme contre son Dieu, La mere avec l'enfant,  
 Vn ver de terre mort contre, Roy triomfant,  
 Vn ventre encor puceau cor, &c, qu'il enferme!  
 Sainte paix, qui naistras d'vne si douce guerre,  
 Fay voir qui de ceux cy sera le plus puissant,  
 Puis que le bras de Dieu, qui se va roidissant  
 N'employe en ce combat ny foudre ny tonnerre:  
 Hò la terre a gaigné, Desia l'homme est fait Dieu,  
 Le ver-de-terre est Roy, la Vierge vn filz a heu,  
 Tout est doncques d'accord, Toute querelle est morte:  
 Non, Reste vn differend, Qui plus humble a esté  
 Ou la mere, ou le filz: Hà ton Humilité  
 Vierge, fait que ton filz, puis qu'il est Dieu, l'emporte.

Quand


Quand ie vay meditant d'une ame moins distraite  
 Ces misteres tant hauts du Sauueur incarné,  
 Soit comme ia conceu, Soit comme desia né,  
 D'où se fait, que mon cœur point de l'armes n'en iete?  
 Est ce, que le plaisir de voir ce, qu'il souhaite  
 Le rende eperdument plus ioyeux qu'estonné?  
 Ou que pour estre trop a la chair addonné  
 Il ne puisse a l'esprit faire si douce feste?  
 O cœur diamantin! Si ce n'est de douleur,  
 Pourquoi d'amour aumoins n'eprains tu quelq; pleur?  
 Quel subiet de pleurer aux amés plus deuotes!  
 Si pour nostre salut il daigne n'aistre ainsy,  
 Est il pöürtant moins iuste? Hé d'où vient donc cecy,  
 Qu'il tremble, & pleure ia? N'est ce, belas, pour mes  
 fautes!





SVR LE QVATRIEME  
MISTERE IOYEVX

DE LA PRESENTATION.



SONET I.



*Extreme humilité, & la grandeur extreme  
Peuvent bien compatir, L'un fait a l'autre  
honneur,*

*Mais ie n'estimoy pas, qu'avec telle grãdeur  
L'extreme pauureté peust compatir de mesme :*

*Maintenant ie le scay, quand ie voy mon Dieu mesme*

*De la terre, & du ciel également Seigneur,*

*Offert a Dieu son Pere en forme de pecheur,*

*Et comme vn, qui rien tant que sa pauureté n'ayme :*

*Viergeurgeon royal, mere d'un si grand Roy,*

*Qui n'as que deux pigeons pour payer a la loy,*

*Quelle excuse peux tu de pauureté pretendre?*

*Mais si ton filz pour moy prend tant d'humilité,*

*Peux tu l'offrant, offrir autre que pauureté?*

*N'est ce pour double grand, humble, & riche me rēdre?*

*Anges,*

Anges, hommes, & cieux, qui voyez ces merueilles,  
 Arrestez vous icy par admiration,  
 Oyez avecque moy du iuste Simeon  
 Le cantique ioyeux, qui remplit mes oreilles:  
 Mais en l'oyant, pensez quelles faueurs pareilles  
 Iamais homme receut! Dieu-est l'oblation,  
 Qu'un pur homme recoit: Dieu n'est, qu'un enfançon,  
 L'homme, qui le benit, chargé d'ans, & de veilles!  
 Le vieillard iusqu'alors estoit comme immortel,  
 Dez qu'il touche son Dieu, il se voit fait mortel,  
 Son ame n'en est moins d'heur, & d'aïse rauie:  
 Pouuoit il desirer de iamais ne mourir,  
 Voyant Dieu fait mortel? Où creindre de perir,  
 Tenant en main son Dieu pour gaigé de sa vie?

Que l'enuie au bon-heur de l'isle Zaratine,  
 Qui despuis tant de temps garde entre ses tresors  
 Du iuste Simeon le venerable corps,  
 Gaigé trop precieux de la bonté diuine:  
 Ces bras, qui tindrent Dieu, ceste sainte poitrine,  
 Qui receut tant d'honneur de le toucher alors,  
 Sont encor comme entiers, & n'ont pen les efforts  
 De la mort, ny des ans perdre vne chair si digne:  
 Ame, qui fus iadis hostesse de telz os,  
 Quel doit estre l'estat de cet heureux repos,  
 Duquel or tu iouis en l'immortelle vie!  
 Le corps, qui touche Dieu pourtant ne laisse point  
 Desire ce qu'il estoit, Mais l'ame, qui se ioint  
 A son Dieu par amour, toute se deïse!

Ce n'estoit pas asses pour sauuer ceste cendre ,  
 Que Dieu vinst prèdre chair, l'amour qu'il nous portoit  
 Bien que non meritè, encores meritoit  
 Qu'il vinst s'offrir a nous , qu'il vinst nostre se rendre :  
 Ce fut lors, qu'il permit , qu'en son aage plus tendre ,  
 Estant au Pere offert comme la loy vouloit,  
 A l'exemple de ceux, qu'au Temple on r'achetoit ,  
 Deux pigeons pris pour luy, le nous fissent reuendre :  
 N'est il donc tout a nous , dez que l'Humanité ,  
 Par sa mere, l'offrant l'a pour nous rachepté ?  
 Mais bon Dieu qu'est cecy ? que si peu tu nous constes !  
 Deux pigeons pour vn Dieu ! Et pour nous r'acheter ,  
 A fin de nous pouuoir a ton Pere porter ,  
 Tu verses de ton sang iusqu'aux dernieres gouttes !

## 5

Mais quoy faire en cecy ? Mais a quoy me resoudre ,  
 Si mon Dieu, mon Sauueur, souffre vn si grand mespris,  
 Que d'estre r'acheté pour vn si petit pris,  
 Feray ie estat de moy, qui ne suis rien que poudre ?  
 Mais quand d'autre costé ie le voy se dissoudre  
 Tout en eau, tout en sang, tout en pleurs , tout en cris,  
 Pour moy, tant il me prise , Hé ne doy- ie estre espris  
 D'vn orgueil saint, & tel qu'il dedaigne le foudre ?  
 Si ie suis tant petit , doy- ie m'offrir a Dieu ?  
 Et si ie suis si grand, où treuuer le milieu ?  
 Vierge, puis que ton fait me dit , ce qu'il faut faire,  
 Fay que m'offrant a Dieu, i offre encor, comme toy,  
 Ce I E S V S , qui iadis te fut rendu pour moy ,  
 Pourroy- ie offrant ton filz , a son Pere ne plaire ?  
 Je me

Je me voy tout confus te voyant, Vierge pure,  
 Prendre tant de soucy pour te purifier,  
 La rigueur de la loy peut elle te lier?  
 Toy, qui tiens soubs tes pieds les loix de la nature?  
 Mais quoy? si ton cher filz a ceste loy tant dure  
 De circoncision, veut bien sacrifier  
 La fleur de son pur sang? Luy qui vient publier,  
 Qu'il est la Verité dont la Loy fut Figure:  
 Si la mere, & le fils, Si la Reyne, & le Roy,  
 L'un Dieu, l'autre sans tache, accomplissent la loy  
 Par pure humilité, par humble obeissance,  
 Que feray-ie, pecheur, qui ay par tant de fois  
 Transgressé de mon Dieu les plus faciles loix,  
 Prendra il en pur don l'orgueil de mon offence?

Lors que l'aube du iour messagere muëtte  
 Rameine l'air nouveau teint de rouge couleur,  
 Il n'est pas malaisé, au pâle labourer  
 De predire a ses bleds la pluye, ou la tempeste:  
 Ainsy voyant de Dieu l'enfance encor tendrette,  
 Lors qu'il est circoncis, monstret tant de rougeur  
 Par le sang qu'il respand, Hà, dis-ie, quel malheur,  
 Ains qu'il meure en la Croix, sur ceste chair s'appreste?  
 Mais quand, Vierge, ie voy ta grande humilité  
 Faire que sans auoir comme immonde enfanté,  
 Tu viens au iour prefix, te presenter au temple,  
 Que puis-ie presager, sinon que tu seras  
 De tant plus grande au ciel, qu'en terre tu nous as  
 D'extreme humilité founny plus grand exemple?

Dieu

Dieu par son Saint Esprit son cher Fils nous presente,  
 Quand le ventre puceau vient a le concevoir,  
 La Nature en appres forcee en son deuoir,  
 Quand d'une Vierge il naist, homme le represente,  
 La Vierge l'offre aussy, quand sa main tremoussante  
 Le porte au Temple Saint, où pour le recevoir  
 Le iuste Simeon attendoit de le voir,  
 Offrande beaucoup plus, qu'ont nulle autre plaisante,  
 Encores quelque iour luy mesme s'offrira,  
 Quand cloüé sur la Croix a son Pere il rendra  
 L'esprit distrait du corps en passion extreme:  
 Quel amour fut le sien! Quand son Pere l'offrit,  
 La Nature, & la Vierge, en ioye il le souffrit,  
 A fin qu'un iour il peust souffrant s'offrir soy mesme!

## 9

Spectacle merueilleux: Hé qui pourroit le croire,  
 Si les yeux n'en rendoient tesmoignage assure!  
 Celuy, qui des hauts cioux ne peut estre entouré,  
 Qui n'ha que sa grandeur pour vaisseau de sa gloire,  
 Caché neuf mois entiers dans le celeste armoire  
 De la Vierge, qui l'eut en ses flancs resserré,  
 Se fait voir maintenant par sa mere honoré,  
 Pour de l'obscur passé rendre le vray notoire:  
 Ce Dieu, de qui la main porte tout l'vniuers,  
 Souffre d'estre porté gisant tout a l'enuers,  
 Voire, qu'entre ses bras vne Vierge le tienne!  
 Vierge, qui le portant portes le firmament,  
 Pourrois tu te porter, si tout ensemblement  
 Pour porter sa grandeur, il ne portoit la tienne?

Se treuve-il encor de si vains personnages,  
 Qui pensent de pouuoir en ce monde iouir  
 D'un heur continuel, Et iamais ne sentir  
 Du Sort non attendu les importuns outrages?  
 Vierge-mere de Dieu, fay-nous-en tous plus sages,  
 Qui tenant en tes mains, de quoy te resjouir  
 Plus qu'autre infiniment, ne laisses d'or'ouyr  
 Du dueil qui t'outrera les horribles presages:  
 Ainsy de ton cher filz l'extreme passion  
 Dez le premier instant de sa conception  
 Commença d'affliger les pensers de son ame:  
 C'estoit bien la raison, que du fils langoureux  
 La mere ausy le fust: Comment donc estre heurieux,  
 Sans auoir part au dueil de ceste heureuse Dame?





SVR LE CINQVIEME  
MISTERE IOYEUX

D V R E T R O V V E M E N T .



S O N E T I .



*Echeurs, qui transsiffiez de douleur tât amere,  
D'auoir perdu celuy, par lequel vous viuiez,  
Cherchons-le ensemblement, & si vous m'en  
croyez,*

*Car des vostres ie suis, cherchons-le avec sa mere:  
Voyez de quels regrets, & la Mere, & le Pere  
S'affligent le cherchans par sentiers deuoyés,  
Quels sospirs ! quels sanglots ! A les voir, vous diriez  
Que nostre Enfer n'est rien au pris de leur misere !  
Hà s'ilz l'eussent perdu, comme nous, par peché,  
De quel soing, de quel cœur l'auroient ilz recherché !  
Mais si le retreuant leur ioye en est si grande,  
Combien plus grand seroit nostre contentement,  
Si nous auions esté leurs egaux en torment !  
Ils n'auoiēt pas perdu ce, qu'il faut qu'il nous rède.*

I 2

He,

Hé, que nous as tu fait, disoit la Vierge Sainte,  
 Hé, que nous as tu fait, mon fils, de t'estre ainsy  
 Perdu si longuement, sans te donner soucy  
 De ton Pere, & de moy, pleins de dueil, & de creinte !  
**Mais** quand i' offre a mon Dieu ma plus iuste complainte,  
 Lors que ie l'ay perdu, quand ie le treuue aussy,  
 Hé, dis-ie, qu'ay ie fait pour forcer ta mercy,  
 Que de me pardonner elle soit ia contrainte !  
**Hà** que bien ie pourrois dire, Que m'as tu fait,  
 Pourquoi ie doine, ô Dieu, auoir ainsy forfait !  
 Ou mieux, Que n'ay ie fait pour perdre ta presence !  
**Si** ie pouuois de plus luy dire a bon escien,  
 O Dieu, que n'as tu fait pour me rendre tout tien !  
 Je croy, que ma douleur vaincroit mon esperance.

**Malaisement** iamais pouuons nous recognoistre  
 Combien vaut d'estre a Dieu, tandis que nous l'auons :  
**Mais** quand il est perdu, a l'heure nous treuons,  
 Qu'il estoit nostre Tout, le seul bien de nostre Estre :  
**De** mesme il nous en prend de tout ce qui peut estre  
 Et d'aymable, & de bon pendant que nous viuons,  
 Le iouir ne se sent, Seulement nous scauons  
 Combien la chose vaut, s'elle n'est plus en estre.  
**Mais** quand le bien perdu se retreuve en appres,  
 Il en semble meilleur, On le tient de plus pres,  
 Plus grand en est le dueil, s'on vient a le reperdre :  
**Dieu** seul est celuy là, duquel moins il nous chaut,  
 Parce que nous scauons, où rechercher le faut,  
 L'art de te retreuver, est ce, ô Dieu, de te perdre !  
 Qu'est

Qu'est ce perdre son Dieu, sinon perdre soy mesme ?  
 Et se perdre au rebours, qu'est ce que treuver Dieu,  
 Mais iuste, & impiteux, plein d'effroy, plein de feu,  
 Pour perdre le peché dans l'abisme plus blesme ?  
 Au moins, quand on se perd, si perte tant extreme  
 Faisoit, qu'il ne restaît de l'homme tant fust peu,  
 Le mal en seroit moindre, & pourroit donner lieu  
 A l'esperoir, qu'on auroit de perdre Dieu de mesme ?  
 Pecheurs, qui le perdans vous treuvez ià perdus,  
 Si son oeil vous poursuit, las que tardez vous plus ?  
 Cherchez le, & tost, auant que sa main vous retreuve :  
 Et toy, qui sans te perdre autrefois le perdis,  
 Vierge, l'ayant treuvé, Ne fut ce toy qui dis,  
 Heureux, non qui le perd, mais qui perdu, le treuve.

Je scay bien que ce Dieu, qui vint homme se faire,  
 A tousiours esté Dieu, Auant ia qu'il fust né,  
 Quand il voulut encor au ventre estre incarné,  
 Quand son naistre le fit de la mort tributaire,  
 Mais quand i'ose eplucher ce tout diuin mistere  
 De son retrouvement, le demeure estonné,  
 Le voyant en pur homme, & comme abandonné,  
 Par sa mere perdu, se treuver Dieu en chaire :  
 Perte heureuse, qui fais que Dieu homme rendu  
 Pour rendre l'homme Dieu, s'estant homme perdu,  
 Se treuve en fin Dieu tel, que pour tel on l'honore :  
 Ainsy quand ie le pers, pur homme ie le voy,  
 Qui souffre d'estre encor crucifié par moy :  
 Le treuve-ie a salut ? C'est le Dieu, que i'adore.

Deuots consolez vous, si par fois Dieu retire  
 Ses consolations, quand plus vous le priez  
 Qu'il vous soit fauorable, & lors que vous diriez,  
 Qu'a voz plus saincts desirs il est prest de soubcrire:  
 Meditez avec moy la Vierge, qui sousspire  
 Son propre fils perdu, lors mesme, que ses piés  
 Venoient de rendre a Dieu ses veux sacrifiés  
 D'un cœur, a qui nul autre egal ne se peut dire.  
 Ce n'est estre deuot de prendre ses plaisirs,  
 A sentir Dieu present, il faut que noz desirs  
 Ayment tout ce qu'il veut, fust ce nostre enfer mesme:  
 Mais pensez vous, que Dieu, quand l'ame ne le sent,  
 Soit pourtant esloigné? Quand il seroit absent,  
 L'absence de lamy fait que tant plus on l'aime.

**VIERGE**, est il desia temps, que de la profetie  
 Du iuste Simeon, tu sentes les effets,  
 Quand pour n'auoir tenu ton cher fils de plus pres  
 Ie te voy le cherchant de dueil toute transsie?  
 Presage douloureux de la peine infinie,  
 Qu'un iour tu souffriras, quand de mille regrets  
 Ses regards, & ses cris comme glaiues, & traits  
 Presseront a l'enuy, & sa mort, & ta vie!  
 Sa perte, ie le scay, t'afflige extremement  
 Dez trois iours presque entiers, L'autre semblablement  
 Iusqu'au troisieme iour te tiendra langoureuse:  
 Mais bon cœur, Vierge, En fin il se retreuuera,  
 Or tu le vas cherchant, Lors il te cherchera,  
 Quel mal ont les douleurs, dont la fin est ioyeuse?

Ya il tel regret , que celuy d'une mere ,  
 Qui perd son fils unique uniquement chery ?  
 Ou d'une femme , helas , qui perd son doux mary ?  
 Ou d'une Vierge , a qui la mort vole le pere ?  
 Mais de tous ces regrets la douleur plus amere ,  
 Qu'ha elle de semblable au dueil d'un cœur marry  
 D'avoir perdu son Dieu , & qui de fauory  
 Qu'il estoit paravant , se voit fait aduersaire ?  
 Toy , qui fus mere , espouse , & fille de ton Dieu ,  
 Quel deult estre ton dueil , ne trouuant en nul lieu  
 Ton fils , ton cher espoux , ton Pere desirable !  
 Mais Dieu fut tousiours tien : Combien plus pers-ie moy ,  
 Dont l'ame , ô Dieu , seroit , si ie ne te perdoy ,  
 Ta mere , Ton espouse , & ta fille agreable !

## 9

Bien faire , & enseigner ce qu'il faut que lon face ,  
 Pour viure selon Dieu , sont deux points du deuoir ,  
 Pointz , qu'un chascun de nous doit poursuiure d'avoir ,  
 Pour au ciel quelque iour meriter quelque place :  
 Le scauoir sert de peu , si Dieu ne fait la grace  
 Qu'on face ce qu'on scait , & qu'on scache vouloir  
 Ce qu'il faut faire ausy : Dieu donne le pouuoir  
 De bië faire , a qui veut , pour peu qu'on l'en pourchasse .  
 Ainsy nostre Sauueur , pour le monde incarné ,  
 Commenca de patir dez l'heure , qu'il fut né ,  
 Mais non pas d'enseigner iusqu'a son an douzieme :  
 Lors du ciel , comme Dieu , les richesses preschant ,  
 Partrois iours presque entiers il va son pain cherchant ,  
 N'est ce faire , & prescher par contraires le mesme ?

Le fils me fait pitié, quand ie voy sa difete  
 Le contraindre d'aller son viure mendiant,  
 La mere encore plus, que ie voy larmoyant  
 Engloutir pour son pain les larmes qu'elle iette!  
 Le fils m'estonne tout de ce, qu'il ne regrette,  
 Que sa mere pour luy de dueil aille mourant,  
 La mere encore plus, qui cà là tournoyant  
 Semble creindre qu'un Dieu n'ayt plus point de re-  
 Qui t'eust peu consoler, Vierge, si ta douleur (traite!  
 Naïssoit d'auoir perdu le seul consolateur!  
 O Dieu, qui t'eust cougnu a te voir sans ta mere!  
 Si d'vn pecheur treuue Dieu mesme s'eiouit,  
 Anges, que fites vous, lors que le ciel ouit,  
 Qu'elle en cherchant son fils retreonna vostre Pere!



SECON-

SECONDE PARTIE  
DE LA TROISIÈME  
CENTVRIE

*Sur les Mysteres Dououreux du Sainct*

ROSAIRE,

SVR LE PREMIER

De l'oraison faite au Iardin.

SONET. I.



*VIERGE, si iusqu'icy tant de ioyeux misteres  
Qui font rire le ciel, tout causé du soulas,  
Permets que maintenant plein de larmes  
belas,*

*I'ose ramenteuoir tes douleurs plus ameres :  
Le souuenir est doux des douleurs salutaires  
Lors que l'estat present fait qu'on ne les sent pas,  
Mais si tu ne les sens pour tant d'heur que tu as,  
Fay que pour viure heureux ie meure en tes miseres :  
Ie te prens en l'estat, où ton fils te laissa,  
Quand au premier adieu sa mort il t'annonca,  
S'en allant au Iardin armer contre le traistre !  
Ah ton cœur est percé ! mais puis que tu scais bien  
Qu'il n'est moins Dieu pourtant, quel regret est le tiens ?  
Que pour le voir mourir, sa mere il t'a fait estre !  
O Chair,*

O Chair, traitresse Chair ! Qu'est ce donc que tu n'oses ,  
 Si dece mesme Dieu qui t'honore de tant ,  
 Tu ne crains d'assaillir le courage constant  
 Pour luy faire aggreer ce que tu luy proposes !  
 Son vouloir, tu le scais, c'est que tu te disposes  
 A patir, a mourir, pour le rendre contant,  
 Et tu vas, importune, avec luy contestant,  
 Pour faire, s'il se peut, qu'encor tu te reposes !  
 Ainsy contre l'Esprit tu batailles touiours,  
 Et bien que de raison vuides soy'nt tes discours,  
 Tu veux que du combat il te quitte la gloire :  
 Mais beny soit mon Dieu, Puis que sa volonte  
 Te combatant pour moy, la tienne a surmonte  
 Il n'ay qu'a faire mien le fruit de sa victoire.

De tous les ennemis, qui combattent noz ames  
 Les plus traistres assauts sont ceux de nostre Chair,  
 Tant elle est domestique, & prompte a rechercher  
 De nous perdre a tous coups par ses ruses infames :  
 Le Diable seroit court, son enfer, & ses flammes  
 Ne s'estendroient iamais iusques a nous toucher,  
 Le Monde encore moins, si pour nous approcher  
 La Chair ne leur donnoit de quoy faire leurs trames :  
 Heureuse encor, pauvre ame, & trop puissante helas,  
 Si ton propre vouloir ne te trahissoit pas,  
 Mais de toy contre toy tous prennent leur amorce !  
 Appren, ô miserable, appren de ton Sauueur,  
 Quand pour estre du Monde, & du Diable vainqueur,  
 Ains de sa propre Chair, a soy-mesme il fait force.

Le trem-

Je tremble de frayeur , a peu que ie ne meure ,  
 Quand ie voy mon Sauueur , mon Dieu mesme viuant  
 Effroyé de la mort , & d'angoisse suant  
 Nô d'eau pure, ains du sâg, que le cœur non lœil pleure!  
 Mais qui iamais eust creu ce, qu'on uoit a cest'heure,  
 Qu'un tel cœur plain d'un feu, que le celeste vent  
 Anime sans cesser, puisse estre larmoyant  
 Ou que contre la peur tout le sang ne l'asseuré ?  
 Miracle precieux ! Ce sang tout ramassé  
 Dans le centre du cœur par la creinte glacé ,  
 Rompu par le marteau de l'Amour se debonde !  
 Il estoit bien seant , qu'auant ce grand debord,  
 Qui deuoit, ô grand Dieu, reiaillir de ta mort ,  
 On vist que sans bourreaux tu l'offrois pour le monde.

## 5

Doncques vous le souffrez, ô cieux, et vostre face  
 Ne rougit point de voir , qu'un seul de voz Esprits  
 Ose accoster son Dieu, & comme mal-appris  
 De luy donner confort prenne encore l'audace !  
 Ange, qui que tu fus , qui vins prendre la place ,  
 Fus tu plus ou du dueil , ou de merueille espris ,  
 Voyant triste celuy, qui tient en soy compris  
 Tout ce qu'ha tout le ciel d'allegresse, & de grace ?  
 Quels furent les discours dont tu le consolas ?  
 Puis qu'a luy comme alors pur homme tu parlas !  
 Le recogneus tu moins pour ton souuerain maistre ?  
 Si tu l'honores tant lors qu'il souffre pour moy,  
 Quel deust estre l'honneur , qu'a sa gloire ie doy !  
 S'il fut lors ton vray Dieu, quel me doit il or' estre ?  
 Ah

Ah Terre creue toy , & tes fieres entrailles  
 Engloutissent mon corps dās leurs gouffres plus creux ,  
 Si c'est le seul moyen d'eleuer l'ame aux cieux ,  
 Le corps peut il auoir plus dignes funeraillies !  
 Lâche corps , qui te plains pour peu que tu travailles ,  
 Quand l'ame te semond de seconder ses veux :  
 Croiray-ie que voyant de ton Dieu langoureux  
 Le corps tout estendu , soudain tu ne deffailles ?  
 O haute humilité ! le fils du Dieu puissant  
 Sur sa face panché la terre va pressant ,  
 Pour porter iusqu'au ciel sa priere , & son ame !  
 Moy pecheur excecrable, ose en mon oraison  
 Leuer les yeux au ciel ! n'est ce donc la raison  
 Que de mon trop d'orgueil l'enfer enfle sa flamme !

C'est asses , ô mon Dieu , c'est trop, la moindre goutte  
 De ce sang precieux qui sort de ta sueur ,  
 Ne suffit elle pas pour biffer le malheur  
 De la faute d'Adam , qui ia si cher te couste ?  
 Faut il que tant de sang goutte a goutte s'egoute ,  
 Pour du pere appaiser l'effroyable fureur ?  
 Hâ ie suis racheptré, & la moindre douleur  
 Que tu souffres pour moy , doit faire qu'il t'escoute !  
 Dequoy donc seruiront les opprobres, les coups ,  
 Les uerges, les bourreaux, la croix mesme, & les clous,  
 Que tu veux endurer, ains la mort tant funeste ?  
 Si l'homme est ia payé , si le pris ia fourny  
 Pour vn si grand achapt ne peut qu'estre infiny ,  
 Quel doit estre , ô bon Dieu, cet amour qui te reste !  
 Ange

*Ange, qui viens du ciel pour conforter ton maistre  
 Ha-il besoin de toy pour s'offrir a la mort ?  
 Si c'est tout son souhait , n'est ce luy faire tort  
 D'oser pour l'enhardir, deuant luy comparoistre ?  
 Lors qu'au monde il nasquit, bien voulut il permettre ,  
 Tant il fut bien seant, qu'on ouyst cet accord  
 Dont vous remplistez l'air , pour preuuer de plus fort  
 Qu'il n'estoit moins uray Dieu, quoy qu'il uoulust hōme  
 Mais apres auoir fait tant de miracles grands (estre:  
 De sa Diuinité tresfidelles garands ,  
 Estoit il plus requis d'auoir ton tesmoignage ?  
 Ouy, pour nous aseurer, qu'en ceste passion  
 Il souffre en homme pur, mais que son action  
 Monstrera, qu'un Dieu seul a fait vn tel ouirage.*

## 9

*O l'extreme confit, O l'estrange agonie,  
 Que tu souffres pour moy, mon Sauueur IESV-CHRIST,  
 Quand ta Chair bataillant contre ton propre Esprit,  
 Tu ressens en ton cœur vne angoisse infinie !  
 De là vint, ô bon Dieu, ceste sueur benie,  
 Qui de ton cœur ardant la foiblesse surprit,  
 Lors que ce sang premier ton visage couurit  
 Pour faire, qu'en ton corps mon ame fust punie !  
 O combat merueilleux ! sur vn mesme subiet  
 Et la Vie, & la Mort bastissent leur proiet,  
 L'enfer, le Paradis, l'Infamie, & la Gloire ;  
 Mais ce qui plus m'estonne, ô Dieu, c'est que tous deux  
 Par toy mesme appointés, & faits victorieux,  
 Te condamnent, qu'en fin ce calice il faut boire.*

*Voyant*

Voyant de mon Sauueur l'ame tant angoissee  
 Lors qu'il suë le sang, de douleur, & d'emoÿ,  
 Je preuoy ia ce iour, où la mort, où l'effroy  
 Des enfers combatra ma pauure ame oppressee!  
 Quand ie seray sans poulx, ma force terracee,  
 Mes esprits sans esprit, les Diabls contre moy,  
 Pauure ame où fuyras-tu? s'il ne combat pour toy,  
 Ou si de son amour il ne te rend blessée!  
 Anges que faites vous, qui retenez ce sang,  
 Que sa sainte sueur ua sur terre versant!  
 Souffrez que son amour vne goutte m'en baille!  
 Ah bening Redempteur, N'auras tu lors pitié  
 De qui te couste tant, si ia ma mauuaitié  
 Te fait entrer pour moy dans ce champ de bataille!





S V R L E S E C O N D  
M I S T E R E D O V L O V R E V X  
D E L A F L A G E L L A T I O N .



S O N E T I .

**A**rrést donc est donné, qu'en la fleur de ton aage  
Il faut mon doux I E S V S, que tu meures pour  
moy,  
Et que pour m'enrichir, de pauvre que iestoy,  
La perte de ton sang soit tout mon heritage !  
Puis qu'ainsi tu le veux, & que ia ia la rage  
De ces traistres bourreaux s'elance contre toy,  
Si de leurs foetz sanglans les coups ie ne recoy,  
Fay du moins reiaillir ce sang sur ton image !  
Vierge, qu'un saint desir embrase de scaoir  
Ce que l'amour ne peut te permettre de voir,  
Ne t'équiers point encor comment c'est qu'on le traite :  
Garde ce que tu as, & de force, & de cœur,  
Pour mourir mille fois, quand l'extreme douleur  
De le voir mort en croix, finira ton enqueste.

Voyez

Voyez, mechants, voyez, combien peut l'innocence  
 Contre le dol menteur d'un faux crime imposé,  
 Et combien peu luy chaut d'un langage rusé,  
 Puis que pour aduocat elle prend son silence :  
 Tefmoin m'en soit celuy, dont la fiere impudence  
 Osant voir a ses pieds son Dieu mesme accusé,  
 Ne laissa de rougir, lors que maladiisé  
 Du foet il prononca contre luy la sentence :  
 Il voit ces traistres Iuifs le poursuyure a la mort,  
 Il le iuge innocent, & dit qu'on luy fait tort,  
 Mais quoy ? pour le sauuer il le bat, il le geine !  
 Quel amour a la mort, bon Dieu, te fait courir,  
 Si du Iuge meschant, qui te veut secourir,  
 La grace ne te sert, qu'a redoubler ta peine !

Ab Vierge cache toy, retire toy de grace,  
 Pour ne voir tant de maux que souffre ton cher fils,  
 Qui lié, garrotté par la rage des Iuifs,  
 Ne monstre rien que sang pour lustre de sa face !  
 Las, ce n'est plus celuy qui voulut en ta race  
 Prendre ce corps douillet de ton sang plus exquis,  
 Ces deux habillementz, ô Vierge, que tu fis  
 Et au Verbe, & au Corps, Vois-tu qu'on les defface ?  
 Ceste robbe qui fut vne de toutes parts,  
 Dans peu d'heures sera le iouët des soudars,  
 Mais son corps ia de-ia tout par-tout se deschire :  
 Bon Dieu, qui le croira ! le Verbe estre fait chair,  
 Et souffrir que les foetz la puissent escorcher,  
 Sans que pour tant de coups seulement il sauspire.

Voir

Voir le Verbe fait chair, sans que d'une parole  
 Il puisse tesmoigner ny d'où, ny quel il est,  
 C'est a faire a ceux là qui voyent quand il naist  
 Entre l'asne, & le beuf, où sa mere l'accolle :  
 Iene m'estonne pas, que son enfance molle  
 Qui le tient maillotté, le tienne encor muët,  
 Mais ie m'estonne bien, qu'estant homme tout fait  
 Il souffre tant de coups, sans qu'un cry le console !  
 Si tel souffrir, bon Dieu, te fait voir patient,  
 Combien fut au dedans ton cœur prompt, & riant,  
 Lors que de mes pechés ton sang rompoit la corde !  
 Il sembloit aux bourreaux, que tu ne disses mot,  
 Helas, c'estoit alors que d'un coeur plus deuot  
 Tu criois, & pour moy, O Dieu misericorde !

## 5

Traistres, cruels bourreaux, d'où vous vient ceste audace  
 D'oser impudemment, d'oser mettre la main  
 Sur le corps de mon Dieu, & d'un foet inhumain  
 Diffamer ce qu'il ha de douceur, & de grace !  
 Hé ne creignez vous point le coup de sa menace,  
 Si desia d'un seul mot il vous a tout soudain  
 (De sa diuinité tesmoignage certain)  
 N'aguieres tous armés ranuersé sur la place ?  
 A quoy peuuent seruir ces cordes, ces liens,  
 Si contre voz efforts sans autre ayde des siens,  
 Un mot doux luy suffit, pour vous porter par terre ?  
 Quelles cordes, ô Dieu, t'eussent peu retenir,  
 Puis que l'Amour, t'auoit au monde fait uenir !  
 Mais, las, si mes pechés ne t'eussent fait la guerre !

Pardon, ô Dieu puissant, & ta sainte justice  
 Prenne compassion de ton vni que fils:  
 La iustice encor veut, qu'on ayt pitié des cris  
 De qui mesme se sent bourrellé par son vice:  
 Le sang du iuste, ô Dieu, qui s'offre en sacrifice,  
 Qui ia pour t'obeir souffre tant de mespris,  
 Qui volontairement a la mort s'est soubmis,  
 Est il digne subiet d'un si cruel supplice?

Pardon, ô Dieu, pardon, si ie te fay ce tort  
 De t'appeller cruel, lors que ie voy qu'a mort  
 Tu poursuis ton cher fils, quand plus tu l'abandonnes!  
 Ah ie faux meschamment: O Dieu trop, & trop doux,  
 Puis que pour mon salut, tu veux que tant de coups  
 Soynt autant de pardons, qu'a mes fautes tu donnes!

Quelles sont, ô bon Dieu, ces cordes qui te lient,  
 Sinon tant de pechés qui me tiennent captif!  
 Qui sont ces fiers bourreaux, qui t'escorchent tout vif,  
 Sinon ces vanités, qui de toy me delient?  
 Quelle colonne, a qui tant de cordes s'allient,  
 Si ce n'est la durté de mon cœur trop restif!  
 Quel ce fleuue de sang qui coule si naif?  
 N'est ce tant de pardons, dont mes pechés se rient?  
 Secours, ô Dieu, secours, las, tousiours le peché  
 Tiendra il mon malheur a l'enfer attaché!  
 Si la corde te plait, les bourreaux, les gensdarmes,  
 La colonne, & le sang, ren-moy la Charité  
 Pour corde, pour bourreaux, vn Remord effronté,  
 Pour colonne, ta Croix, pour sang, l'eau des mes larmes.

Agneau

Agneau vray'ment de Dieu, & vray Dieu tout ensemble,  
 Quand te doy-ie appeller Agneau plus iustement,  
 Que quand tu veux souffrir pour moy si doucement  
 D'estre non-pas tondu, mais escorché ce semble ?  
 Encor l'Agneau plus doux, quand on le tond, il tremble  
 Monstrant par son souffrir, qu'il souffre forcement,  
 Mais toy mon doux I E S U S, tant volontairement  
 Souffres qu'un si beau corps au plus ladre ressemble !  
 Agneau tousiours Agneau, mais non, comme autrefois,  
 Tousiours immaculé ! Bourreaux, ie blasfemois !  
 Mais es-tu sans peché si tous les miens tu portes ?  
 Quelle iustice, ô Ciel ! l'Agneau saint, & tout net,  
 Porter de mes pechés, & le faix, & le foet,  
 Pour ouvrir a ce Bouc du paradis les portes !

## 9

Leuer ses yeux au ciel, verser son sang en terre,  
 Souffrir d'estre lié pour n'auoir que de coups,  
 C'est l'estre de l'Agneau, quand pressé par ces loups  
 Il faut que de-ses bras ceste colonne il serre !  
 Si c'est pour moy, bon Dieu, que se fait telle guerre,  
 S'il faut qu'en ce combat iay' part avecque vous,  
 D'où vient qua tout propos, yure d'un vain courroux  
 Mon sang braue le ciel, & mon ame s'aterré !  
 Digne exemple a tous ceux, qui se vantent Chrestiens,  
 De mespriser le sang, & les terrestres biens,  
 Pour porter iusqu'au ciel de leurs esprits la flamme !  
 Mon Dieu, quand ie vous voy plein de si grande ardeur  
 Embrasser ce pillier, de combien plus grand cœur  
 Helas, si ie voulois, baiseriez vous mon ame !

Mon ame, si par fois te quindant sur les nuës  
 Tu te plais d'admirer la bonté de ton Dieu,  
 Descens insques ca bas, & t'arreste en ce lieu  
 Pour voir de nouveautés au ciel mesme incognuës !  
 Voy que ce mesme Dieu sur ses espaules nuës  
 Qu'un pilier encordé serre par le milieu,  
 Souffre, quē tant de fouëts (Supplice a moy bien deu)  
 L'ecorchent, pour t'orner de depouilles indeuës !  
 Medite quels discours en ceste humilité  
 Son amour meditoit ! si ton cœur n'est matté,  
 Dy moy, n'est il plus dur que ne fut la colonne ?  
 Ah tu ne pleures pas, ingrate, & tant de coups  
 Ne te font point saigner ! helas, quand son courroux  
 Se rira de tes pleurs, Crois tu qu'il te pardonne ?





SUR LE TROISIEME  
MISTERE DOVLOREUX  
DE LA CORONATION.



SONET I.



*Est aux plus affligés vne extreme allegeance  
Si l'on prēd de leurs maux quelque rō passion,  
Plus douce, a leur admis, en est l'affliction,  
Et rien tant que celà ne tient leur patience:  
Mais aussy quel regret a la pauvre innocence,  
De voir a ses trauaux ioindre l'irrision,  
Sur tout, quand du mocqueur la sotte inuention  
L'outrage d'un brocard, qui la picque a outrance!  
Celà seul deffailloit pour combler tes malheurs,  
O Dieu, que ces bourreaux rissent de tes douleurs!  
Mais quel ris plus piquāt, que le leur plein de pointes?  
VIERGE vien hardiment, & ne crein cet ennuy,  
Puis qu'il faut, que qui veut regner avecque luy,  
De sa Couronne encor prenne part a mains iointes.*

Mais qu'est ce que ie voy ? ces espines si druës,  
 Qui de mon doux I E S V S outrepercent le chef,  
 Piquer iusqu'à la mere, ains d'un effort plus grief  
 Penetrer iusqu'au cœur ses entrailles emeuës !

Ie scay que d'un tel fils les douleurs tant aiguës,  
 Font que la mere ayt part d'un si triste meschef,  
 Mais, las, qu'apres le fils, la mere de rechef  
 Sente le coup plus grand, c'est estre trop pointues !

Mais peut on esperer, qu'un cœur ainsy blecé  
 Puisse estre encor tout vif d'une lance percé,  
 Quand son fils desia mort receura tel outrage !

VIERGE retire toy, ton dueil me fait pitié,  
 Car s'il n'egale encor ton extreme amitié,  
 Scache aussy que tu as a patir dauantage.

Roy, & Princes mondains, qui pasmez tous de creinte  
 Qu'un desastre impreueu ne vole voz honneurs,  
 Qui faites tant d'estat de ces sceptres trompeurs  
 Desquels ne reste en fin que la perte, & la plainte,  
 Venez voir vostre Roy, dont la Couronne sainte

Qui fait rougir son front deust teindre voz grandeurs,  
 Direz vous le voyant, que semblables faueurs

Ne doiuent s'accepter que par pure contrainte ?

Les vostres, dittes vous, n'ont rien de si poignant,

Qui de perles, & d'or vont voz testes ceignant,

De là vient, croyez moy, qu'elles sont si perdables !

Voulez vous comme luy a iamais estre Roys ?

Prenez de sa couronne vne espine vne fois,

Fichez la dans voz cœurs, Vous serez ses semblables.

Je ne m'estonne point de voir qu'un grand Monarque  
 Porte son triste chef, d'espines couronné,  
 Qu'il soit quant a l'habit de pourpre enuironné,  
 Qu'il veuille, qu'un ronseau soit d'un sceptre la marque:  
 Car qui d'un grand Estat conduit la fresse barque  
 Comme forsat deslors a la cheine est donné,  
 Du sang de l'innocent maintefois condamné,  
 Iamais seur, que quand plus il ne doute la parque:  
 Mais ie- mestonne bien, que de noz Rois le Roy  
 Prenne de sa grandeur telles marques sur soy,  
 Luy, qui n'est que plaisir, qu'innocence, & qu'un Estre:  
 MONDE, qui le voulus voir ainsy reuestu  
 Pour te rire de luy, pourquoy ne pleures tu  
 Tes Princes despouillés des marques de leur maistre!

Abisme de grandeur, & de gloire infinie,  
 L'obiet, & le plaisir des Esprits glorieux,  
 Comment peux tu souffrir de ces seditieux  
 Les souflets, les crachats sur ta face benie!  
 Race du vieil Adam, quelle horrible manie  
 Arme si sottement tes bras audacieux,  
 Contre ce Dieu benin qui n'a quitté les cioux,  
 Que pour t'y r'appeller toy, qui en fus bannie!  
 O Dieu, quel parangon! l'Ange pour auoir peu  
 Oser ne rien vouloir, qu'estre esgal a son Dieu  
 Se voit soudain ieté dans l'abisme plus blesme!  
 Et l'homme impunement ose bien le batant  
 L'auilir tout a fait! Si ne croy-je pourtant  
 Qu'auant le Ciel ouuert, l'Enfer fust clos demesme.

**Pilate, qui te pleins, que quand ton arrogance**  
 Ose a mon Redempteur former d'interrogats,  
 Il ne te respond rien, a toy, dis-tu, qui as  
 Sur sa mort, sur sa vie, absolument puissance,  
 S'il permet que pour luy, t'ose entrer en deffence,  
 Dy moy, quand tu le voys plein d'infames crachats,  
 Plein de coups, plein de sang, d'ou te vient que tu n'as  
 Ny pitié de ses maux, ny peur de sa vengeance?  
 Si tu le tiens vray Dieu, oses tu l'offencer?  
 S'il n'est qu'homme, Peux tu tant, & tant l'angoisser,  
 Sans qu'un si long souffrir t'esmeue a te cognoistre?  
 Hà meschant, ie t'entens, Voy-là l'homme, dis-tu,  
 Si tu le tiens pour tel, Hé pour quoy donc fais tu  
 Qu'on ne le puisse au moins pour homme recognoistre?

**Pilate que fais tu? Monstres tu ce visage**  
 A ces Iuifs impiteux pour leur faire pitié?  
 Toy, qui scais que ce n'est que par inimitié  
 Qu'ils l'ont mis en tes mains pour assouvir leur rage?  
**Monstre le a l'Eternel, qui tout bon, qui tout sage**  
 Voyant son propre fils, son Image souillé  
 De ce pur sang qui fut dans la Vierge caillé,  
 Sans doute adoucira ta langue, & leur courage:  
 Ou si tu ne crois pas, qu'un Dieu tout immortel  
 Puisse aduoier pour fils, vn qui se rend mortel,  
 Monstre le au moins a toy, & lui donne la vie:  
 Hà tu t'en ris meschant! mais te doy-ie outrager,  
 Si mes fautes sur soy luy mesme veut venger,  
 Si son Pere le voit, & pour me voir, l'oublie!

Mondains, Mondains, Mondains, qui de la gloire vaine  
 Faites si grand estat, & de ce poinct d'honneur,  
 Sur lequel vous fondez tout ce que la grandeur  
 Se peut imaginer de Vanité mondaine,  
 Venez cet homme voir, & iugez si la peine,  
 Si les ris, les crachats, que souffre mon Sauueur,  
 Quand il est blassémé comme vn sot, & reueur,  
 Meritoient qu'il entrast en cholere soudaine !  
 Vous dittes, & ie croy que mieux vous aymeriez  
 Mourir cent mille fois, que si vous enduriez  
 La moindre indignité d'outrages tant infames,  
 Eh ! puis que de sa mort l'horreur n'ha le pouuoir  
 De vous mortifier, mourez donc de le voir  
 Non contét de mourir, pour vous souffrir tels blasmes.

## 9

Bon Dieu, si iusqu'icy, la face pechereße  
 De l'homme ta depleu, si d'un iuste courroux  
 Tu luy as fait sentir, quoy qu'encores trop dous  
 Combien peut, quand tu veus, ta fureur vengereße,  
 Voy l'homme maintenant, tel que la main traitresse  
 De Pilate, & des Iuifs, le monstre plein de coups,  
 Voy l'homme, non pas moy, mais celuy qui pour tous,  
 Afin de t'appaiser, a ta mercy s'adresse !  
 N'est ce, ô Dieu, celuy là, que ta douce faueur  
 Dez tant d'ans va cherchant pour estre le Sauueur  
 De la race, a tes loix de plus en plus rebelle ?  
 Mais croiray-ie, ô bon Dieu, que quand tu l'appercois  
 Si mal traitté pour moy, plus bening tu me sois ?  
 Quel moyen donc, hélas, d'appaiser la querelle !

Sain-

*Sainte Vierge ou es-tu ? permetz que ie t'appelle ,  
 Pour voir en cet estat ce tien fils bien aymé ,  
 Iadis de ton pur sang dans ton ventre formé ,  
 Pour mourir ce iourdhuy d'une mort si cruelle ?  
 Vien le voir, mais non plus ceste face tant belle ,  
 Qui le rendoit sur tous dignement renommé ,  
 Ains ce visage, hélas, tout sale, & diffamé  
 Par les vilains crachats de ce peuple infidelle :  
 Tu le mescoignoistras sans doubte, si l'amour  
 Ne te fait discerner, que c'est bien luy tousiour  
 Qui ne peut comme Dieu souffrir nul improperé :  
 Mais si d'un corps si beau les traits sont alterés ,  
 Voy ceux de son Esprit de tant plus epurés  
 Par là tu cognoistras, & ton fils , & son pere .*





SVR LE QVATRIEME  
MISTERE DOVLOREVX

D V P O R T D E L A C R O I X .



S O N E T I .

**R**eilles bouchez vous , pour n'ouir le blasfeme  
De ces fiers endiables , qui ia tant ont crié  
Contre mon doux I E S V S , qu'il soit crucifié,  
Pour honnir a iamais son Royal diademe !  
Ny de son chef percé, ny de son œil si blesme  
L'honneur plein de respect, ia tout mortifié,  
Ny du foet outrageux le supplice oublié  
N'emueuēt ces bourreaux: Tant leur rage est extreme:  
Pilate iusqu'icy sagement retenu  
Pour auoir de mon Dieu l'innocence congnu,  
Pressé de le iuger, maintenant le condamne !  
Inhumain, & meschant ! dont lauand d'eau tes mains  
Tu te dis net du sang qui laue les humains?  
Ah l'eau n'y sert de rien, puis que ce sang te damne !  
De quoy

De quoy ne s'auisa ce maudit aduersaire,  
 Pour empêcher l'effect de ma redemption !  
 Preuoyant que du fils l'extreme passion  
 Pourroit encor pour moy au Pere satisfaire !  
 Bien qu'il ne puisse a fait comprendre ce mystère,  
 D'une femme il surprend l'imagination,  
 Hazarde, s'il pourra par telle inuention  
 Empêchant ceste mort, a Dieu mesme deplaire :  
 Quoy plus ? il fait offrir par Pilate aux soldats  
 En lieu de mon Sauueur le voleur Barrabas,  
 Mais il entend crier, Non, Qu'on le crucifie :  
 Que tu fus, ô meschant, enuieux de mon bien !  
 Te fay-ie tort, Bourreau, si pour n'estre plus tien,  
 Je fay que mon peché couste a mon Dieu la vie !

Mais vous Iuifs, plus meschants, ames plus endiablees,  
 Que le Diable ne fut, qui voz coeurs enouuoit,  
 Dites si vous scauez, quelle cause pouuoit  
 Rendre contre mon Dieu voz rages redoublees !  
 O ciel, peux tu souffrir tant de voix assemblees  
 Pour sauuer celuy là, qui cent morts meritoit,  
 Pour condamner celuy, qui la vie apportoit  
 Aux ames, ia deia par la mort mesme emblees !  
 Il falloit donc, bon Dieu, pour estre mon Sauueur,  
 Qu'on te tinst plus meschant, que le pire volcur !  
 Pourquoy non, s'il falloit que tu tinsses ma place ?  
 Si c'est pour moy, bon Dieu, qu'on te diffame ainsy,  
 Quand ie demande, hélas, a ton Père mercy,  
 Pourroit il refuser a tes peines ma grace !

Digne

Digne procession , si long temps attendüe ,  
 En laquelle ie voy de ce mien Redempteur  
 La venerable Croix, dont il est le porteur ,  
 En forme d'estandart sur son corps eslendiüe !  
 Mais qui est ceste femme, a peu pres eperduë ,  
 Qui le suit de si pres ! ah l'extreme douleur  
 Qui de pleurs va couurant de ta face l'honneur ,  
 Vierge, aux plus incougnus te rend assez cougnüe !  
 Eh peux tu faire moins, que de suyure ses pas ,  
 Si pour prendre avec luy quelque iour tes esbats  
 Il faut qu'a son exemple encor ta Croix tu portes ?  
 Ah, la raison veut bien , que comme vn iour tu dois  
 Estre assise là haut , proche du Roy des Roys ,  
 Tes douleurs icy bas soynt aussy les plus fortes .

## 5

Supplice de la Croix, trop cruel, trop infame ,  
 Qui veux, que quiconque est a tes peines vouë  
 Pour estre pieds, & mains sur vn arbre cloüé,  
 Soit encor le porteur du bois qui le diffame ,  
 Si c'est pour rengreger du condamné le blasme ,  
 Pour rendre son forfait par luy mesme aduoüé ,  
 Faut il que l'innocent desia tant bassouë ,  
 D'un honte si pesant charge encores son ame ?  
 O amour infini ! ta seule volonté  
 Ah bening Redempteur, a la croix t'a porté !  
 Porte doncques ta Croix, exploite ta sentence ,  
 Mais puis que mes pechés te font si malheureux,  
 Puis qu'autre que ta Croix ne me peut rēdre heureux,  
 Fay que ie porte au moins la Croix de penitence.

C'est

C'est estre trop cruels, D'une croix si pesante  
 Charger les foibles reins de mon Dieu ia mourant !  
 Et quand il ne va pas a leur poste courant ,  
 Faire a coups de baston, qu'il haste leur attente !  
 Si le sang qu'il respand rend sa peine plus lente ,  
 S'il tombe maintefois haletant, sousspirant ,  
 Ce n'est qu'a coups de pié qu'on le va secourant ,  
 C'est en blasphemant Dieu qu'on le luy represente :  
 Pecheurs, qui uous laissez de porter vostre Croix  
 Si par faute de coeur vous tombez quelque fois ,  
 Ne perdez cœur pourtant, quoy que le faix vous greue,  
 Iettez l'oeil sur ce Dieu, n'attendez que les coups  
 De sa iuste fureur portent iusques a vous ,  
 Puisque si doucement sa Grace vous releue .

Souffre mon Redempteur, qu'a ta peine si grande  
 Ie puisse s'il te plait la mienne associer ,  
 Portant avecque toy, qu'on va sacrifier ,  
 O secours inhumain ! & l'autel , & l'offrande !  
 L'autel donc soit ta croix si pesante , & si grande ,  
 Pour mes pechés si lourds que tu veux expier ,  
 L'offrande soit mon coeur pour le mortifier ,  
 Afin que desormais ta croix seule il demande :  
 Ce ne fut sans raison que tu dis autrefois  
 Que doux estoit ton ioug, & legere ta croix  
 Puis que c'est ton secours qui tout le faix supporte :  
 Mais combien t'est pesant, & rude ce fardeau ,  
 Si pour le secourir , tant ie flate ma peau ,  
 Mon coeur trop lâche, helas, vn sousspir n'y rapporte !  
Dames

Dames vrayment d'honneur, qui pleurans vostre maistre  
 Faites retentir l'air de lamentables cris,  
 Tesmoignage asseuré, que voz coeurs sont espris  
 De cet amour diuin qui iamais ne fut traistre,  
 Si tristes on vous voit, eh pourriez vous ne l'estre,  
 Perdans ce doux Seigneur, qui pour vous mort a pris,  
 Ceste chair, qui sera de voz ames le pris  
 Et l'holocauste saint offert par vn tel prestre?  
 Toy, qui pleures le plus, Magdeleine, dy moy  
 Pleures tu tes pechés, & qu'il meure pour toy?  
 N'as tu desia receu ton pardon de luy mesme?  
 Non, c'est d'un pur Amour, dont tu fais plus de cas  
 Bon Dieu, que de ses pleurs! Et ie ne pleure pas?  
 Si ie ne puis pleurer, fay du moins que ie t'ayme!

## 9

Quelle honte est cecy! de tant d'hommes qui suyuent  
 Les pas de mon Seigneur, quand il porte sa crois  
 Pas vn ne le secourt, que de pleurs, & de vois,  
 Les autres, qui pis est, a la mort le poursuyuent!  
 Vn seul voy-ie entre tous, de qui les mains estriuent  
 Si, ou non, il prendra quelque part en ce bois,  
 Tant il se rend retif, Encor certes ie croy  
 Que le, Non, gaignera, si les coups ne s'ensuyuent:  
 Maladuisé Simon pourquoy ne t'offres tu  
 De porter ceste Croix? Croix de qui la vertu  
 Doit vn iour accoller son ame avec la tienne!  
 Hà qu'il est iuste, ô Dieu, que qui ne porte pas  
 Ta Croix, porte la sienne, & l'Enfer pas a pas,  
 Fay doncques que ta Croix deormais soit la mienne!  
 Vray

Vray celeste Isaac, Fils du celeste Pere,  
 Qui portes sur ton dos cet arbre glorieux,  
 Sur lequel tu pretens offrir tes derniers vœux  
 Afin que de ton sang tout mon salut i'espere,  
 Pourquoi t'exposes tu a si grand'impropere?  
 Vouloir mourir en croix maudit, & mal'heureux!  
 Si pour plaire a ton Pere encore tu le vœux,  
 Si tu ne te plains pas, pren-pitié de ta mere!  
 Aux autres tu deffens de ne pleurer dez or'  
 Sur toy, mais sur leurs fils, & sur elles encor:  
 Sur qui, sinon sur toy, vœux tu donc qu'elle pleure?  
 Ah la voy-là pasmee, & ia preste a mourir,  
 Si tu ne dis bon Dieu, pour la tost secourir,  
 Que pour moy tu te meurs, quelle pour toy ne meure.





SVR LE CINQVIEME  
MISTERE DOVLOREUX  
D V C R V C I F I E M E N T.



S O N E T I.

**H** N fin mon doux IESVS, en fin ce long voyage  
A coups de pieds, de poings, t'a conduit en  
ce port,  
Port infidelle *belas*, puis qu'il faut que la mort  
T'y face de ton sang attendre le naufrage!  
Mon ame peux-tu voir de ces pendars la rage,  
Qui pour le bienueigner le depouillent d'abord!  
Qui pour le depouiller le tiraissent si fort,  
Qu'avec ses vestementz sa chair tombe en pillage!  
Appres tant de trauaux l'un sur l'autre entassés,  
Quel liēt caressera ses membres harassés?  
Si c'est toy sainte Croix sur la terre estenduë,  
Comment pourra ce liēt tant estroit contenir  
Vn Monarque si grand? ou quels clous retenir  
D'vn Dieu, qui peut mourir, la force suspenduë!

L

Qu est

Qu'est ce que vous voyez mes yeux, quelle merueille,  
Si pour la voir, hélas, vous estes epurés !

N'est ce de mon Sauueur les membres deschirés  
Gisants sur ceste Croix, qui n'eut onc sa pareille !

Quoy plus ! Si plus se peut, ô Douleur nompareille !  
Ces membres haut, & bas cruellement tirés

Pour souffrir la rigueur des clous ia preparés  
Ah mes yeux fermez vous ! bouche toy mon oreille !

Quelle inhumanité ! l'honneur, & l'ornement  
De la Terre, & du Ciel n'auoir pour vestement

Que sa nudité mesme, & ce bois tant funeste !  
Combien moy plus cruel, lors que, mon doux I E S U S,

Après t'auoir cloué, Plus ingrat que confus  
Ie fay, qu'à ton Amour ta Croix mesme ne reste !

Encor n'est ce tout fait, L'antique profetie  
Veut que mon Redempteur a la Croix attaché

Soit sur la mesme Croix si hautement perché,  
Qu'on voye de par-tout qu'il perd pour moy la vie !

Heureux Serpent d'airain, de quelle maladie  
Ne me gueriras tu, guerissant du peché ?

Puis que comme pecheur sans en estre entaché  
Tu souffres, & pour moy, que l'on te crucifie !

N'est ce donc maintenant qu'il faut voir epreuue  
Ce qu'autrefois tu dis, Qu'estant haut eleué

Tu tirerois a toy ce que le Monde atterre ?  
Mon ame qui le vois, n'en fais tu point de cas ?

Ton Dieu pour toy s'eleue, & toy panchee en bas  
Comme vn serpent maudit rampes tousiours sur terre !

Don-

Doncques eleue toy ma pauvre ame atterree,  
 Et si tu n'as encor perdu tout sentiment,  
 Ouure les foibles yeux de ton entendement,  
 Voy la chair de ton Dieu, tout-par-tout deschiree !  
 Voy ses bras estendus, pour te rendre assuree  
 Qu'il t'attend a salut, tant il est tout clement !  
 Ses pieds outrepercés, afin que seurement  
 Tu viennes, quoy que tard, a ce sang alteree !  
 Entens tant de beaux mots, qu'un feu de charité  
 Fait exhaler du corps ia tant debilité,  
 Sur tout, lors que pour toy si chaudement il prie,  
 Priant pour ces bourreaux, qui l'ont crucifié:  
 Mais ne tien pour celà qu'il t'ayt iustificié,  
 Si tu n'es, non plus qu'eux, de le tuer marrie.

## 5

Voy quel est celuy là qui perd sa propre vie,  
 Pour te la redonner ! Si c'estoit vn pecheur,  
 Tu pourrois iustement rire de son malheur,  
 Et perdre neantmoins de plus pecher l'enuie :  
 Si d'un Ange incarné l'ame a son corps vnice  
 Fournissoit le subiet de si griefue douleur,  
 Tu deurois mespriser de sa mort la faueur,  
 Demeurant toutesfois de son amour ranie !  
 Si c'estoit vn Dieu tel, qu'il vouluſt en ce iour  
 De sa diuinité prendre quelque secours,  
 Sa chair riroit pour toy des Iuifs, & de leurs armes :  
 Mais puis que c'est vn Dieu tellement incarné,  
 Que pour toy de soy-mesme il est abandonné,  
 Si ce n'est a ce coup, quand veux-tu fondre en larmes !

Enquiers toy, qui patit tant de peines cruelles,  
 N'est ce ton Dieu bening ! couuert, mais glorieux,  
 Innocent, le plus beau que peussent voir les yeux  
 De ceux, qui sur sa chair iettent leurs mains bourrelles:  
 Mais pour qui souffre il ? pour tes fautes mortelles,  
 Pour moy, pauvre pecheur, abiet, malicieux,  
 Miserable, impudent, qui me rends orgueilleux  
 Quand a sa passion mes desirs sont rebelles !  
 Mais, quoy ne souffre il ? tant d'opprobres, & coups  
 Luy sembloient n'estre rien, il choisit ces gros clous  
 Qui l'ont crucifié, pour bourreaux plus habiles :  
 Encor meurt il ioyeux, tant mon salut luy plait !  
 Car tout ce qui t'afflige, ô Dieu, c'est que i'ay fait  
 Jusqu'icy, trop ingrat, tes peines inutiles.

Sous cet arbre de vie arreste toy, mon ame,  
 Si tu cherches repos, sauoure ce fruit doux,  
 Qui pend deuant tes yeux, Bien qu'il soit plein de coups  
 Voy quel bon suc en sort quand la lance l'entame !  
 icy tu peux cueillir la mirrhe que la Dame  
 Sentoit tomber des mains, & des doigts de l'espous,  
 Mais niche toy plustost dans le creux de ces trous  
 Ouuert, pour y cacher ce que tu as d'infame :  
 Le sang de tes pechez par le sien effacé  
 Ne creindra la fureur de ton Dieu courroucé,  
 Mais garde, qu'avec toy tes vices ie ne porte :  
 Pose les sous la Croix, Quitte doncques ma chair,  
 Ou la portant en haut, appren de l'attacher  
 Si bien a ceste Croix, qu'ell'en demeure morte.

Qu'est

Qu'est ce qui maintient plus vostre circonference ,  
 O Cieux, respondex moy, qu'est ce qui vous maintient ?  
 Si ce bras tout puissant, qui voz spheres retient,  
 Cloüé par les bourreaux n'ha plus point de puissance ?  
 Pieds qui priestes iadis de la terre naissance ,  
 Pour porter iusqu'a nous ce grand Verbe , qui vient  
 Du ciel plus eleué , Qu'est ce qui vous soustient ,  
 Si la Diuinité soustrait son assistance ?  
 Et vous Doitez , qui pour moy créates de neant  
 Tout ce , que l'vniuers peut auoir d'apparant ,  
 Souffrez vous ces bourreaux sans les broyer en poudre !  
 Mais si vous endurez tant d'outrages des Iuifs ,  
 Quand fustes vous iamais plus forts , & moins oisifs ,  
 Que quand vous foudroyez de Dieu mesme le foudre !

## 9

Superbes venez voir de mon Dieu la couronne ,  
 Auares venez voir quel tresor appresté ,  
 Voyez luxurieux , comment il est traité ,  
 Oyez vindicatifz , de quel coeur il pardonne !  
 Venez voir enuieux , qu'est ce qu'il n'abandonne ,  
 Gourmands , goustez du mets , qui luy est présenté ,  
 Paresseux , courez voir s'il fait difficulté  
 De patir , s'il meurt ia , quand moins on le soupconne !  
 Mais qui , las , plus que toy ; ô mon ame , deust voir  
 Tous mes vices punis en ce rare miroir !  
 Pren doncques contre tous ce sang pour medicine ;  
 Ainsy pour l'enfancon , qui iamais ne pourroit  
 Le reubarbe aualler , la nourrice le boit ,  
 Puis l'enfant par le lait succé de la tetine .

De quel titre, ô Larron, faut il que ie t'appelle,  
 Pour ne t'outrager plus? Te diray-je larron,  
 Si ia tu as recen de tes fautes pardon,  
 Si tu es asseuré de la vie eternelle!  
 Mais te peux tu douloir, & m'en faire querelle,  
 Si larron ie te dy, quand de telle facon  
 Tu derobbes le ciel, & pilles ta rancon,  
 Auant que l'or moulu soit hors de la coupelle!  
 O ciel, estonne toy, Le malfaitteur plus grand  
 Fait Martir tout a coup, le paradis surprend!  
 Helas, a quoy tient il que ie ne scay le suyure!  
 Mais quand fus tu iamais larron plus dangereux,  
 Qu'en derobbant le ciel a tant de malheureux,  
 Que ton exemple fait, pour bien mourir, mal viure!

## 11

Mon Dieu doncques est mort! Tout en rend tesmoignage,  
 Le Soleil, par l'horreur d'un obscurcissement,  
 La Terre, par l'effroy d'un affreux tremblement,  
 Le Temple, par l'eclat, qui sa voute partage!  
 Le Iuif mesme estonné, quoy que trop tard fait sage,  
 Par ces traits recognoit son sot auenglement,  
 Le Gentil dit tout haut, que veritablement  
 C'est le fils de mon Dieu, qui a recen l'outrage!  
 Ah coeur trop endurcy, pour ne dire maudit,  
 Qui ne peux t'emouuoir! Sera-il doncques dit  
 Qu'en ce dueil general, mon Dieu mort, ie ne meure?  
 Du roc iadis frappé de la verge au desert  
 Reiaillirent tant d'eaux, Mon coeur, qui voit ouuert  
 Celuy de mon Sauueur, sec, & tary demeure!

Que

Que voy-ie en ceste Croix! la Mort qui viuifie,  
 Les Playes de mon Dieu, pour les miennes guerir,  
 Vn Sang pur, & naif, pour mon ame blanchir,  
 Vn monde de Crachats, qui les ords mondifie,  
 La Douleur des douleurs, qui mon Dieu mortifie,  
 Mais qui des penitents est l'unique plaisir,  
 Vn Flanc percé, qui sait vn cœur a l'autre vnir,  
 Vn infame Torment, qui tous nous glorifie,  
 Vne extreme, & grand' Soif, qui va nous enyurant,  
 Vn Depouillé tout nud qui nous va rechaufant,  
 Deux Bras cloués au bois, qui delient mes cordes,  
 Deux Pieds, quoy qu'attachés, q font les miës plus forts,  
 Vn, qui rendant l'Esprit rend l'ame viue aux morts,  
 Vne Iustice en fin, mille Misericordes !

Mais en ce grand desordre, où la Nature mesme  
 Pour ne se rendre ingrate, oublie son deuoir,  
 Où le Soleil se cache, afin qu'on puisse voir  
 Que de son Dieu ia mort il porte vn dueil extreme :  
 To seray-ie, parler, VIERGE, desia si blesme,  
 Mais, las, par quels discours, pourray-ie t'emouuoir  
 A n'estre tant esmeuë, a ne ramenteuoir  
 De ton fils, que tu vois, le sanglant diademe!  
 Console toy, qu'il t'a en ses derniers propos  
 Fait legat d'un tel fils, qui sera ton repos!  
 Fils beaucoup plus heureux, de t'auoir pour sa mere!  
 Fay moy part, s'il te plait, de l'un, & l'autre honneur,  
 Puis-que frere ie suis de ton fils mon Seigneur,  
 Qui m'a fait par sa mort enfant de son vray Pere.



# CENTVRIE DE QUATRAINS.

1

**P**our viure a Dieu l'homme doit en Dieu viure,  
 Qui vit a soy, meurt soudain a son Dieu,  
 Mais celuy là, qui dit au Monde adieu  
 Mourant a soy, vit bien pour mieux reuiure.

2

Ce n'est mourir de perdre ceste vie,  
 Rien que le corps par la mort n'est vaincu,  
 Pourueu qu'on ayt chrestienement vescu  
 La mort se voit par soy mesme rauie.

3

Ce sac de vers, ceste charongne morte,  
 Vn iour, vn iour son ame reprendra,  
 Lors par effect le corps aduoïera,  
 Que non luy l'ame, ains que l'ame le porte.

4

Ayant forfait, ne dy point, Je suis homme,  
 Mais souuien toy d'estre encore Chrestien,  
 Et t'aduouant indigne d'un tel bien,  
 Garde sur tout, qu'ingrat Dieu ne te nomme.

Où

5

Où que tu soys, quoy que ton peché face,  
 Croy que ton Dieu te voit de tout costé,  
 Pourroys tu bien de sa diuinité  
 Respecter moins, que d'un Prince la face ?

6

Adorer Dieu comme un Chrestien doit faire,  
 N'est le prier de leures, ains de cœur,  
 Le principal, c'est d'aymer son honneur,  
 C'est l'adorer ne vouloir luy deplaire.

7

Ren-toy deuot si tu veux que la grace  
 De ce grand Dieu t'empêche de pecher,  
 Et ne croy pas d'estre si dur rocher,  
 Que pour celà meilleur il ne te face.

8

Estre deuot n'est qu'un desir extreme  
 De laisser tout pour s'unir tout a Dieu,  
 Mais qui plus est, quand le temps, & le lieu  
 Le veut ainsi, pour Dieu laisser Dieu mesme.

9

Pour viure bien, fay que souuent ton ame  
 R'entrant en soy, medite sainctement,  
 Quel est ton Dieu, quel toy semblablement,  
 Combien luy grand, Toy pauvre, vil, infame.

10

En ces deux poinctz, soy mesme, & Dieu cognoitre,  
 Git tout le bien, qui se peut desirer,  
 Heureux qui peut l'un de l'autre attirer,  
 Et par le ciel les enfers recognoistre.

Fay

Fay qu'un desir de la vie eternelle  
 Incessamment epoinconne ton cœur :  
 Si tu pretens d'estre en fin le vainqueur  
 De ceste mort, qui se vante immortelle .

12

Garde toy bien d'aymer Dieu pour la gloire ,  
 Qu'un iour tu veux de sa main recevoir ,  
 Tu te rendroys indigne de l'auoir ,  
 Le postposant au pris de ta victoire .

13

Ayme ton Dieu pour sa bonté si grande ,  
 Qui te chérit d'un amour si constant :  
 Peux tu n'aymer un Dieu qui t'ayme tant,  
 Qui rien de toy, que l'amour ne demande ?

14

De cet amour si ton ame estoit pleine ,  
 A ton prochain pourrois tu faire mal ?  
 Puis qu'il ne faut aymer l'homme a legal ,  
 L'amour de Dieu produit l'autre sans peine .

15

Pour bien aymer autruy comme toy mesme ,  
 Ne t'ayme point, sinon comme celuy ,  
 Lequel n'ha rien, qui ne soit de l'autruy ,  
 Pour estre aymé, non mesmes de soy mesme .

16

Hay ta chair, & ses plaisirs infames ,  
 Mais encor plus ta propre volonté ,  
 C'est celle là de qui l'authorité  
 Faict regorger les enfers de tant d'Ames .

Tant

Tant aymer Dieu que soy mesme on haïsse,  
 C'est s'aymer bien, & d'amour bien lié  
 Mais t'aymer tant, que Dieu soit oublié,  
 C'est prier Dieu que l'enfer t'engloutisse.

Vser, Iouir, ont telle difference,  
 Que sans se perdre on n'en peut abuser,  
 Iouir Dieu seul, sans iamais en vser,  
 Du reste vser, mais par non-iouissance.

Honneurs, estatx, richesse incomparable,  
 Quiconque osa premier vous dire BIEN,  
 Puisque si mal il cognut vostre RIEN,  
 Que ne fut il fait par vous miserable!

Si les tresors Dieu compare aux espines,  
 Comment peux tu dans ta main les ferrer?  
 Ouure la donc, & pour mieux t'asseurer,  
 Remply ton cœur de richesses diuines.

Le voyager n'est il sot s'il ne change  
 Tout son argent, qui n'ha mise autre part?  
 Tu cours au ciel pour y prendre ta part,  
 Pren donc de Dieu quelque lettre de changer

Mais pour l'auoir (car par tout il en donne)  
 Fay liberal, l'aumosne a plein boisseau,  
 Puisque tu scais, que pour vn verre d'eau,  
 Pour vn denier, il rend mainte couronne.

Quand

Quand tu recoys en tes biens grand dommage,  
 Pour te sauuer Dieu decharge ta nef,  
 Puis quil te faut ancrer là haut en brief  
 Garde qu'au port tu ne faces naufrage.

Oy ce vieil mot, qui dit Cache ta vie:  
 Si tu ne veux, que viure impunement,  
 Mais si tu scais viure chrestienement,  
 Fay qu'on la voye; & qu'on te porte enuie.

Ne cherche point de ressembler, mais d'estre  
 Tel que tu veux de tous estre estimé:  
 A quoy te vaut d'estre tel renommé,  
 Si Dieu te voit, s'il te tient pour vn traistre?

Ie ne veux pas que l'honneur tu mesprises,  
 Quand ta vertu se fera venerer:  
 Mais ie voudrois, que pour plus t'honorer,  
 Il vinst a toy, lors que moins tu le prises.

Ce poinct d'honneur, qui tant pique le monde,  
 Croyquil n'est pas, puisque ce n'est qu'un poinct,  
 Ou que sil est, pour le moins il n'a point  
 De cet honneur, qui porte, qu'on s'y fonde.

Croy que plustost c'est vn seur tesmoignage  
 Du peu de cœur qu'ha l'homme impatient,  
 Qui pour brauer ala mort s'ensuyant  
 Du moindre mot ne peut vaincre l'outrage.

Lors

Lors qu'il faudra, que la cause publique  
 Ou de ton Dieu arme en guerre ton flanc,  
 Fay voir alors prodigue de ton sang,  
 Combien tu vaulx, quand le debuoir te pique.

30

Ne pense pas qu'un bon cœur se deffie  
 D'estre vaillant, & humble ensemblement,  
 L'humilité doit estre l'ornement  
 De la valeur, l'orgueil de la furie.

31

L'humilité a Platon incogneuë,  
 Ne s'apprend point qu'en l'eschole de Dieu:  
 C'est celle là qui seule sans milieu,  
 Se porte en bas pour voler sur la nuë.

32

Si par discours tu ne peux bien comprendre,  
 De ta grandeur l'immense vilité,  
 Voy qui tu es, voy qui tu as esté,  
 Qui tu seras encor appres ta cendre.

33

Si Dieu fait chair, s'appelle ver de terre,  
 Voudroys tu bien prendre un tiltre pareil?  
 Dy que tu n'es que poudre, ains le cercueil,  
 Où le grand Rien tous ses tiltres enterre.

34

L'humilité n'est poinct ambitieuse  
 De cet honneur, qui la suit dignement,  
 C'est double orgueil de feindre simplement  
 L'humilité, quand ell'est orgueilleuse.

Ne

Ne pense pas, que pour humble te dire,  
 Ce soit assez d'estre tel recognu,  
 Il faut de plus quand tu seras tenu  
 Homme de peu, le croire, & puis t'en rire.

Ne fay iamais, que ton œuvre meschante  
 Donne argument de parler mal de toy,  
 C'est le secret pour bien viure, & m'en croy,  
 Ouyr le blasme, & faire tant qu'il mente.

Quand d'un meschant la langue te diffame,  
 Dy, si tu l'es, je suis homme de bien,  
 Mais puis dans toy, Hâ ie merite bien  
 Par mes pechés plus de mal, que ce blasme.

Ne fais estat, que de ta conscience,  
 Si l'on te veut faussement accuser:  
 Ne laisse pas, pour ne scandaliser,  
 De faire voir a tous ton innocence.

Pren pour amis ceux, qui sont de ton aage,  
 S'ils sont meilleurs, & plus sages que toy,  
 S'ils ne le sont, sans leur dire pourquoy,  
 Laisse les là, Pren des vieux le plus sage.

Platon dit vray, que de la deffiance  
 Comme vn enfant la prudence naissoit,  
 Ne dy qu'encor la deffiance soit  
 Tout au rebours fille de la prudence.

*Ayme vn chascun, si tu veulx que Dieu t'ayme,  
Ne pren pourtant vn chascun pour amy,  
Ayme vn chacun, voyre ton ennemy,  
Mais tes amis plus encor que toy mesme.*

42

*A ton amy, qu'auras sceu bien eslire,  
Ne crain d'ouurrir le secret de ton cœur,  
Mais pour iamais n'offencer son honneur  
Crain de penser, ce qu'il doive redire.*

43

*De l'ennemy, qui tes oeuvres espie,  
Pour t'en venger tire commodité,  
Te faisant bon, si tu ne l'as esté,  
Si ia tu l'es, viuant plus sainte vie.*

44

*L'homme meschant esclau de son vice  
Ne peut durer, s'il n'ha de grands amis,  
Mais pour mon mieux Dieu me doint d'ennemis  
Pleins d'vn desir, qui braue ma malice.*

45

*Pour estre aimé, fay que ceux qui te prisent,  
De ta faueur cherissent les honneurs,  
Et ne sois pas fait semblable à plusieurs  
Qu'on n'ayme point, que de peur qu'ils ne nuisent.*

46

*Fol est celuy dont le discours se fonde  
Sur ce qu'il peut en songe imaginer,  
Mais bien plus sot, qui pense gouverner  
Appres sa mort vne autre fois le monde.*

*A quoy*

*A quoy seruir tant de vaines louanges ?  
 Appres tu mort tu ne les sentiras ,  
 Garde plus tost que là ou te seras  
 Tu ne sois ry du Diable , & de ses Anges .*

*Puisque tu scais quel moien il faut suiure  
 Pour viure bien, pourquoy ne vis tu pas  
 Pour bien mourir, ainsi qu'a ton trespas  
 Tu voudrois bien auoir sceu touiours viure ?*

*Si pour guerdon de ta vertu plus rare ,  
 Dieu t'enrichit , & de biens , & d'honneur ,  
 Loüe si haut la bonté du donneur ,  
 Que pour ton mieux il t'en soyt plus auare .*

*Tu peux bastir comme oyseau sur la terre ,  
 Comme Chrestien tu dois bastir aux Cieux ,  
 Ce seul palais te rende ambitieux ,  
 Dont Dieu sera le macon , & la pierre .*

*De l'enuieux les langueurs nom-pareilles  
 Tiennent son cœur iustement affligé ,  
 Mais si tu veux estre encor mieux vengé ,  
 Donne à son cœur cent yeux , & mille oreilles .*

*Du mal d'autruy prendre vn plaisir extreme ,  
 Du bien d'autruy concevoir maint regret ,  
 C'est tesmoigner de ne scauoir que c'est ,  
 Ny bien, ny mal, d'autruy , ny de soy mesme .*

*L'homme*

L'homme lascif prend sa chair pour excuse,  
 L'aure l'or, le superbe l'honneur,  
 L'ire vn sang chaud, sa santé le dormeur,  
 Et le gourmand: Enuieux, Tout i'accuse,

54

Rougis tu point luxurieux infame,  
 De descharger ta faute sur le corps?  
 Hé penses tu bonnissant le dehors,  
 Rendre plus net le dedans de ton ame?

55

Ne dy iamais pour couvrir ta luxure,  
 Que ce peché se cache dans ta chair;  
 C'est dans ton cœur, que tu dois rechercher  
 De ton forfait, & la source, & l'ordure.

56

De ces pechés, que capitaux on nomme,  
 Sache sur tous la luxure fuir,  
 Ne vois tu pas les bestes y courir?  
 Les autres n'ont que du Diable, & de l'homme.

57

L'aure étant de son or idolatre,  
 N'ha pour obiect, que le mal de son bien,  
 Et pour compter changeant son Tout en Rien,  
 Moins il en ha, plus il dit Cinq, & Quatre.

58

Bien dist on vray, qu'il n'est telle richesse,  
 Pour viure heureux, que le contentement,  
 L'aure n'ha que le content: Et ment,  
 Quand sien il dit, ce qu'aux autres il laisse.

M

Si tu

*Si tu pouuois le ciel par l'or acquerre ,  
Ce soing deueroit sans cesse te tenir :  
Mais si tu scais , quel mal t'en peut venir ,  
Pourquoy baiser l'excrement de la terre ?*

60

*De quoy peux tu t'en-orgueillir superbe ,  
Si tu n'as rien , que Dieu ne t'ayt donné ?  
S'il faut desia qu'a peine encor bien né  
Tu sois l'espic dont la mort fait sa gerbe .*

61

*L'ambition du ciel precipitee  
Contre le ciel va toujours s'elevant ,  
C'est pour plonger aux enfers plus auant ,  
Comme au bourbier la pierre en haut ietee .*

62

*L'ambition pour mere ha l'ignorance ,  
L'orgueil pour pere , & l'enfer pour pais ,  
Pour son plaisir , cent mille , & mille ennuis ,  
Mais pour bourreaux sa seule impatience .*

63

*Quoy qu'offencé , sois toujours debonnaire ,  
Et en ce poinct ne ressemble a Platon ,  
Qui n'espargnoit ses valets , ce dict on ,  
Que quand contre eux il estoit en cholere .*

64

*Dieu ne veut pas , qu'a legal d'une souche ,  
Tu sois sans poulx , quand tu es offensé ,  
Mais que ton cœur iustement courroucé  
Se commandant , tienne en bride ta bouche .*

Le courroux est des tortures plus fortes  
 Pour decouvrir de ton cœur le secret,  
 Sois au rebours a la grace tout prest,  
 Tu feras voir, qu'en ton cœur Dieu tu portes.

66

Si des pechés le grand nombre te presse,  
 Si le combat t'en semble trop affreux,  
 Je te diray comme en fuyant tu peux  
 Les vaincre tous, fuy la seule paresse.

67

Courir toujours au devoir de sa charge,  
 C'est combatant fuir loysivete,  
 Sans dur combat le vice n'est dompté,  
 La seule chair, quand tu fuis, prend la charge.

68

Ce n'est le tout de brouiller maint affaire  
 Pour n'estre dit iustement paresseux,  
 Le principal c'est n'estre point de ceux  
 Lesquels font tout, fors ce, qu'ils doiuent faire.

69

Pauvre gourmand, d'où vient, que tant tu disnes,  
 Si tu n'as faim, ou si tost tu l'auras ?  
 Veux tu scavoir comment tu banniras  
 Ces voluptes ? gouste mieux les diuines.

70

Pourquoy dis tu pour excuser ta bouche,  
 Que ta santé te fait estre gourmand ?  
 Si ieuner ton ventre oncques n'apprend,  
 Combien dort mieux, qui sans souper se couche.

M 2 Le

Le ventre plein de crapule, & de sauce  
 Tout en dormant la luxure produit,  
 Fay-le ieuner, il fera moins de bruit,  
 Et si fera, que tant mieux Dieu t'exauce.

72

Si d'un beau corps le vain regard te tente,  
 Va voir ton ame, & nuë, & sans tesmoins,  
 Si belle ell'est, pourquoy l'aymes tu moins?  
 S'elle ne l'est, qu'est ce qui te contente?

73

Si tu voyois la beauté de ceste ame,  
 Lors que de Dieu la grace l'embellit,  
 Tu brulerois, & ta table, & ton lit,  
 Pourt embraser d'une si sainte flamme.

74

Pour paruenir, tu peux bien te promettre,  
 Sans te flatter, qu'en fin tu paruiendras:  
 Mais ne croy point lors, que grand tu seras,  
 D'estre si bon, qu'il faudroit pour grand estre.

75

Ne iuge point l'homme bon, ou coupable,  
 Pour bien, ou mal qu'il recoyue de Dieu,  
 Voy seulement, si le ciel, ou le feu  
 Desia le fait heureux, ou miserable:

76

Vy comme ayant a mourir tout a l'heure,  
 Vy comme ayant a viure longuement,  
 L'un te fera viure eternellement,  
 L'autre si peu qu'ata mort on te pleure.

Ne crain la Mort , pour douleur qu'elle apporte ,  
 La Mort n'est rien , puisqu'on ne la sent pas ,  
 Mais vy si bien qu'apres ce tien trespas  
 La mesme Mort aux Enfers ne r'emporte .

78

Ton Dieu , ta Mort pour vn iour te surprendre ,  
 Comme larrons , veillent ia ta maison ,  
 Pour t'asseurer , scache en toute saison  
 Faisant bon guet , estre prest de te rendre .

79

L'homme de bien peut souffrir calomnie ,  
 Il n'en doit pas estre moins estimé ,  
 Mais quand tu vois quelque homme diffamé ,  
 Croy , que son nom est meilleur que sa vie .

80

De tes amis honore la memoire ,  
 S'ils sont viuants cherche de les reuoir :  
 S'ils sont ia morts , fay qu'ils puissent te voir  
 Vn iour là haut compaignon de leur gloire .

81

D'un tien ami perdant la iouissance  
 Si par sa mort , pren-le patiemment ,  
 Si par son tort , pren-le ioyeusement ,  
 Si par le tien , meurs , ou purge l'offence .

82

Quand le mechant te voudra faire outrage ,  
 Pour ne venger , ni receuoir le tort ,  
 Fay lui toucher , que tu es le plus fort ,  
 Mais en effect monstre toy le plus sage .

Si de

*Si de ton Dieu la iuste main te presse,  
 Reconnoissant que c'est pour ton peché,  
 Souffre ioyeux, ou si tu es fasché,  
 Fay voir que c'est ton peché, qui te blesse.*

*Du cœur humain la figure t'exhorte,  
 Que le tien soit quant au monde serré :  
 Mais quant a Dieu large, ouuert & carré,  
 Pour le loger quand luy-mesme s'y porte.*

*Peut on souffrir, que la philosophie  
 D'un seul instant face si peu de cas,  
 S'il faut en fin, que l'instant du trespas  
 Donne la loy a l'eternelle vie ?*

*Si de la mort le chemin par Dieu mesme  
 Se voit frayé, pour monter sur les cieux,  
 Quand tu la vois venir clorre tes yeux,  
 Es tu chrestien si ton ame en est blesme ?*

*N'atten d'auoir achené ta carriere,  
 Pour faire part aux pauvres de ton bien,  
 En plaine nuit faut il pour y voir bien,  
 Que ton flambeau t'esclaire par derriere ?*

*De tes forfaitts quand Dieu ta purgé l'ame,  
 Soys plus soigneux qu'onques de ne pecher,  
 La mesche estainte au soudain approcher  
 De la fumé tout a coup se r'enflamme.*

Pour voir heureux, iamais ne t' imagine  
 L'estat meilleur, ou tu voudrois te voir,  
 Discour plustost, que tu deusses auoir,  
 Pis que tu n'as, comme en estant plus digne.

90

Cher l'honneur de voir souuent ton Prince:  
 Mais pour celà ne frequente la Court:  
 Là le plus grand en fin se treuve court,  
 Le plus vaillant celuy, qui mieux te pince.

91

N'aille a la Court, qui dira ce qu'il pense,  
 Ny qui creindra d'auoir mille enuieux,  
 Ny qui vouldra d'vn cœur ambitieux  
 Pretendre au ciel pour toute recompense.

92

Nul n'est repris de gueule, ou d'auarice,  
 D'orgueil, luxure, enuie, oysiueté,  
 Sans en rougir, tant soit il eshonté,  
 Le seul Venger fait gloire de son vice.

93

Rien ne te sert de pleurer tes miserables,  
 Qu'à faire voir, que tu n'as point de cœur,  
 Veux tu tirer prouffit de ta douleur?  
 Laue vn peché de mille pleurs ameres.

94

Ne dy iamais, Tel ma fait miserable,  
 Autre que toy ne te peut faire mal,  
 De ton bon heur es tu si liberal,  
 Qu'augré d'autrui tu le rendes perdable?

L'hom-

L'homme est grand sot s'il ose se promettre  
Cent ans de vie, ah c'est trop s'abuser ;  
Quiconque scait sa vie mespriser,  
Scache qu'il est de la tienne le maistre.

Le monde est rond, l'ame triangulaire,  
Comment pourroient mille mondes remplir  
L'ame, qui est capable de tenir  
Celuy, qui peut mille mondes deffaire ?

Heureux celuy, qui voit feupler sa race  
D'enfans bien nés, mais beaucoup plus heurcux,  
Qui les rend tels, qu'il puisse auoir en eux  
Dignes vaisseaux, ou Dieu verse sa grace.

Bien que c'est peu de ceste vie humaine,  
Grand est celuy, qui la scait bien priser !  
Mais bien plus grand, qui la scait mespriser :  
Non par dedain, mais pour l'aymer sans peine.

Quand tu voudras compter au vray ton aage,  
Ne me dy point : J'ay soyxante ans, & plus,  
Tu compterois les ans, que tu n'as plus,  
Compte tes iours dez quand tu seras sage.

Si tu fais mal, ton plaisir est d'une heure,  
Mais le regret t'en demeure a iamais :  
Si tu fais bien, te peinant tu t'y plais,  
La peine passe, & le plaisir demeure.





NOTIZIE SUL RESTAURO EFFETTUATO DAL  
LABORATORIO RESTAURO SAN GIORGIO DI  
ADRIANO PANDIMIGLIO

**Segnatura: 6.17.A.5**

*SINTESI DELLE OPERAZIONI EFFETTUATE CON  
SPECIFICAZIONE DELLE SOSTANZE, DEI MATERIALI  
E DELLE TECNICHE IMPIEGATE*

Documentazione fotografica su CD dei danni principali prima dell'intervento. Smontaggio totale. Misurazione pH sul front. risultato 5.35. Accurata pulizia a secco di tutte le carte con pennello morbido a setole stondate e sgommatura dei bordi con spugna di gomma whisab. Lavaggio deacidificante in acqua deionizzata con soluzione di idrossido di calcio del primo e ultimo fascicolo. Ricollatura a pennello con Tylose mh 300p al 1,5% solo delle carte trattate per via umida. Restauro delle carte con carta giapponese di adeguato spessore e colore, suture tagli e rammendo alla piega con velina giapponese e con Tylose mh 300p al 3%. Nuove carte di guardia in carta giapponese ricollata con Tylose. Cucitura a pieno punto su tre nervi singoli in pelle allumata su traccia. Nuovi capitelli in pelle allumata passante con cucitura primaria in cotone e secondaria in seta bicolore come originale. Nuova indorsatura in carta giapponese. Nuova legatura in pergamena semifloscia con titolo e segnatura manoscritta.

Roma, 4/06/2010

